

Epist. 908 a



8 Epist 9080

# SELECTIONES EPISTOLARUM

Clarorum virorum,

In vsum Scholarum in tres

Libros digesta,


OPERA

Simonis Kerrepari.

*Epistolarum Auctores indicat versa pagina.*

His accessit

Brevissima de Epistolis Latinè conscri-  
bendis Isagoge, eodem  
auctore.



D I L I N G Æ

Excudebat Sebaldus Mayer.

M. D. LXXIII.

3A B



# Epistolarum Auctores.

**Petrus Bembus Venetus, S. R. E. Cardinalis**  
*Obijt Romæ Anno 1547.*

**Iacobus Sadoletus Mutinens. R. S. E. Cardi-**  
*nalis Obijt Romæ Anno 1547.*

**Christophorus Longolius, Melchianianus**  
*Obijt Patavi Anno 1522.*

**Paulus Manutius Venetus, Aldi filius**  
*Venetijs adhuc in vivis agit.*

Bayerische  
Staatsbibliothek  
München

*Simon Verrepius liberali indole &  
eximia spe Adolescentibus & Puc-  
ris, Francisco, Ioanni, Luca, Gasparo,  
Melchiori, & Balthasaro Belleris,  
integerrimi viri Ioannis Belleri Bib-  
liopolæ Antuerpiani FF. liberalium  
artium studiosis. S. P. D.*



Nter omnia adolescentiæ  
studia, nullū est aliud, quod  
ipsam perinde decoret, ex-  
ordinet atque illustret, at-  
que studium politiorum lit-  
terarum, vt quod ad omnium libera-  
lium artium cognitionem, solidam-  
que ac veram eruditionem ape-  
riat ac seruat viam; Ipsa verò eruditio, eum  
ipsum qui se possidet multifariam ho-  
nestat, & adiuuat, adeò vt nihil pæ-  
ne sit in rebus humanis, quod sit om-  
nium mortalium ætati maiori orna-  
mento, quodque rei tum publicæ  
tum priuatiæ magis conducatur, immò  
magis sit necessarium, quam ipsa lit-

A 2 tera-

terarum artiumque omnium liberalium cognitio : Hac enim claritas acquiritur inter ciues , hac quisque rebus non vulgaribus præficitur , hac in aduersis se consolator , in prosperis sibi moderatur , huius suauis cõtubernio , etiam cum maximè solus est , lætus perfruitur.

Hac qui mente secum reputat , quis non summis laudibus vehat Parentis vestri consilium , qui filios tam multos , procul à patria , tanta solitudine , à doctis ac pijs Institutoribus liberaliter procurat educandos ; quique nunc ipse in Galliam se recipit , nunc petit Germaniam , maximis tum sumptibus suis , tum periculosis itineribus , variisque se fortunæ casibus obijciens , vt sibi compareret quo liberis sumptum studijs necessarium suppeditet. Quo nomine non possum nõ , tametsi vetusta necessitudine coniunctissimum , vehementius ipsum adamare , ipsumque & colere & celebrare , quantum ipsius id animi molestia permiserit.

Ad vos igitur me conuerto , optimi & ingenui Adolescentes , quos ego ter  
qua-

quaterq; beatos existimo, quibus tali nasci Parente obtigerit, qui & possit, & velit, vos optimis quibusque disciplinis rectè & ingenuè informandos curare; Et quod in educationis negotio potissimum est, qui vobis ipse prae-luceat, & viam commonstret expeditam, quæ rectà vos ducat ad vitam beatam & immortalem; quem respicere & intueri, cui auscultare necesse est, nec vel pedem discedere à tramite quo vos ire iusserit; sed omnibus potius eniti, tum corporis, tum animi viribus, ut, dum ille vobis subministrat oleum, vos operam ne perdati: quod facile cauebitis, si toto pectore, quod aiunt, huc incubueritis (quod Parentibus vestris est summæ curæ) ut & vita meliores, & eruditione euadatis quotidie ornatiores.

Si porro vos vectà huc contendentes, magnus subinde & assiduus terreat subeundus labor, incredibilis certè fructus, laboris amplissima merces, vos erigere, vos huc inuitare & excita-

A 3      rede-

re debet. Habent siquidem scientiarum principia potissimum, radices amaras quidem, sed fructus multa dulcedine refertissimos. Et veluti Rosæ flores omnium pulcerrimi in spinis nascuntur; sic ex durissimis studiorum laboribus, percipiuntur fructus multo suauissimi. Quos fructus Diogenes & breuibus & luculentissimis expressit verbis:

Eruditio, inquit, Iuuenibus sobrietas est, Senibus solatium, Pauperibus diuitiæ, Diuitibus ipsis ornamentum.

Perpendite, adolescētes optimi, quid hic dicat Philosophus Græcus, quantumq; eruditionis encomium, paucissimis verbis incluserit. Nulla est ætas hominis vel conditio, cui non magno sit emolumento, Eruditio, Iuuenibus, Senibus, Pauperibus, Diuitibus.

Vobis igitur qualescunq; vel nunc sitis, vel fueritis aliquando in posterum, non potest non ipsa Eruditio esse maximæ voluptati, maximo vsui & ornamento, Atq; hæc ea cōsideratio & spes est, qua inducti Parentes uestri ad hæc studia

studia rectè excolenda nullis omnino  
 parcunt sumptibus, Vos igitur & hæc  
 eadem, tum tanta Parentum in vos pie-  
 tas commoneat & cōmoueat oportet,  
 vt eorum de vobis expectationi, quam  
 non exiguam sustinetis, enitamini sa-  
 tisfacere. Quod vt alacrius & facilius  
 præstetis, mittimus dono munusculum  
 nominibus vestris inscriptum, Sele-  
 ctiores videlicet, clarum Virorū Epī-  
 stolas, ex quā plurimis in vsum sco-  
 larum à nobis sedulò collectas, quas  
 pueribus vestris studijs rectè auspi-  
 candis, emolumentum non parum allatu-  
 ras, vobisque & vniuersis politiorum  
 litterarum candidatis hoc etiam iu-  
 ründiores futuras confidimus; quod  
 earum pars maxima Nobilitati, Prin-  
 cepibusque Viris, & Ecclesiæ Pro-  
 ceribus, reliquæ verò pæne omnes vi-  
 ris & litteris & eruditione multa ex-  
 cultissimis inscriptæ sint, vt Lecto-  
 ri simul & fructum adferant & vo-  
 luptatem. Mirabilis siquidem vti-  
 litatis fructum attulerit sermonis La-  
 tini puritas, elegans & tamen illabo-

rata orationis forma, Voluptatem verò non minorem argumenti in ipsis mira quædam & iucunda varietas, quæ Lectorem subinde tanta demulcet voluptate, vt animus dictionis elegantia & rerum varietate plectus, multa earum lectione vix tandē expleri queat.

Dicerem nunc etiam, quod res & locus postulant, de earum scriptoribus, nisi vererer, ne gracilior hæc nostra camœna tam eximiis eorū laudibus decantādis nulla ex parte sufficeret. Quid enim eos ipse laudē aut predicem, quos ætatis nostræ viri ingenio & copîa dicendi præstantissimi summis laudibus prosecuti sunt? quos ipsa Italia, quos Gallia & Germania, atq; vniuersus hic orbis noster Christianus, & scripto, & famæ præconio celebrarint? cumq; adhuc vino vendibili suspensa nihil opus sit hedera, ipse à laudibus eorum supersedebo, hoc tantum dixisse contentus, si harum auctores omni certè doctrinæ & ingenij laude celeberrimi, aureo illo Ciceronis seculo vixissent; inter eos nō infimo gradu constitissent, quorū Epistolas.

stolas familiaribus, & ad Atticum Ciceronis insertas passim legimus. Quāobrem ut Ciceronis epistolis nihil ne frugū quidem potest quicquam purius, aptius, aut elegantius : Ita hīs quidem primū sedulo lectis, Ciceronis, quæ paulo acrius iudicium requirunt, non multo post subsequantur necesse est, tum ut in his, ut ad vsum communem accommodatioribus adolescens non nihil exercitatus expeditius Ciceronis assequatur, tum ut tota imitationis ratio queat facilius ab ipso percipi, quod ad parandam Eruditionem momenti non minimum habere creditur.

Geminus  
harum epi-  
stol. vſus.

Hæc fere sunt, Adolescentes ingenui, quæ me commouerunt, ut de his in vsum puerilis ætatis colligendis, collectisq; in lucem emittendis primū cogitare cœperim, consiliūq; ad effectum perduxerim, quem equidē laborem, si studiis vestris non inutilem fuisse aliquando intellexero, erit quod non vulgariter gaudeam, mihiq; magnificè de suscepti laboris fructu gratuler.

A 5 Deum



Deum Opt. Max. precor, vt bene  
 coepta studia vestra prouehat, ad læ-  
 tamq; frugem perducatur, atque vt vos  
 ipsos in multos annos tueatur ac ser-  
 uet incolumes. Mechliniæ, Anno à  
 partu salutifero, M. D. LXXIII.  
 Kal. April.

## Ad librum.

*I nunc care Liber, Belleri accede penates,  
 I bene propitio numine care Liber.  
 I nunc, ad refugis? primum saluere iubebis.  
 Tum te suscipiat supplice voce petes,  
 Si roget, Vnde venis? Dic Thabore Mechliniano.  
 A Verrepeo nempe Simone tuo.  
 Postea nos ipsi dic omnia lata precari.  
 Viuat & vt felix, hoc satis, adde, Vale.  
 Mechl. 1574.*

## INDEX.

# INDEX

Commonfrans quis cui  
scribat, & quoties.

## PETRVS BEMBVVS.

Alphonso Duci Ferrariæ.	pag. 16.
Andree Alciato Iure consulto.	32.
Andree Triuisano.	54.
Antonio Perrenoto Grannellano.	27.
Antonio Abbati S. Bertini.	49.
Bartholomeo Riccio.	8.
Basilio Zanco.	56.
Bernardo Bembo Patri.	20.
Carolo Hispaniæ Regi.	138. 55. 58.
Carolo Vtenhonio.	11.
Catharinæ Laudæ.	37.
Damiano Goes Lusitano.	17.
Egidio Cardinali.	6.
Erasmo Roterodamo.	40.
Francisco Gallorum Regi.	95.
Francisco Marchioni Mantuæ.	3.
Gregorio Cortesio.	75.
Guilielmo Budæo.	107.
Hadriano Episc. Dertusensi.	33.
Herculi Strorio.	2.

Hiero-

Hieronymo Vidæ Episc.	90.
Iacobo Sadolero Episc.	39.
Iac. & Ioan. Lomellinis.	79.
Iano Parrhasio.	6.
Ioach. Marchioni Brandenburg.	12.
Ioanni Paulo Balioni.	9.
Laurentio Malutio.	4.
Lazaro Baifio.	9.
Lazaro Bonamico.	14.
Leandro Allefio,	43.
Ludouigo Gallorum Regi.	92.
Maximil. Mediolan. Duci.	2.
Marco Ceruino Cardinali.	54.
Nicolao Perrenoto Granuellao.	72.
Nicolao Prendilaqua.	7.
Petro Barotio Episc.	31.
Reginaldo Polo Britanno.	23. 110.
Sigismundo Gonzagæ Cardinali.	21.
Torquato Bembo.	12. 41.
Valerio Superchio.	24.

### *IACOBVS SADOLETVS.*

Alexandro Farnesio Card.	85.
Ambrosio Catharino Episc.	27.
Antonio Perrenoto Episc.	1.
Antonio Florebello.	17.
Dionysio Card.	26.
Francisco Episc. Agriensi.	10. 13. 18.
Gabrieli Paleotto.	66.
Georgio Duci Saxoniz.	79.
Germano Brixio.	58.
Guilielmo Duci Bauariz.	22.
Herculi	

Herculi Duci Ferraria.	52
Hieronymo Vidæ Episc.	44.
Iacobo Simonettz Card.	19.
Ioanni Cochlezo.	7.
Ioan. Matth. Giberto Episc.	62. 99
Ioan. Toletano Episc.	36.
Ifidoro Clario Abbati.	88.
Nicolao Episc. Cap. Card.	74.
Nicolao Peitellio.	76
Nicolao Rodulpho Card.	25.
Paulo Iouio Episc.	110.
Paulo Sadoletto.	8. 11. 20. 36.
Petro Bembo.	5. 15.
Reginaldo Polo.	60.
Romulo Amasæo.	24. 86.
<b>CHRISTOPH. LONGOLIVS.</b>	
Antonio Flaminio.	97.
Baptistæ Egnatio.	18.
Gregorio Cortesio.	114.
Iacobo Sadoletto.	64.
Iacobo Luca Decano Aurelian.	130.
Mario Castellano.	49
Nicolao Draconi.	124.
Petro Bembo.	67. 71. 114.
Reginaldo Polo.	29.
Simoni Villanouano.	110.

**PAVLVS MANVTIVS.**

Andreas Duditis.	7. 39.
Antonino Mureto.	2. 24. 30.
Antonio Nattæ.	3.
Antonio Rolando.	5.
	Camillo

Camillo Paleotto.	116.
Carolo Sigonio.	129.
Decio Brancaleoni.	59. 68.
Dionysio Monstrolienfi.	25.
Francisco Cicereio.	57.
Francisco Richardoto.	121.
Francisco Robortelio.	81.
Guilielmo Sirletto.	61.
Iacobo Grifolo.	28.
Ioan. Baptista Pignz.	15.
Ioan. Sambuco.	87.
Laurentio Gambarz.	33.
Leuino Torrentio Leodienfi.	2.
Mario Corrado.	14. 38.
Mario Nizolio.	42. 88.
Michaeli Turriano.	29.
Nicasio Casletano.	78. 126.
Ostauiano Ferrario.	35. 112.
Paulo Sacrato.	100.
Petro Bembo.	67.
Romulo Ceruino.	65.
Seb. Leoni Cordub.	4.

In sele-

In selectas clarorum virorum  
epistolas, M. Augustini Vi-  
scauij Mechliniensis  
Epigramma.

**S**plendita doctorum non emoritura refulget  
Gloria, perpetuo laudis honore micans.  
Et breuior cursus quamquam sit metaq; vitæ,  
Lubricus ambiguus passibus erret homo:  
Fama tamen superest post busta varacia, nomen  
Astra petens longos viuere datq; dies.  
Nobile quos inter poscunt sibi iure trophæum,  
Qui studijs linguas perpoliere sinas.  
His sine nam rerum dono pulcerrima diuinæ  
Cognitio queat haud obtinuisse decus.  
Miratur Bembum patriæ ergo sera decorem  
Posteritas, raris annumeratq; viris.  
Cuius ab ore fluit Latij, ceu fonte, venusta  
Mellifluis phrasis & plena lepore cadens.  
Ac Sadoleti memori præconia voce  
Cantat, & eloquij flumina magna stupet.  
Purpurei titulis effulsit vterque Senatus,  
Digna q; virtutis præmia clarus habet.  
Longolij nec ijs cedit bene sermo disertus,  
Omnimoda cultus fertilitate scatens.  
Quem si sata virum seruassent impia, Tulli  
Principis eloquij victa loquela foret.  
Gaudet & illorum proles inscribier albo  
Aldina, egregium mente refertq; patrem.

Atque

Atque coronatum simul addecet esse laborem,  
Hoc Verrepaci quem superaddit opus.  
Qui studijs semper luenum prodesse laborat,  
Et quacunque valet parte iuuare, iuuat.  
Antuerpiæ.

Ad studiosum Lectorem Adri-  
anus Scherenbergius  
Antuerpien.

Qui cupis è varijs blandos decerpere flores,  
Spirantes hortis captareque naribus auras,  
Huc ades : hunc viguli cito perlege mente Libellum,  
Perdocti Symonis opus, tibi protinus ora.  
Barbara formabit : rudis ac mage lingua Latinos,  
Ipsa sonos referet, verborum sorde repulsa ;  
Incertumq̃ reget calamum, nec epistola mendis  
Vlla scatere potest horum vestigia curæ  
Carpere si fuerit : breuitas & cædia pellet.  
Grata dabit largum multo & cum sænore fructum.  
Lectio, nec multos sit consuluisse necessum  
Auctores, præsens tibi suggerit optima Codex.

FINIS.

LIBER

# LIBER PRIMVS.

LEO X. CAROLO HI.

spaniæ Regi.



E TVA TAM EGREGIA in nos uoluntate, ago tibi, quas debeo gratias: hoc est maximas atque amplissimas: spondendoq; me eius rei memoriã meo ex animo nunquam deleturum:

P. Rembus  
epi. Pontis-  
ficarum.  
libro 14.

daturum autem operam, ut parem in me uoluntatem persimilemq; semper experiare iis in rebus, quæ ad dignitatem tuam, uel sustinendam uel amplificandam pertinebunt: Dat. XIII. Kal. Mart. M. D. XVIIII. Anno quarto Roma.

Ant. Perrenoto Episc. Atrebatensi.

CVM scriberem ad patrem tuum clarissimum uirum, mandauit tabellario, ut meis uerbis tecum accuratius loqueretur. Ego, quod ad me attinet, amo-rem eum conseruo, quem iam ab eo congressu, quo ad Nicæam primum unã fuimus erga te suscepi. Tu si pari erga me uoluntate fueris, non solum meæ expectationi satisfacies, sed humanitati etiam constabis tuæ. Vale. Carpentoracti. V. Idus. Nouemb. M. D. XLV.

Iac. Sadole-  
tus epist. li.  
15.

B

Leui-



Letuino Torrentio, Leodium.

P. Manuti<sup>9</sup>  
lib. 5. epist.

**L** Eodiensem Episcopum, de quo multi multa nar-  
rant omnia præclara, summoq; digna principe,  
si quid habebis artis aut facultatis, ornabo laudibus :  
sin, quod suscipiam, præstare non licebit, amabit ille  
tamen ut opinor, voluntatem. Tu me interim, de me-  
liore, ut ille inquit, nota, commendabis, eiusq; in me  
benevolentia, si qua est, ea qua apud illum uales gra-  
tia, fovebis. Vale. nosq; sæpe litteris, si otium est, sa-  
luta. Venetijs.

Leo X. Maximil. Mediola-  
nensium duci.

Bemb. Pöt.  
epist. lib. 9.

**P**ROficiscitur Mediolanum is, cui has ad te litte-  
ras dedi, abs te petiturus, ut sibi emere istic lice-  
at thoracas ferreos quater mille, quibus nostri pedi-  
tes uti possint. Qua in re te hortor, des ei atque com-  
modes, non id modo, ut emere thoracas illos : sed etiã  
ut sine portorij solutione educere de tua ditione pos-  
sit. Datum quarto Kalen. August. Anno I I. Romæ.

M. Ant. Mureto, Patavium.

Manu. li. 3.

**O** Mi Murete, quot me premunt onera, quibus  
angor curis : accedit imbecillitas uoletudinis,  
quam, do equidem operam, ut omnino tuear ac su-  
stentem : sed uacillare interdum necesse est : ita multa  
incurrunt in nos, quæ nec uitare licet ; nec sumus ad  
sustinenda

*sustinendum pares : tu me : tuus amor, tua uirtus multum leuat. Vale. ante solis ortum albescente die. Nominis Septembr. quo me die discedere cogitantem, noua res detinuit.*

Leo X. Franc. Marchioni Mantuæ.

**Q**uoniam ad sacra conficienda, præcesq; diuinas celebrandas, cantore mihi opus est, qui grauiore uoce concinat; uelim si tibi incommodum non est, ut ad me Michaëlem Lucensem cāntorem tuum mittas: ut eo nostris in sacris atque templo, quod est omnium celeberrimum, atque sanctissimum, communemq; totius orbis terrarū pietatem & latitiam continet, uti possim. Datum tertio Kalend. August. Anno secundo. Roma.

Bemb. Pōt.  
epist. lib. 9.

M. Ant. Nattæ. Mantuam.

**D**e rebus meis, de uoletudine, de studiis, exigit omnino amicitia nostra, ut aliquid significem: sed neque nuic satis otij suppetit, neque, ut uere dicam libenter scribo, quæ tu non libenter legas: meliora tamen omnia paucis diebus fore uidebuntur: itaque uberioris à me litteras expectato. Hæc dictaui prope multis districtus negotiis, animo curis impedito. Liber tuus propediem prælo committetur, & diligenter emendabitur. Vale.

Manutius  
libro 3.

Herculi Strotio Ferrariam. S.

B 2

Cœnanti

Bembus li.  
3. epist. Fa-  
miliarium.

**C**oenanti mihi heri cum fratre tuo, redditæ sunt  
abs te litteræ, perbreues illæ quidem; uti cum  
hominis occupatissimi, tum cui nihil esset ferè, quod  
scriberes, præter salutem. Scripsisti tamen, atque ita  
scripsisti, ut amore erga me tuo, tuâq; beneuolentia,  
pagella etiam ipsa redundaret. Itaq; ualde te amo;  
quod des operam, ut esse me tibi quam carissimum, nō  
dictis tantum, sed etiam codicillis intelligam. Vale.  
XIII. Kal. Nou. M. D. II. De Strotiano tuo.

Seb. Leoni Cordubensi. Romam.

Manutius  
lib. 4.

**N**icolaus Nathaelus egregiè moratus adolescens  
magnos in latinis litteris progressus à discessu  
tuo fecit; Is cum mihi per se carus est, tum eo magis,  
quod de te sæpè loquitur amantissimè, tuamq; erga se,  
patremq; suum, insigni probitate atque doctrina ui-  
rum, perpetuam benignitatē sic in ore habet, ut eius  
memoriam nunquam sinat intermitteri. Romæ te nunc  
esse, tantū abest ut doleam, ut etiam summè gratuler.  
Vale.

Leo X. Laurentio Maluitio.

Bemb. lib.  
4. Pont.

**E**xcusationem tuam, qua mecum per litteras ute-  
ris, de tuo ad nos aduentu, catenus admitto, ut te  
bono in me animo esse planè existimem; Volo autem,  
& tibi mando, ut reiectis omnibus impedimentis Ro-  
mam uenias. Caterum ad eas litteras, quas hac de re  
tota,

tota, magistratui Bononiæ dedi, te referes; quæq; tibi  
 is meo nomine mandauerit, sine ulla tergiuersatione  
 aut mora. Dat. XV III. Kal. Sept. M. D. XIII.

Antonio Rolando. Lutetiam.

**T**vrnebus, ut me plurimum diligit, quod certe Manutius  
lib. 5.  
 mutuo faciet, exopto. Plurimum mihi tribuat,  
 quod litteræ tuæ significant, nõ postulo. Quid enim  
 ego sum? aut si esse aliquid uideor, præ illo tamẽ quid  
 sum? Ille est, cui iure omnia tribuantur: qui iam per-  
 uenerit eo, quo nobis aspirare non licet. Saluta eum  
 meis uerbis, cum ueterrimo amico meo, spectatæ uir-  
 tutis & industriæ uiro, Carolo Stephano. Te Lutetiã  
 uocarunt tua studia: quare contende, ut quam celera-  
 rime consequaris, quo consilio Lutetiam petiisti.  
 Vale.

Petro Bembo.

**E**gidium Cardinalem minus commodè ualere, mi- Sadolethus  
lib. 1.  
 hi ualde molestum est. Amo enim hominem ma-  
 iorem in modum. Nam cum omni eximia uirtute, &  
 humanitate præditus est, tum & mihi & tibi semper  
 fuit amicissimus: in tanta autem penuria nostri tem-  
 poris uirorum talium, & amandus & colendus nobis  
 præcipue est; Ei ut plurimam dicas meis uerbis sa-  
 lutem, itemq; nuncies, ad eum me scripturum fuisse,

B

3.

nisi

nisi uoletudini eius parcendum esse duxissem, uehementer te rogo; Vale mi charissime & suauissime Bembe, nosque quod facis dilige. Carpētoracti. M.D. XXVII.

Leo X. Iano Parrhasio.

Beb. li. 10.  
Pontific.

**C**um id magnopere optē, ut Romanus litterarū ludus à præstantissimis doctoribus exerceatur, ut ij qui se bonis artibus dediderunt ex ea re fructus uberrimos percipiant: de tua in studiis mitioribus doctrina certior factus ad ea publicè docenda Romæ te sublegi, stipemq; tibi dari iussi annis singulis ducenarum aureorum nummū. Quare uolo ut ad urbem quamprimum uenias: libenti enim te animo atque paterno uidebo. Dat. tertio Calend. Octob. Anno II. Romæ.

Egidio Cardinali S.

Bemb. li. 6.  
Famul.

**V**ictorem Superantium Cubicularium Clementis, qui tibi has litteras reddidit, ualde amo. Est enim & eruditus, optimisq; artibus deditus, & bonus plane iuuenis, ac summa probitate summaq; modestia. Eam uelim tua facilitate sic complectare; ut mihi gratias agat, quod se in tuam familiaritatem insinuarim. Id enim cupit maxime. Gratum adolescentem, & officiosum, et tua beneuolentia dignum cognoscēs. Vale. XIII. Cal. Quint. M. D. XXX. E Noniano.

Ioanni

Ioanni Cochleo S.

**Q**uæ scribis ad me de Ecclesiis istic desertis à cultu Dei, deq; concionibus aduersariorum nostrorum, periculisq; omnibus quæ piis & probis hominibus impendent: ita mihi acerba & luctuosa uisa sunt, ut non audeam ea, tanquàm uulnera animi mei, uerbis refricare. Deum supplex oro, ut aliquādo ipse benignioribus oculis nos respiciat, non enim iam ullis nostris in consiliis, sed in Domino sunt omnia, ad quem spes nostras penitus habere conuersas debemus. Vale. Carpentoracti: Pridie Idus Nouembris. M. D. XXXIX.

Iac. Sadoletus lib. 11. epistol.

Nicolao Prendilaquæ S.

**T**arditatem in scribendo uel ad te, uel de te meam mihi molestam esse gaudeo: Video enim me amari abs te, cum uel meas litteras expetis, uel esse in meis scriptis memoriam aliquam de te nostram cupis. Itaque tua ista expostulatione, quasi præteritæ à me uostræ necessitudinis, nihil mihi esse potuit iocundius. Ego uerò post discessum istinc meum reditionemque domū in multis occupationibus serè semper sum uersatus: ut scribendi ad te, nullis præsertim de rebus, mihi otium non fuerit. Vale. Calend. Decembr. M. D. V. Venetiis.

Bemb. li. 4. Famil.

Andreas Duditio, Patauium.

B 4

Quod

Manutius  
lib. 4.

**Q**uod me reuocas ad consuetudinem tuam stimula-  
lum scilicet currenti : sed mihi crede, non plane  
totus abs te discessi : neque te mihi prorsus eripiunt,  
aut eripient unquam locorum interualla. absens tecū  
sum, tacitus loquor, & loquentem audio. sic lenitur  
imagine pariuicunda desiderium nostrum. quod cū  
ita sit, operam tamen studiosè dabitur, maturè ut ex-  
curram, quo ire necesse est, si meam fidem tueri uolo,  
& quò tamen, quia disjungor à te, minimè libenter.  
Vale. Venetijs.

Bartholomeo Riccio S.

Bembus li.  
6. famil.

**G**ratius mihi tuarum literarum sermo elegans &  
doctrinæ plenus fuit : quibus literis gratularis  
me à Paulo Tertio Pont. Max. in Cardinalium colle-  
gium, quos pontifices appellas, fuisse coaptatum. Tu  
met si tu quidem parcior multo continentiorq; debue-  
ras in me laudando esse. Sed tuæ te eloquentiæ flumē  
altum profectò atque latum, ut à ripa soluisti, liberi-  
us rapidiusq; uexit; quàm oportebat. Quādere ma-  
iores tibi gratias & nunc ago; & referam cum pote-  
ro. Vale. Nono Calend. Iunias. M. D. XXXIX,  
Pataui.

Paulo Sadoletto S.

I. Sadolet<sup>9</sup>  
li. 17. epist.

**F**rater tuus mihi admodum satis facit, seq; exhi-  
bet & facilem & cupidum obtemperandi mihi:  
& certè

certè ( ut *et*as illa est ) nihil , aut admodum raro delinquit. Spero de eo optimè. *Sacrat*us in suis studiis est assiduus: ceteri familiares bene habent. Nos hic in suauissimo otio uiuimus : copia rerum abundamus ( praterquàm pecuniæ ) pene omnium. Multum mihi tuæ ad Bembum placuerunt litteræ : ut si homo es, magno animo dedere te debeas ad latinè scribendarum epistolarum genus. Ad postremas tuas litteras nihil est quod rescribam amplius. Satis enim ad omnia arbitror responsum. Vale etiam atque etiam. V. Calend. Ianuarij. M. D. XXXV. Carp.

Lazaro Baifio Oratori Regis Gallorum S.

Mitto ad te dialogos aliquot meos nuper quidem Bembus li. editos, uerum à me partim iuvene, partim etià 6. Famil. adolescente confectos : ut quantum te amem, ex hoc possis cognoscere; quod eos ad te uenire uolui prope nudos : qui de re uestiaria tam luculenter conscripsisti. Mitto etiam eosdem alios; quos peto à te, ut per tuos tabellarios perferri mandes Lugdunum : desq; negotium alicui tuorum uel amicorum, uel hospitum; qui Lugduni sunt: ut eos mittant Carpentoracte Iacobo Sadoletto reddendos. Erit id mihi abs te supra, quàm dici possit, gratum. III. Vale. Id. Iunias. M. D. XXX. Patauio.

Leo X. Ioanni Paulo Balioni,

B s

Hortor



Bemb. li. 8.  
Pontifi.

**H**ortor te, atque abs te planè peto, uel si opus est, mando etiam: ut Sibiciani dominos fratres ulla molestia neque afficias ipse, neque affici permittas à tuis. Cures autem potius, desq; operam, ut eorum agri atque oppidula tuis à militibus tuta sint: quemadmodum quidem conuenit ea omnia per te esse, quæ nostra sub tutela conquiescunt. Id enim magnopere uolo, ut eius fratribus negotium ullo ab homine temere atq; iniuria, ne adhibeatur. Quod si tibi ius eorum in bonis competit, dabo ipse operam, ut tibi quem unicè diligo, modo id iuris uia postules, non ui atque armis appetas, quamprimum, quàmq; ampliter satisfias. Dat. VII. Cal. April. Anno secundo. Roma.

Francisco Episcopo Agriensi S.

Sadoletus  
libro 11.

**L**itteræ tuæ, quanquam tristioribus curis reſerta, me quoque iterum in eandem penè sollicitudinem & societatem mœroris attraxerunt: tamen in eo mihi fuerunt periucundæ, quod magnum mihi dederunt testimonium tui erga me amoris: qui me potissimum delegisti, cum quo omnia quæ te angebant, communicares. de qua re uelim sic constituas, te neq; fidelioſem deligere potuisse quenquam, neque amantioſem tui. Vale. Brodericum nostrum diem suum obſiſſe moleſtum mihi fuit: amicum certe hominem, & ſuna

eundem uirum bonum prudentemq; amisimus. Iterum uale. Carpent. X. August. M.D. XL.

Carolo Vtenhouio S.

**I**s in litteris mittendis, quibus ad Erasmus rescri- Bembl. li. 6.  
psi, nulla celeritate te uti uolo. Quicumque pri-  
mus te adierit, qui Basileam cogitet; is erit aptissi-  
mus; cui eas literas des. Nihil enim continent, præter  
id unum, eius de te commendationem magnum apud  
me pondus habuisse; idq; me tibi rebus omnibus osten-  
surum. Amari me abs te ualde gaudeo. Cæterum quod  
petis, ut te destitutum omni auxilio tuear; ego uerò  
id non libenter modo, sed etiam cum uoluptate sum  
facturus; si quid illud sit, in quo mea uel ope uel benea-  
uolentia indigeas, quodque me uelis facere, abs te  
cognoro. Vale. XV II. Calend. Maias. M.D. XXIX.  
Patauio.

Paulo Sadoletto S.

**N**os hic sat belle habemus: asperiores aliquan- Sadoleto  
to sentimus hyemem, quàm in his regionibus lib. 17.  
solita sit: annona & reliquis fructibus abundamus.  
Frater tuus quotidie magis et moribus honestis quod  
uidemus. & literis, quod speramus, proficit. Sacraua  
in officio est, commodamq; mihi præbet operam. A-  
mici & familiares ualent. Reliqua si qua sunt, à do-  
mestici

mesticis ad te scribi copiosè puto. Nigrum meum saluere plurimum iubeas uelim: quem ego amo medijs fidijs, et in medullis habeo: eius litteris non rescripsi, satis spatij non habens: & tamen nullam ei epistolam arbitror te internuntio futuram gratiorem. Carpè toracti. M. D. XXXV.

Tarquato Bembo filio S.

Bembus  
lib. 6. Fam.

**H**orologio è mea bibliotheca tibi allato; à quo experges fieri, qua hora uoles, possis; te libenter uti, non molestè fero. Modò te id non intemperatè à somno auocet. Valetudinis enim tuæ curam te habere in primis uolo. De tuorum studiorum ratione, nihil tibi mando nunc quidem; nisi unū. Fac; ut in tuis, quas ad me das literis, Ciceronem accuratius exprimas; moremqu; illius scribendi, uerba, numeros, grauitatē, lenitatem, diligentius imitare. Hoc si feceris; omnia te affecutum putabo. Præceptorì tuo multam salutē; Tufeto etiam. Vale. XVI. Cal. Feb. M. D. XLIII. Roma.

Leo X. Ioachimo Marchioni  
Brandenburgensi.

Bembus  
lib. 3. Pont.

**L**itteræ tuæ, quibus mihi de Pontificatu Maximo gratularis pergratæ mihi perq; iucundæ fuerūt. Nam & tuum in Rempub. obsequium atque cultum, & in meipsum ueterem obseruantiam & studiū præse tulerunt. Itaq; si quid erit in quo amplificare tua

com

cōmoda tuamq; dignitatem possim, meam tibi operā  
incolibētissimē polliceor. Quod autem mihi Iōannē  
Plancheselem Iurisperitum procuratorem tuum do-  
ctum sanē hominem, & prudentem uirum, & agē-  
dis rebus in primis idoneum diligenter commendas,  
facis & ex more boni Principis, & ex ipsius, ut mihi  
uidetur, meritis. Quāborem & complector iam il-  
lum libenter per me ipse, & posthac tua commenda-  
tionē mihi erit etiam carior. Dat. V. Non. Iul. An-  
no Pri. Ro.

Francisco Vngaro Episcopo  
Agriensi S.

**T**ua epistolā longissimā mihi forent suauissimā. Sadoletus  
Nam quas accepi, perbreues mihi uisae sunt, tā lib. 11.  
tā a me cum uoluptate sunt lectae. Qui si Romae essem,  
lacefferem te crebro meis scriptis. Nunc longē gen-  
tiū absūm, neq; sane mihi constat quod ad tempus sim  
in urbem reuersurus; nam neque quicquam adhuc ui-  
deo quod me illuc attrahat, & multa sunt hic quae me  
detineant. Proinde scito, labare meum illud primum  
consilium Romam redeundi. Quicquid tamen egero,  
faciam te certiozem. Tu me uti diligas, Regiq; tuo  
meam & fidem offeras, & obseruantiam, Broderia-  
cumq; plurimum meis uerbis salutes, ualde te rogo.  
Carpentoracti. VII. Idus Iulij. M.D.XXXIX.

Mario

Mario Corrado, Brundisium.

Manutius.  
lib. 2.

**E** Didiciam <sup>Ciceronii</sup> commentarium in orationem pro Sextio, & proximis diebus in epistolas ad Brutum, & ad Quintum fratrem: quem tibi nunc utrumque mitto, munusculum uidelicet, ut ait ille noster, leuidē se: sed rem uoluntate meticris, maiora uellem, & fortasse possem: uerū infirmitas corporis facit, ut labore debiliter: lippitudo autem, ne legere diutius liceat, aut scribere. magnam etiam mihi temporis partem eripiunt salutationes amicorum, magnam domestica negotia: sexcēta praterea, quæ me à studiis auelant, sed feramus. humana sunt, nec præcipuè nostra, sed communia cum multis. Tu me uelim, ames, et si par pari referre uis, amore non uulgarī. Vale. Venetiis.

Lazaro Bonamico S.

Bemb. li. 6.

**A** Ccepi heri tuas litteras Idibus Decembris datas, cum prudentes illas quidem & graues; tum ornato in primis, ac perpolito stilo scriptas; tui uerò erga me amoris & beneuolentiæ non plenas modo, sed me hercule etiam profluentes. Quibus cum quid à me postules cognouerim; curabo sanè, quoad fieri poterit; ne aut operam, aut studium, aut diligentiam, aut certè amorem erga te meum, aut etiam prudentiam, de qua scribis, si modo est ulla in me prudentia, in eo moliendo, tractando, conficiendo desideres. Lōgiorem

giorem epistolam ne faciam, multæ me occupationes impediunt. Ignoscas igitur breuitati literarum: et ualebis. Nono Calend. Ianuarij. M. D. XXVI. Rom.

Petro Bembo Cardinali S.

**F**lore bellum meum tam humanè à te', tamq; liberaliter tractari, gratissimum est. Ego illum iuuenem non mediocriter diligo: summaq; in spe sum, fore eum huic seculo & suis temporibus ornamento. In quo tua quoque laus non minima futura est, quod ex domo atque ex disciplina, tale ingenium prodeat. Is maximas tibi sepe numero apud me per literas agit gratias. Quare eum tibi ne commendo quidem, uideo enim minimè esse id necesse. Hoc te scire uolo: quid in eum comitatis & beneuolentiæ tuæ contuleris, id me existimaturum, in me abs te collatum esse. Vale mi charissime Bembe. Carp.

Sadoletus  
libro 12.

Io. Baptistæ Pignæ, Ferrariam.

**A**lphonso duce creato, gratulatus Ferrariæ sum: quæ tum ex noui principis eximia uirtute fructus capiet egregios: tum ipsa quoque ad omnem uirtutem, eius, à quo regitur, exemplum secuta, diligentius incumbet, mores enim ciuitatis ex Principis moribus effinguntur, et, ut ait Plato: Quæ apud eos, qui dominantur, studia uigent, eadem reliqui ciues amplectuntur.

Manutius  
libro. 5.

plectuntur, & colunt. Ergo florebut in uestra ciuitate liberales disciplinae, ac debita iam pridem ingenuis artibus praemia persoluentur: quod equidem tua potissimum causa doctissime pigna me magnopere gaudeo. Vale. Venetiis.

Leo X. Alfonso Duci Ferrariensium.

Bembus  
lib. 4. Pon.

**I**acobum Sadoletum ciuem tuum, cuius egregia & fidei opera scribendis epistolis quotidie utor ob eius excellens atque praeclarum ingenium, optimarumq; artium singularem doctrinam, & praestantem omni uirtutum genere animum magnopere amo, facioq; sanè plurimi. Eius sororis uir Tadeus Gilinus cupit impetrare abs te magistratum aliquem tuis in locis, quem triennium, aut biennium exerceat: ut & honestius eos dies traducere, & familiam suam alere facilius atque commodius possit. Itaque te non solum hortor, sed etiam rogo, uelis praeclari hominis, mihiq; carissimi propinquo prudenti, ut intelligo, uiro & uirtute praedito satisfacere, qui tamen rem omnem desideriumq; suum tibi coram ipsemet diligentius explicabit. Dat. V. Idus Septemb. Anno secundo. Roma.

Antonio Florebello suo S.

Sadoletus  
lib. 16.

**M**I Antoni, quando eos cursus cepisti, qui ad summam laudem deducere te possunt: perge  
pora

porro atque enitere, ut spes nostra de te indies fiat,  
 erectior, magnumq; ex te accedat nostræ communi  
 patriæ ornamentum. Non eges tu quidem hortatio-  
 ne: sed tamen amor meus non patitur à me prætera-  
 mitti, ne hoc officium quidem ut te horter, & admo-  
 neam, ut instare atque urgere tantam gloriam ne ces-  
 ses. Ego ita faueo tibi, ut filio: ita in tuis laudibus ac-  
 quiesco, ut illis me quoque existimen ornari. Quare si  
 hoc animo fueris, ut & meam & tuam uicem tibi co-  
 nandum atque elaborandum esse putes: non dubito  
 quin ad summum honorem huius facultatis sis peruē-  
 turus. Vale ex hortis nostris. IIII. Non. Iun. M. D.  
 XXXVI.

### Damiano Lusitano S.

**D**electatus magnopere sum litteris tuis: quæ me Bembus  
lib. 6. Fam.  
 tui cupidissimū de omni statu tuo erudierūt. Ita-  
 que gratulor te uxorem duxisse atque ita consilere  
 posteritati uoluisse. Quam tibi rem Deum Opt. Ma.  
 fortunare uolo. De me quod scire optas, nihil possum,  
 dicere, præter hoc unum, me in Cardinalium colle-  
 gium à Paulo tertio Pontific. Max. non modo non pe-  
 tentem, sed nec cogitantem quidem ea de re quicquā,  
 fuisse cooptatum. Nunc me comparo, ut ad illum pro-  
 ficiscar, id enim me quā primum facere uult. Te  
 amantissimum mei esse, ut scribis ualde gaudeo. idem

C

de



de me tu ut cogites, exploratumq; habeas, à te peto.  
 Resendij litteræ si uenerint, erunt mihi gratæ. Vale.  
 Nonis Aprilibus. M. D. XXXIX. Venetijs.

Francisco Episcopo Agriensi S.

Sadoletus  
 lib. 11.

**D**E rebus Turcicis nihil habeo quod placeat mihi  
 ad te nunc scribere. Tu quò propior illis es,  
 hoc melius nosse omnia potes. Nos illud timemus,  
 (in quo utinam fallamur) ne iam de nobis ac Chri-  
 stiano nomine actum penè sit: ita laboramus intesti-  
 nis externisq; malis, nec quicquam firmi auxilij para-  
 tum nobis esse ulla ex parte cernimus: nisi quod in  
 Deo uno sunt omnia. Sed hæc hæctenus. Vina Gallica  
 na te interdum optare, suauē admodum mihi est intel-  
 ligere ex tuis litteris. Quod longè esset suauius, si te  
 illorum possem facere participem. Non enim mihi  
 bibere illa tam foret iucundum, quàm tecum bibere.  
 Quod forsitan Romæ aliquando licebit utrique no-  
 strum. Regi tuo optimo & clarissimo Principi pluri-  
 mam meis uerbis salutem dic. Vale. Carpentoracti,  
 IIII. Idus Octobris.

Carolo Sigonio, Patauium.

Manutius  
 lib. 5.

**P**Atauij te nūc esse in celeberrimo Italiæ theatro  
 ubi spectantur & notantur acerrimè quidquid  
 agas, quidquid dicas, & sæpè mihi nec unquam sine  
 aliquo metu in mentem uenit. sic sunt qui amant: om-  
 nia

nia capiunt, omnia timent. Vides quo te in loco tua  
 virtus, quanta omnium expectatione, constituerit,  
 nihil mediocre præstandum est: nec ut cum alijs qui-  
 bus te iam doctrina, industriaq; antecelluisse omnes  
 iudicant: sed ut tecum ipse certes, teq; ipsum si licet  
 uincas, omniq; laudis genere cumules, elaborandum.  
 quæ cum ad quem scribam, considero, & cum mihi  
 singularem tuam rectissimis in studijs cupiditatem, ac  
 diligentiam propono, mirificè lætor, nec me tamen  
 pœnitet hoc nostræ necessitudini tribuisse, ut ea legas  
 à me scripta, quæ minimè necessaria duxerim. Vale,  
 & si uacat scribe non accuratè, sed ut ego nunc, quid-  
 quid in buccam, ne pereat fructus nostrorum sermo-  
 num. Venetijs.

Iacobo Symoneta Cardinali.

**I**ucundissimæ mihi litteræ tuæ. Iucundissimæ solum? Sadoletus  
lib. 14.  
 imò etiam salutarès. Quòd enim te saluum mihi &  
 fospitem nūnciarunt, per eas mihi quoque incolumi-  
 tas est restituta: de qua re, & tibi gratulor, & mihi  
 gaudeo: Deumq; supplex oro, ut te in optimo statu  
 diutissimè ualere iubeat. In ijs quòd tuam mihi  
 opem & beneuolentiam paratam semper ostendis,  
 tamdiu est cum ego ita iudico, neminem me habere  
 neque amicum, nec patronum, ad quem fidentius om-  
 ni meo in negotio quàm ad te ipsum cōfugere possim.

Quamquam facis tu quidem secus, quam ceteri omnes. Alij enim prius pollicentur, quam quicquam praestant: tua beneficia liberalisq; natura bene mereriant te incipit, deinde etiam uerbis benignitatis officia prosequitur. Sed haec & mihi alijs dicta sunt, & suis dicentur locis. Vale. & me, quod facis dilige. Carpentoracli, V. Calen. Octob. M. D. XXXIX.

Venetias

Bernardo Bembo patri S.

Bembus li.  
1. Famil.

**M**essanam uenimus ad quartum nonas Maias, nauigatione usi perincommoda: quod uia, cum discedens a te, pedibus me facturum putarem, mutauim consilium cum essem Neapoli, propter hospitiorum infrequentiam; tum hospitia ab omnibus rebus imparatissima. Itaque nauiculam nacti, decimo die Siciliam tetigimus nauscentes. Sed absterisit nobis omnem molestiam, Constantini Lascaris humanissima congressio. Qui nos excepit libentissime, & liberaliter est pollicitus. Idq; re praestat. Erudimur enim mira ipsius diligentia, tum amore prope paterno. Omnino nihil illo sene humanius, nihil sanctius. Reliqua etiam omnia satis ex sententia. Vrbs praclaro loco posita ad mare, portu amplo atque tutissimo. Aëris mira temperies. Annona rerum ad uictum omnium, cum uilis, tum luculenta. Quae tibi nota esse uolui, ut consideres nos,

nos hic, etiam cum uoluptate futuros. Helenæ matri  
meæ multam salutem, & Carolo fratri, & Antoniæ  
sorori. Vale mi pater optime atque optatissime. Tera-  
tio Kalend. Iunias. M. CCCC. XCII. Messana.

Paulo Sadoletto S.

**D** Etuo aduentu ad nos, quod te paratum ad ue- Sadoletus  
lib. 17.  
niendum ostendis, mihi ualde gratum. Farnesius  
mihi certè confirmauit, se tibi successorem hoc Sep-  
tembri mense omnino missurum esse: quapropter  
Octobri in uiam dare te poteris. Equidem auidè te ex-  
pecto, cum propter alia multa, tum ut de committen-  
da tibi Ecclesia summum consilium capiamus. Ego en-  
nim Paule iam nec honores, nec illum statum uitæ in  
quo splendor sit aut dignitas, sed tantum quietem,  
& silentium, & otium his meis extremis annis peto.  
Quod non possum quidem adipisci in præsentia, ob  
ea impedimenta quæ tu nosti. Veruntamen non ab-  
sum longè ab hac spe, cōsultum aliquando foreratio-  
nibus meis, quæ ad hoc genus uitæ cunctæ respiciunt:  
qua de re tota, cum ueneris, deliberabimus. Tu fac ut  
ualeas. Romæ VI. Id. Iun. M. D. XLVI.

Leo X. Sigismundo Gonzagæ Car-  
dinali Mantuano.

**R** Eddite mihi sunt abs te litteræ, grata illæ quidè Bemb. lib.  
4. Pont.  
& optatæ, utpote amore illo tuo uerè fraterno

C 3,

plca

plenissima: sed tamen quæ mihi uoluptatem illam, quam ex tuis litteris capere soleo, magna ex parte imminutam attulerunt. Significabant enim te in quarantanam incidisse. Itaque pupugit me, ut sanè debuit, in commodum ualitudinis tuæ, quæ mihi curæ est æquæ, atque ipsa mea. Hortor autem te, uel potius ab te quaeso & peto, ut omnem curam & diligentiam adhibeas, ut quàm celerrimè conualescas: ut integra ualitudine & corpore bene confirmato ad urbem atque ad nos, qui te uidere atque amplecti cupimus reuerti possis: quod tamen efficies commodo tuo. Interea uolo tibi persuadeas, res tuas, eaq; omnia, quæ ad dignitatem tuam pertinent, curæ mihi & cordi fore. Ceterum Franciscum Marchionem Mantuæ fratrem tuum, qui à me unicè diligitur, si saluere iusseris, erit mihi gratum. Datum XVII. Calen. Octob. M. D. XIII. Anno primo. Roma.

Gulielmo Duci Bauariz  
S. P. D.

Saddoletus  
lib. 4.

**N**unciatum est nobis fratrem tibi decessisse ornatissimum, atque nobilissimum: quod mihi auditu sanè quàm molestum fuit. Amaui enim illum semper tecum unà, dignissimumq; illo loco & honore iudicaui. Quod si de tua uirtute & sapientia non eam habere opinionem, quàm certè habeo, aggredere fortasse

*esse aliquid ad te consolandum : exponendisq; ratio-  
 nibus quare tu hunc casum animo æquo ferre debe-  
 res, leuare dolorem tuum adniterer. Sed cum tu alio-  
 rum consilijs non indigeas, magisq; ipse ad consilium  
 alijs dandum sis paratus, supersedebo hoc genere ora-  
 tionis. Tantum te hortabor, ut animum illum, illamq;  
 prudentiam, quam in cæteris rebus eximiam præstas,  
 eandem in hac quoque re adhibere meditere: ut om-  
 nes homines intelligant, nihil tibi deesse, quò minus  
 & in secundis rebus, & in aduersis par & perfecta  
 undiq; & uirtus sit, & constantia tua. Iterum & sæ-  
 pius uale, Romæ, XVII. Cal. Augusti. M. D. XLV.*

### Reginaldo Polo Cardinali S.

**D**olebam antea te à nobis discessisse: cum tamen  
 esset spes aliquando reuersurum. Nunc autem  
 cum te Paulus Pont. Max. in amplissimum Cardina-  
 lium ordinem legerit: neque posthac his in locis te  
 uidendi facultatem mihi datum iri ulla putem: læ-  
 tor tamen tuam uirtutem ea dignitate auctam & ho-  
 nestatam fuisse; quam te posse consequi, incredibili  
 Pauli prudentia iudicioq; freti, sperabamus. Qua de  
 re tibi uerè atque magnopere gratulor: utq; perpetua  
 solidaq; uoluptati tibi sit iste magistratus, queso &  
 opto. Ac meum quidem tui absentis desiderium no-  
 stræ necessitudinis memoria facile solabor. Tu uerò  
 C A longe

Bembo  
 lib. 5. Fam.

longe ornatioꝛ atque illustꝛioꝛ factus, non Italian  
modo; sed Britanniam etiam tuam, atque ipsum cœli  
uerticem tuarum laudum splendore fac impleas. Va  
le. Tertio Calend. Ianuar. M.D. XXXVI. Patauio.

Marco Antonio Mureto,  
Patauium.

Manutius  
lib. 3.

**F**iliolum meum Hieronymum nondum quinquena  
nem, Aldo parem ingenio, ualitudine firmioꝛẽ,  
mandare Epidaurum ad hominem eruditum, inciq;  
peramantem, Paulum Bosium, cogitabam. ibi mori  
bus, & primis litteris imbuetur. nam ego me ad hæc  
humilia dimittere nullo modo possim. Quid præter  
rea? nihil scilicet: imò aliquid. Scribe, amabo te, mi  
Murete, ut instituisti, quàm sepius me hercule, è  
summis atque assiduis, non modo negotiis, uerum etiã  
curis, tantum in tuarum epistolarum & suauitate  
conquiesco. atque etiam, dum ipse ad te scribo, quia  
te mihi præsentem statuo, mutuumq; inter nos sermo  
nem fingo, incredibili uoluptate perfundor. Vale. Ve  
netiis. Hercules meus, quia festus hodiernus dies est,  
abest. ideo hæc mea manu, decies interpellatus, ex  
arui.

Venetias

Valerio Superchio S.

Bembus li.  
3. famil.

**D**e tuo in patris mei curanda ualitudine studio,  
quid tibi agam gratias? quas neque tu exigis; ne  
que

que ego satis idoneas habeo pro tuis maximis officiis; quæ uoluntatem in eo meam exæquare ullo modo possint. Sed tamē ago, eoq; maiores atque iustiores; quod te intellexi ex illius ualitudine a quē suspensum fuisse; ac quenquam meorum. De Patauinis medicis nihil est sane desideratum; omnia enim propæ diuinæ curationis officia diligentissimè præstiterunt. Itaque cū patri adfuissem octo continuos dies, eo iam conualescente Patauio discessi, equidem non sine lachrymis. Dij mihi illum seruent, patrem optimum & suauissimū, & mihi mea uita cariorem. Puto nunc ei rectè esse. nostri Principes te salutant. Vale. VI. Calend. Decem. M. D. VI, Urbino.

Nicolao Rodulpho S. R. E.  
Cardinali S.

**N**on sum oblitus, nec uerò unquam obliuiscar, quibus me officiis & beneuolentiæ significationibus prosecutus fueris, cū proximè Romam ueni: quo quidem tempore non prius penè pedem in urbe, quàm in tuis beneficiis posui. Cura enim potissimum ac diligentia tua domum egregiè instructam atque ornatam ipso meo ingressu statim sum nactus. Quæ tua bonitas ac liberalitas altius mihi tum hæsit, quàm ut facile sit uerbis explicare. Non enim is sum, qui meū commodum magis, quàm ipsius commodi autorem amem.

C S

amem.



amem. Fontem enim beneficiorum magis specto, quam ipsa beneficia: qui quidem fons amor est. Eundem igitur in me animum tuum si conseruaueris, Rodulpho humanissime, gratissimo omnium & optatissimo beneficio me afficeris. Sed ne multis, totum me tibi & tue fidei beneuolentiæq; dedo atq; commendo. Vale. Idibus Ianuar. M. D. XXXIX. Carpentoracti.

Dionysio Monstrolienti,  
Patauium.

Manutius  
lib. 4.

**N**Eque negare audeo tibi homini eruditissimo, cuius ego plurimi semper amicitiam feci, neq; si pollicear, præstare possum id, quod à me petis. premor enim domesticis oneribus, & typographiæ cura, sic me hercule, uix ut sustineam. uacue tantum ab opere mihi relinquuntur horæ uespertinæ: sed eo tempore, tum defatigatus laboribus, ac fractus, quietem quero necessariam, tum uerò succedit oculorum dolor, isq; ita grauis, ut non modo legere, aut commentari, sed nec domesticos audire sine magna molestia possum. ita nobis traducitur dies, atque adeo noctis maior pene pars. non enim prius hac leuamur capitis grauedine, quam sol, medio iam Antipodum orbe decurso, incipit ad nos recurrere: & in ortu suo demum ualeitudinem mihi, alacritatemq; restituit. Vale.

Anto-

Antonio Perrenoto, Episcopo  
Atrebatensi S.

**I**Aannes Ioachimus Vaulxi dominus per antiquus est Bembus  
lib 6. Fa-  
mil.  
amicus meus, & quidem maximè intimus. Eius ego  
uirtutem & ingenium excellens atque in omni uitæ  
genere singularem industriam feci semper, facioq; sa-  
nè plurimi. Qui cum clarissimi illustrissimiq; uiri pa-  
tris tui patrocini magnopere indigeat: peto abs te  
diligentissime: ut Ioachimi causam, quam cum Im-  
peratore habet, ei commendes: atque ita commen-  
des: ut quod illi multos iam annos à fisco Mediola-  
nensi debetur; consequi aliquando tandem possit: ne  
Imperatoris æquitas; quam quidem unam eius uir-  
tutem omnium maximam omnes homines experiuntur,  
atque in cælum ferunt; sibi uni semper sit deside-  
randa. Id si feceris; ad tua priora erga me merita  
magnus cumulus accedet. Vale. Patri tuo multam  
salutem. Sexto Kalen. Octobres. M. D. XXXIX.  
Patauio.

Ambrosio Cathar. Polito S.

**N**ON potui perferre diutius desiderium tui, quin Sadoletus  
lib. 14  
sciscitarer ex te per litteras, quid ageres rerū,  
quod tamen æquius fuerat me cognoscere ex tuis li-  
teris, tuæq; in illis erga me beneuolentiæ habere testi-  
monium.

monium: nec tamen puto me totum tibi ex animo effluxisse. Et si enim habes patronum eiusmodi, præ cuius ingenio, uirtute, elegantia, nos tibi sordere uideamur: tamen ut ille præstantia & grauitate dignitatis suæ superbum te aduersum nos reddere potuit: sic humanitate idem & comitate, quæ singulari est præditus, docere te debuit, non esse absentium amicorum memoriam deponendam. Sed iam serio, mi Catharine: cupio uehementer audire quid agas. In studiis te esse arbitror: quod iam aliud tibi est negotium? Verumtamen si mihi aliquando indicasses, quæ tibi opera nunc sint in manibus, ualde mihi rem gratam medijs fidius fecisses. Vale.

Iacobo Grifolo  
Romam.

Manutius  
lib. 5.

**L**itteras, quàm ualde me amas, tam sæpè mittes, nam & otij puto te habere, quantum uelis, & argumentum Romæ uiuenti deesse non potest, mihi utrumque minus est. magnis enim districtus occupationibus, temporis ad scribendum non habeo satis: argumentum autem unde sumam, cum omnium, qui hic sumus, ea ratio sit, ut rerum nouarum, si quid alicundè ad nos affluxit, de eo nec scribere, nec loqui sine graui periculo poscimus? Relinquitur, ut priuatis de rebus possim scribere. sed hoc quoque genus uereor ne me deficiat.

deficiat. raro enim solet accidere, quod scriptio dignum sit. Quopropter, quoties ita eueniet, ut à negotiis liceat discedere, properabo statim ad Epistolas, quod eo libentius faciam, si tu mihi sententiam scribendi aliquam dabis: sin minus, inanes tamen potius, quàm nullas, mittam. Vale. Venetiis.

Michaëli Turriano, Cenetensi  
Episcopo, Cenetam.

**A** Ngebar animi, nec fieri quicquam posse me uno Manutius  
lib. 4.  
niserius opinabar: ita multa hoc anno præter expectationē, prorsus aduersa meis rationibus, obtigerant: fratris primum amantissimi, deinde filioli suauissimi interitus, uxoris morbus, inualetudo mea, rei familiaris incommoda, quàm facile, nullo pene strepitu, rerum mearum conuersus orbis est. de fratre, & filio iam fero moderatius, uel quod, ut solet, medetur dies, uel quia, quod æterna lege Deus constituit, id abrogare uelle non solum iniustitiæ, uerum etiam imprudentiæ, uidetur esse. uxor conualuit: ego satis firmus, domestica uerò damna, quæ sarciri uix unquam arbitrabar posse, facile compensat amor in me tuus, cuius mihi recordatio molestias omnes diluit. Vale. Venetiis.

Reginaldo Polo S.

Et

Christoph.  
Longolius  
lib. 4. Epist.

**E**T si summis totius corporis doloribus oppressus,  
dubia spe uitæ spiritum miserè duco, fecit tamen  
summum meum & perpetuum de te iudicium, ut hos  
cruciatus nescio quo modo frangerem, dum supremo  
hoc litterarum munere ad te persungor. Nam pos-  
tridie, quàm ad te scripsi, seuissima me febris arri-  
puit, quæ ita me hoc triduum torst, ut nihil unquàm  
acerbius in uita sim perpeffus: scilicet quasi diuinam  
rem ita futurum, uolui quemadmodum tibi proficia-  
scenti ostenderam, ut bibliotheca mea omnistibi ob-  
ueniret, si quid mihi in ea, quam adornabam, pere-  
grinatione accidisset. Verum ut uides, propius erat,  
quàm arbitraremur summus ille noster dies. Peto  
igitur abs te per amicitiam nostram, quam ad sum-  
mum peruenisse existimo, ut mortuo mihi memoriam  
benevolentiamq; quam necessitudo nostra postulat,  
humaniter ac pie præstes. Da operam ut ualeas: &  
Paccæo meis uerbis salutem impertias plurimam. Va-  
le. Patauij. VIII. Calen. Septemb. cum die ab  
hoc decimo ex hac uita decederet. Anno Do-  
mini, M. D. XXII. ætatis suæ, Anno XXXIII.

Patauium.

Petro Barotio Episcopo

Patauino S.

Bembus  
lib. 2. Fam.

**P**eto à te; ne me putes obliuione tui, rariùs ad te  
scribere, quàm sim solitus. Qui enim fieri potest  
ut,

ut, ( qui etiam illorum bene memini, quibus paulum debeo ) tui, cui omnia debeo, mihi memoriam subripiat, aut tempus ullum, aut ullus casus? Sed ( ita me dii ament ) tam multa me negotia undique, tam crebra undæ rerum, hoc in Prodominatu, propter eum, qui nondum deserbuit, tumultum bellorum circunsepiunt; ut, plane mihi, neq; punctum quidem ullum temporis uacuum à reip. muneribus concedatur. Cæterum, quoniam mea multum interest, habere me rerû Patauinarum historias; te etiam atq; etiã rogo; ut, si tu eas habes, des Vanotio meo mihi mittendas; si non habes, et scis ubi sint, mandes alicui tuorum, ut mihi eas quærat tantisper, quo ad perlegam. Hoc mihi gratius facere nihil potes. Vale. Quarto Non. Febr. MII D. Ferraria.

### Andræ Duditi Patauium.

**O**ptime Duditi, quid tibi, obsecro, in mentem uenit? nostra ne imagine tuum putas cubiculum ornari posse. pudet me studiij tui: & erubui, mihi credere, cum hanc partem legerem litterarum tuarum. nec tamen, quia tuam facile cupiditatem intelligo, deesse tibi possim, & coepta res est, & agitur, ut uideo, satis diligenter: quæ cum erit absoluta, mittetur ilico ad te. ac uellem, posset artifex eodem penicillo animum in te meum unâ cū uultu exprimere: nō dubitarem.

Manutius  
lib. 4.

rem, quin hanc tu multo magis imaginem diligeres. non necesse est, inquires, libenter credo: & quod ita sit, acceptum refero tuæ humanitati, quæ mihi à te impetrat id, quod meritis, aut officiis consequi nondum potui. His diebus facultatem ad te scribendi per moleste occupationes eripuerunt. ignosce: & puta, nunquam abduci meam ab officio uoluntatem, licet opera non extet. Vale.

Bononiam.

Andreas Alciato Iureconsulto S.

Bemb. li. 6.

**G**ratulatio de Cardinalatu meo tua ualde mihi grata & iocunda accidit. Tametsi tu in recensendis tuæ lætitiæ causis, longius proucheris; quam à me nosci possit te non decipi. Sed est eiusmodi lapsus non perferendus modo; uerum etiam amplectendus. Amoris enim abundantia prouenit: quæ quò maior est; eo minus rectè indicat. Amore autem nihil est homini datum suauius, nihil fructuosius. Itaque de officio isto tuo elegantissimisq; tuis atque humanissimis litteris ualde me hercule te amo. Mea uerò hæc, de qua letaris, dignitas erit mihi etiam iocundior: si in te ornando asferre aliquid poterit; quo meus erga te amor cum tibi, tum reliquis hominibus esse notior atque testator possit. Quamquam ea tua excellens præclaraq; doctrina, ea sunt tuæ plurimæ præstantissimæq;

*ſimæq; uirtutes; ut alienæ opis minimè omnium egeat.*  
*as. Vale. Decimo Kalen. Maias. M. D. XXXIX.*

Laurentio Gambaræ,  
 Patauium.

**B**asilij Zanchij, poetæ ſummi, hominiſq; non uulgariter eruditi, miſerabilis, & indigniſſimus interitus hilaritatem mihi prorsus omnem eripuit. quæ enim donare ſummis premijs ob excellentem uirtutem, decorare honoribus ob ſingularem integritatē, atq; innocentiam æquum fuit, eum tam ignominioſe uexatum, tam acerbe, tam crudeliter extinctum, quis non ſerat iniquiſſimè? equidem, ut audiui, etiam dolore tuo maximopere dolui. nam & uixiſtis unâ ſemper coniunctiſſimè, alter alteri egregiè carus: & fuit uterq; ueſtrum ad poeticam facultatem natura propenſus, ac mirè factus, ingenio uerò ita pares, ut cum nemo tam bonus poeta ſit, quin uobis primas in componendis uerſibus partes tribuat. quam conſeſſionem etiam ab inuitis exprimit poematum comparatio: uter tamen utri præſtet, nondum ſatis iudicare quiſquam poſſit. Vale. Venetijs.

Manutius  
 libro. 4.

Leo X. Hadriano Episcopo Dertufenſi,  
 (In Pontif. ſucceſſori.

**Q**uod tuis ad me perhumaniter ſcriptis litteris ſignificauisti, moleſtiſſimam tibi fuiſſe eorum  
 D hominum

Bemb. lib.  
 15. Pontifi.



hominum audaciam, qui aperto bello in reip. loca in-  
 uadere, eaq; diripere sunt aggressi : de eo etiam lega-  
 torum meorum litteris fiebam certior. Equidem ual-  
 de consolor, cum te hominem & prudentem & gra-  
 uem, & magna apud Carolum regem auctoritate non  
 equisimo animo ferre sentio hanc indignitatem me-  
 deri; cupere Reipub. uulneri, non illi quidem magno  
 aut introrsum adacto, sed tamen uulneri, quod sanari  
 sine Regis tui curatione prope non potest. Itaq; cum  
 te de tuo in Remp. optimo amantiſſimoq; animo, quē  
 & mihi & meis interpretibus ostendisti, uehementer  
 laudo: tum hortor, ut quod laudabiliter coepisti sua-  
 dere Regi, ut nobis suppetias ferat, idem insistas per-  
 gasq; tandiu facere, dum audaciſſimi hostes nostri sua-  
 rum impressionū poenas luant. Totam igitur reipub.  
 causam, uel ipsam potius remp. tibi commendo maio-  
 rem in modum. Dat. XII. Cal. April. M.D. XVII.  
 Anno V. Romæ.

Dionysio Cardinali S.  
 Marcelli S.

Sadoletus  
 lib. 13.

Contigit mihi in te, quod haud scio an nemini, ut  
 cum te luxissem mortuum, repente nec opinato  
 nuntio tuæ salutis & incolumitatis, ex summo dolore  
 ad summam letitiam traducerer. Sic enim fuerat ad  
 me scriptum, te contracto in Hetruria morbo, in op-  
 pido Luca opinor, grauiter egrotum, delatum Flo-  
 rentiam

rentiam, post aliquantū temporis diem extremum tuum obiisse: quæ res animum meum ualde perturbabat. Nam cum propter insignem beneuolentiā, qua te sum complexus, et quæ est cum amicitia nostra, tum tuis uirtutibus debita: tum uerò etiam, quòd breui tempore post meum à uobis digressum, multis ex nostro ordine clarissimis uiris, eiusdemq; mihi amicissimis, et me, et remp. fortuna spoliarat: mihi tua mors cumulum maximum attulisset doloris, nisi meliora Deus de utroq; nostrum constituens, et tibi salutem, nobis quidem peroptatam, reddidisset: et mihi molestiā ac mœrorem abstersisset. Cui quidem Deo omnipotenti et immortalī maximas (uti debeo) et meritas gratias ago. Vale.

Octauiano Ferrario,  
Mediolanum.

Κακοςὸν ἄλλοι sumis, et cruditate laboramus: id quidē à pueritia: sed auxit uitium assiduus litterarum usus: quo adempto, quæ nobis, qui uulgaria contemnimus, delectatio, uel potius quæ uita superest: quare ignosce, si mihi nō impero: quod ne tu quidē, opinor, facias, quæsitū inter medicos est, et quid adiuuenti quæ sulphureæ potius asferre posset. uariè sentiētibus, recusavi, ne, quod aiūt, de sorte etiā in dubiū uenirē. de gutta capiti instillāda sermo fuit. ne hoc quidē placuit. ne memoriā periclitarer. uentū deniq; ad uictus rationem, præbui me facillimum, quidquid uellent.

D 2

in pri-

Manutius  
lib. 5.

in primis radicem probarunt, quæ irios uocatur: quæ condiri apud uos egregiè fertur: eam igitur, quod tuo commodò fiat, uelim perquiras, inuentamq; & mediocri uasculo diligenter inclusam, cures aliqua ratione perferendam. quidquid erogaueris, bona fide, cui uoles, numerabitur. Vale. Patavij.

Leo. X. Carolo Hispanie  
Regi.

Bemb. lib.  
16. Pont.

**G**ratissimus mihi nuntius is fuit, qui te Morinorum è littoribus in Hispaniam transmittentem idonea tempestate soluisse me certior em fecit. Confido enim te iam traiecisse; atque in tua illa regna, quæ te diu uidere concupiuerunt, saluum sospitemq; peruenisse. Quibus à Regnis multa tibi, multa Reip. Christianæ utilia spero fore. Itaque ea de nauigatione tua, si modo recte confecta est, ualde lector: quem admodum de legatis meis cognoscet: qui tibi meis uerbis plurimam salutem dicent. Ii tibi etiam significabunt me bellum id, quod Franciscus Maria mihi Reiquepu. intulerat, sedauisse. Quod eo libentius feci, ut sumendo in Turcas bello dare operam aliquando mihi liceat. Quam ad rem te hortor, cogitationes omnes conuertas tuas: ut communi consilio & cura agere iuuareq; Remp. possimus. Non. Nouemb. Anno quinto. Roma.

Ioan.

Ioan. Toletano Episcopo  
Burgensi. S. R. E.  
Card. S.

**L**ongum intervallum est, cum litteras ad te dedi-  
nullas. Quod accidit, non remissione observan-  
tia in te mea, nec obliuione uirtutis, & humanitatis,  
& beneuolentiae erga me tuae: sed quia multis & mo-  
lestissimis occupationibus impeditus, fratris etiam  
mei mihi charissimi morte, qua grauius affectus sum,  
omnes meas curas ad luctum moeroremq; reuocante,  
alia quoque officia permulta deferere coactus sum.  
Nunc cum tempus uenerit, quo tempore, si alias un-  
quam, tua mihi & beneuolentia & auctoritate maxi-  
me sit opus: fretus tua uirtute & bonitate, causam  
omnem meam tibi in primis exponendam commen-  
dandamq; putauit. Pontifex maximus me per litteras  
ad urbem uocat: quod ego facturus sim libenter, non  
cantiq; obtemperaturus, si mihi id per meas rei fami-  
liaris angustias, & maximas difficultates facere lice-  
at: eaq; habeam facultatum subsidia, quibus & itine-  
ris sumptum, & urbanas illas impensas sustinere pos-  
sim. Vale. Carpentorasti. XIIII. Calend. Februa-  
rij. M. D. XLV.

Caterinae Landae S.

**V**alde me tuae litterae delectarunt: eoq; magis, Bernb. II. 6.  
quod mihi praeter spem accidit abs te puella Famil.  
D. 3. tantula

tantulæ ætatis latino sermone & quidem probo & eleganti scriptas litteras accepisse. Itaq; ad reliquas causas, quæ te mihi carissimam faciunt, plurimas illas quidem atq; maximas, hac etiam addita, quod te optimis artibus deditam uideo: nihil iam est, quod ad meum erga te amorem addi posse uideatur. Quam obrem erit mihi planè gratissimū; si una cum tuis parentibus ad me uerè initio ueneris: ut te uidere et colloqui possim: cuius rei non minimam mihi spem tuæ ipsæ litteræ attulerunt. Augustinum fratrem tuum quod nubi commēdas: facti ex amore fraterno uestro. Sed nihil tibi erat tua commendatione opus; quem ipse filij loco habeo. Patri tuo, & matri plurimam salutē dicito. Sed patri uelim etiam suauium des. Quod si grauari facere; illum meo nomine rogabis, ut tibi det. Vale. Septimo Kalend. Decemb. M. D. XXVI. Patavio.

Paulo Sadoletto S.

Sadoletus  
lib. 17.

**R**ecordor in mandatis hoc tibi à me uel præcipuū fuisse datum, ut magistrum huic iuuentuti erudiente quaereret. In quo te obtestor Paule, ut laboris et diligentiae reliquum nihil facias, quod nostri optati cōpotes nos efficiamur. Nihil est hac curatione neq; honestius nobis, nec ciuibus nostris utilius. Quorum quidem causa cum cupiamus omnia, cur non in hoc potissimum officij honestissimo genere, omnibus ueris contendamus, ut & illis, & nobis ipsis satisfiat?

Antea

Antea castigare illos solebamus, quòd ad suum tantum bonum minus essent attenti: nunc uicissim illi me appellant, atq; urgent: neq; dies serè ullus est, quin ad me accedant eorum aliqui rogatum. Quibus respondo, tibi susceptam esse hanc prouinciã: neque te quieturum, quoad idoneum repereris: cum hæc spe dimitto illos. Et si quæris, maximo eos studio in hac referri uideo. Proinde enitere atq; elabora, ut talem aliquem inuenias, qualem nos cupere nosti, hoc mihi gratius facere nil potes. Vale mi Paule. VI. Calend. Octobris. M.D.XXXV. Carpenteracii.

Patauium.

Torquato Bembo filio. S.

**E**Quum quem tibi pollicitus fueram me missurum, Ioanni Caroli nostri familiari ad te Patauium perducendum dedi. Eo te perbelle usurum puto. Dedi etiam horologium in Gallia transalpina constitum, & quidem eiusmodi; ut uel noctu, & sine luminibus, quota hora sit, possis ab eo summi tactu digiri fieri certior. Moneo autem, ne eo uti incipias; nisi ab eius artis magistris, quo id pacto recte fiat, prius edoceare. Parua enim culpa omnis illa motuum & rotarum temperatio perturbatur. Hocq; me unum discas: neruus ut is; cuius unius uis reliqua omnia conuoluuntur, suamq; uicem faciunt; bis te in die intendatur; ante prandium semel, ante

Bembus  
lib 6. Fa-  
mil.

D 4

quam

quam dormitum eas iterum. Quod te hac hyeme intelligo nouasse operam bonis artibus satis diligenter; ualde gaudeo: atque ut in eo constes, te horror. Colle, Federico, Bonfadio doctoribus tuis multam salutem. In prostemis tuis litteris dies affcripta non erat. Vale. Pridie Kal. Februarias. M. D. XLII. Roma.

Mario Corrado, Brundisium.

Manutius,  
lib. 2.

**D**Ebeo tibi, mi Corrade, tot iam nominibus, prorsus ut iam non uideam, qui soluendo esse possim. Scripsisti ad me sepe: tantum ne? sunt alia; humanissime, elegantissime: laudes in me contulisti eas, quas si agnoscam, ipse me nimium uidear amare. tibi tamen habeo gratias de ista tam liberali, tamq; erga me prolixa uoluntate, eamq; si gratus, id est, si uir bonus esse uolo, ut certe uolo, puto mihi esse inter summa beneficia collocandam. Itaque cum te nunquam uiderim, sero tamen in oculis; et, quanquam habeas, qui te talem diligant, quos necesse est esse quam plurimos: ego tamen primas in amore partes appeto, secundis non libenter acquiesco. non soleo blandus esse, nec auribus dare, quod negari possit ueritati: quare uelim mihi credas affirmanti, neminem me tibi Latina in oratione antepondere, conferre paucos. Hoc ego ita iudico: nec tu meum iudicium in dubium reuocare debes.

debes, cum mihi iam in epistolis tuis tantum in hoc genere tribueris. Vale. Venetijs.

Iacob Sadoletto S.

**A**ccipio excusationem tuam de intermissione litterarum: non tam quidem necessariam; quam & prudenter, amicissimèq; scriptam, & mihi magnopere iocundam, & gratam. Nam neque ego eram nescius, in uera, & rectè ab initio constituta, & plurimis, maximisq; officijs confirmata, ac iam inueterata beneuolentia (qualem esse nostram serè possumus dicere) non multum requiri, quantum quisque calamus, & papiro utatur: neque tuis eras; à quo, creberrimæ litterarum missiones expectarentur: cum, quia ipse otio non abundas; quem quidem scio, omne tuum tempus in optimarum artium studijs insumere, etiam non sine incommodo ualeitudinis tuæ; tum propterea, quod ij, qui te amant, propter morum tuorum elegantiam, præstantissimasque uirtutes, atque doctrinam, satis uberem se ex te capere fructum debent existimare, abs te si amantur; eosq; tu, item grata, atque mutua animi charitate proseguare. Vale. Tertiò Nonas Maias. M. D. VI. Venetijs.

Bemb. li. 3.  
Famil.

Andrez Duditio, Patauium.

**A**Mo te quod uerecunde petis: sed istam posthac manu, li. 4. uerecundiam abiice, obsecro, si quid aliquando necum

D,

necum



mecum ages. nescis, apud me quo loco sis, aut quo ego apud te esse cupiam: quod si nescis, aut etiā si dubitas, iniuriam facis utriq; nostrum. Scripsi ad Sophianum libenter. equidem tua caussa, sed inuitus ea gratia, quod laborantem, ut audio, graui morbo, uexari tuo studio nollem. Equidem discrucior, cum ita affectum audio. probum iuuenem, mihi amicissimum, gracarum litterarum scientia sine dubio singularem. sed quia te fero in oculis, idq; me hercule tuo merito, litteras ad eum conscripsi, quas in hunc fasciculum coniectas cū legeris, si reddendae non putabis, conscindes. Ego nunc, si quid de me scire uis, iaceo, corpore satis afflictus ob capitis grauedinē, sed erectus animo propter spem, atq; adeo exspectationē uitae letioris. iam enim didici contemnere, quae amabam antea: quae te quoq; in sententia cupio esse. Saluta meo nomine contubernales, & amicos tuos. Vale.

Erasmo Roterodamo S.

Bembus  
lib. 6. Fam.

**A**mauam antea Vigilium: erat enim mihi & notus ipse per sese, cum ad me aliquoties uenisset; eiusq; mirificam indolem & sermonis suauitatem elegantiamq; perspexissem; & Georgij Logi testimonio, qui mecum est frequens, gratus me hercule & probatus. Nunc uero tua commendatione tuisq; litteris multo mihi carior est factus: magnusq; amoris cumulus ad pristinam meam in illum beneuolentiam accessit. Quod cum scire uolue: meq; totum ei obtuli:  
ut si

ut si aliqua in re iuuare eum possem; suo me iure uteretur. Tibi uero etiam gratias habeo: quod quando tu me diligis, & ego te summopere amo; cures desq; operam; ut communis etiam inter nos amicos necessariosq; nostros habeamus. De Rodolpho Agricola quod scribis, notum illum nobis esse te existimare: illius uero scripta maxime omnium; qui etate nostra uixerint; mihi quidem probantur. Si Viglius eiusmodi erit scriptor; omne punctum feret. Eum ego, tametsi in cursu est; tamen ad summam laudem, ut ipse mones, incitare non desinam, Vale. IIII. Kalen. Septembris. M. D. XXXII. Patauio.

## Romulo Amaſeo S.

**N**ON erat opus mecum tot uti excusationibus: non enim unquam dubitavi, quin tu me diligeres. Sed tamen in te quodammodo excusando cum adhibuisti non mediocrem diligentiam, simul & illud, quanti tu me faceres, ostendisti. Quo ego tuo uel de me iudicio, uel erga me animo mirifice delector. Virtutē tuam, quam amabam: & excellens ingenium, quo es præditus, totū expressum uidi in tuis litteris. quibus nihil elegātius nec eruditius legi à me potuit. Omnino egregie sustines nomē, quod adeptus es. De quo tibi nō minus gratulor, quā tu honori meo es gratulatus. Cui ego honori utinā par esse possim, ut ne obruar expectatione corū, qui magna à me postulant, et maiora

quidem

Sadoletus  
lib. 10.

quidem, quàm queam præstare. Sed in hoc misericors Deus nos adiuuerit. Ego te diligo Romule, & de tuis uirtutibus honestissimè sentio: meq; uiciscim cupio à te amari, paratus, si quid forte uti opera mea uolueris, ea tibi præstare, quæ ab amicissimo homine iure expectanda sunt. Pompiliū tuum hic sæpe uideo, eiusque probitate, & ingenio, ac in me ipsum obseruantia summopere delector. Vale. Romæ.

Mario Nicolio,  
Parmam.

Manutius  
libro. 2

**T**E uero optime ac doctissime Mari, cuius consuetudine & sermone carco multis abhinc annis, quem mihi tamen ex animo nunquam eripuit neq; tempus, neq; longinquitas, quo studio complectar: quantam hauriam, cum præsens præsentem alloquar, uoluptatem? dilexi equidem à quo primum die te cognoui, tuos mores, tuam naturæ comitatem, ac suauitatem: doctrinam uerò, ingenium, industriam suscepi semper, extulique laudibus ad cælum: nec iniuria, nam si, Romanæ linguae studium colere, & illustrare, laus est: quis hoc te uno aut curauit studiosius ætate nostra, aut cumulatius præstitit? ego ipse, quæ tu esse aliquid uis in hac latine scribendi facultate, in quo uereor, ne te fallat amor: nam iudicium in dubium uocare non debeo: sed, si quid sum, quadam ex parte te de

te de tuo fonte fluxi. thesauros enim Ciceronis omnes, in illo præclaro tuarum observationum libro congestos, reperi; & usus sum facile: quos colligere dispersos, immensi laboris fuisset, ac temporis. Laudas igitur beneficium tuum, cum me laudas, & quodam modo præmia capis meritorum tuorum. Vale. Asule.

Leandro Allelio

Iurecons. S.

Bemb. lib.  
3. Famil.

**C**um tuum officium, quod in meo gravissimo casu adhibuisti, consolandi mei mihi gratissimum fuit: perspexit enim ex tuis litteris, & doloris, quem ex mea ægitudine capiebas, signa illustria: et amoris erga te mei. tum ea, quæ scribis; quoniam ad meum vulnus sanandum inueniri nulla remedia possunt; ad molliendum eius vulneris dolorem certe quidem plurimum ualuerunt. Nam neque, ut ipse non angar, doleamq; Carolum fratrem meum, optimum lectissimumq; adolescentem, & mei amantissimum; quem quidem erat æquius, uti post me introierat in uitam, sic post etiam exire de uita, ereptum mihi esse, in primo iuventutis suæ limine, ulla unquam efficiet dies. Et tu ea collegisti, cum facta, tum dicta sapientum uiro- rum; quibus interdum cogar aliquantum acquiescere; admonearq; ut feram moderatius solitudinem  
erumnarumq;

crumnarūq; meam. Itaq; eas tibi habeo gratias; quas habere potest is; qui fortunæ acerbissima iniuria, magna de spe deq; omni suæ uitæ dulcedine, atq; solatio deiectus, in maximo mœrore luctuq; uersatur. Vale.  
 XIII. Kalen. Febr. M. D. IIII. Venetijs.

Hieronimo Vidæ  
Albæ Episcopo S.

Sadoletus  
 lib. 10.

**G**ratissime mihi fuerunt littere tue: quæ & ueteris nostræ amicitie memoriam mihi renouarunt, & declararunt, in te non parum adhuc amoris erga me ipsum residere: quo mihi nihil optatius neq; iucundius accidere potuit. Nam cum te semper ingenij & uirtutis tuæ causa plurimum dilexi: tum uero optaui uicissim diligi à te. Id recte existimans, coniunctionem tecum meam mihi magno honori semper fore; quod tuum de quoque homine iudicium in utramq; partem magnam uim haberet: neq; solum in præsentia honorificum existeret, sed illucesceret in omnem etiam posteritatem. Quanquā hæc quæ notissima sunt, noua commemoratione mea non indigent. Sed de his satis. Ego te doctissime Vidæ, & amaui semper, ut paulo ante dictum est, & tuo præstantissimo ingenio, eximiaq; doctrinæ plurimum tribui. In qua etiam nunc & opinione eadem sum, & uoluntate. Tibiq; hoc de me persuasum esse uolo, si quem mihi aliquando locum tibi gratificandi dederis, magno me  
 abs

abs te affectum beneficio esse arbitraturum. Tu ut ualeas, & me ut diligas, magnopere à te peto. III. Idus Februarij. Roma.

Patauium.

Andree Triuifano S.

**Q**uominus expectabam tuas hoc tempore litteras; eo mihi eas, quas ad me Patauio dedisti, plenæ officij amabilesq; litteræ, & iucundiores & suauiores fuerunt. Valde enim cupio, et amari me abs te, et mei memoriam apud te uigere: quod quidem utrumq; procedere præclare ostendisti. Itaq; uelim existimes nihil mihi aptatius accidere potuisse tuis litteris; præsertim cum otio non abundes. Scio enim quantis occupationibus implicere, propter præturâ uiri amplissimi patris tui, cuius magnam partem ipse sustines. Quod scribis mulieres nostras ualere, aduentumq; meum ab ijs mirabiliter expectari; mihi est gratum. Ego uerò ad uos etiam libentius redibo, sedatis sublatiq; non solum bellis; quæ quidem diutius, quàm oportebat, uiguerunt. Sed etiâ bellorû suspitionibus: quibus torquebamur, pace ista, de qua commemoras, confecta: foedereq; initio multa cum auctorum sociorumq; foederis uoluptate. Sed de his cum una erimus: quod breui futurum puto. Reliquis de rebus scio te litteras à me non expectare. Patri tuo & matri multam salutem; itemq; Cæcilie & Morossinæ. Vale. Idibus Ianuarij. M. D. XXX. Bononia.

Bembus  
lib. 6. Fa.

Germa-

Germano Brixio S.

Sadoletus  
libro 4.

**E**T litteræ tuæ, id quod alias quoque conquestus sum, tardissimè ad me perlatae fuerunt: (datae enim prid. Idus Feb. post Nonas Aprilis deniq; mihi sunt redditæ.) Et ego quò minus ad eas continuo responderem, ualitudine fui aduersa impeditus. Scito enim ne octauum iam mensem pituita usq; eo laborare, ut & odoratum penitus, & uim etiam gustandi aliqua ex parte amiserim. Qui morbus hyemis tempore lentior, eoq; magis tollerabilis: quod humoribus pigre & segniter se mouentibus, sensum in nobis mali obtusorem aliquantò facit. Vere nouo excitatur, & ad nocendum, corpori acuitur. Itaq; & febricula alia quod diebus tentatus sum, & nunc capite frequenter languco: non tam dolore quidem, quam grauedine quadam occupatus atq; pressus. Sed mihi multis adhuc frustra remedijs adhibitis, recuperandæ ualutinis spes, secundum Deum, reliqua est in appropinquantis caloris adnètu. Quæ si nos sefellerit, feremus humaniter, omneq; Dei omnipotentis de nobis ipsis decretum in partem optimam accipiemus. Illud utiq; præstabitur à nobis, ut ne qua culpa nostra morbus uim adlædendum, incrementumue accipiat. Habes causam meæ tarditatis, Vale. Carpentoraacti.

Leo. X. Antonio Abbati S. Bertini.

Voluptas

**V**oluptas quam ex eo, quod Pontifex Max. declaratus sum, accepisse te mirificam atq; incredibilem scribis, & si ea nihil mihi noui attulit: amoris enim erga me tui abundantia dudam cognita atq; perspecta habeo: mihi tamē sanē gratissima iucundissimaq; accidit. Visus enim mihi ipse sum, dum tuas litteras legerem, illo ipso tuo uultu, atque conspectu suauissimo & liberalissimo perfrui, quo me olim per Germaniam atque ista per loca iter facientem amantissimē suscepisti. Itaque mihi in memoriam reuocasti eos ipsos dies, quos unā fuimus: qui quidem tamen dies nunquam ex animo meo exciderunt. Quamobrem scire te plane uolo, & amari te à me unicē, charissimumq; mihi esse, ac semper fore: & si unquam occasio dabitur uidendi tui, quod sine tuo incommodo posse fieri sane peruelim, id mihi non minori uoluptati fore, quàm si meorum quempiam mihi sanguine coniunctissimum usu & consuetudine optatissimum longo non uisum tempore conueniendi amplectendiq; potestas fieret. Quo fit, ut ijs quæ scribis, teneri te scilicet incredibili desiderio uidendi mei, facile fidem adhibeam. Reliquum est, ut si quid erit, quod impetrare à me uel tibi cupias, uel tuis, scribas id ad nos certa cum spe, nihil te frustra petiturum. Vale. Dat.

VII. Idus. Sept. Anno primo. Roma.

Mariano Castell. S.

E

Flami



D. Longo-  
lius lib. 2.

**F** Laminium ex tuis literis equidē accusare pos-  
sum negligentiae, quod nihil unquam ad te de me:  
sed cum nihil ominus a me commendatum uelim ha-  
beas. Dignus est adolescens, quem omni tua humanitas  
te liberalitateque complectare. Vsus es tu quidem  
aliquando summa in eum benignitate, sed tum cum  
non tam necesse esset, quam nunc est, nec ipse in tan-  
tam doctrinae spem adhuc ingressus. Caue enim putes  
quicquam ei istic esse, aut iam multis etiam seculis fu-  
isse, simile uel ingenio, uel industria, uel probitate, uel  
etiam grauitate. Equidem sic de eo pronunciare so-  
leo, ut dicam neque natura benigniore quenquam ho-  
die uti, neque cum fortuna duriore conflictari. Qua-  
re cum id ei cumulatissimē adsit, quod nullius benefi-  
cio assequi possit, id autem omnino absit, quod tu ex  
cumulatissime prestare potes: ne commissum uelis mi  
Marianae, ut tantae spei, tantae uirtutis adolescenti, et  
quod constat, propinquo tuo, tū deniq; defuisse uidea-  
re, cum ad summam eruditionem dignitatemq; pleno  
gradu contenderet. Perueniet enim quò ten-  
dit, et si tu paululum modò adiuueris, maiorum  
nostrorum gloriae dignum se praebebit. Hoc ut  
facias, uel mea, uel ipsius adolescentis, uel etiam ho-  
noris tui causa, te tam rogo, quàm tibi nominis. Ro-  
mani dignitatem cura et esse et semper fuisse certo  
scio. Vale. Patauij. Calend Mart.

Iacobo Sadoletto, Romam.

Ego

**E**GO uero perlectis literis tuis; quibus tu desiderium, uel potius auiditatem meam legendi, iam aliquid abs te cumulatè, atque amantiſſimè leniſti; etiam effigiem amoris erga me tui, omnibus prorsus officij, beneuolentiæ, humanitatis, pietatis luminibus expreſſam, ac perpolitam, in illis agnoſcens, non ſum admiratus. Nihil enim mihi magis exploratum eſt, quàm me abs te amari, uel, antiquam illā noſtram conſuetudinem, ac pene conuiſtum, cum Ferrariæ Leoniceum audiebamus, uel, poſtremò cum Romam ueniſſem, recens tuum in me, atque meis ornandis ſtudium, diligentiamq; repetenti: quod quidem ipſum ſedulo facio; Itaque, ſi mihi unquam eius rei occaſio dabitur (quæ proſecto dabitur) efficiam ſanè, ut quoniam, quanti ego ſemper fecerim perſpicaciſſimum illud ingenij tui acumen, ad omnes bonas artes capeſſendas, quibus te à puero tradidiſti, cum per ſeſe, tum uſu atque exercitatione incitatiſſimum, coniunctum cum ſuauiſſimis moribus, admirabiliq; lenitate uitæ, ipſe perſpicere potuiſti; etiam quantum tibi debere me exiſtimem, aliquando cognoſcas; uel potius, ut omnes homines utrumque, & te mihi eſſe chariſſimum, propter egregias uirtutes tuas, & propter ea quæ dixi, officia, me tibi eſſe deuinctiſſimum intelligant; cura ut ualeas. VI. Kal. April. M. D. IIII. è Strotiano.

Antonio Rolando, Parauium.

Manutius  
libro. 10.  
p. velt.

**A**Dhuc languebam ex uetere morbo; & filio non leuiter egrotante, eram sanè perturbator: cōmittere tamen nolui, ut Epistole tuæ, nihil omnino responderem. Quod petis, ut orationem tuam corrigam: Primum id quidem necesse non est: cum scriptor sis luculentus, iudicioque excellas: deinde nero tantum ab re mea mihi otij non est, aliena ut possim legere: aut enim non uaco: aut, si quid temporis conceditur, ad ea, quæ inchoata, rudiaq; iam pridem habeo, absoluenda, & perpolienda totū confro; Quare à te peto, ut habeas rationem & ualetudinis, & occupationis meæ. Ego postquàm in patriam reuertì, negotiorum magnitudine defatigatus, ætate etiam admonitus, mihi & Musis duntaxat uiuere constitui, nullas suscipio curas, nisi quas rerum domesticarum necessitas imponit. nouas amicitias non expeto: ueteribus colendis operam non do; cum uxore liberisq; suauissimam uitam duco. Hic enim dies, ut ille ait, alios mores, altam uitam postulat; amicorum copia, quid præter molestiam habeat, non uideo: si quis aliter sentit, arbitrati ipse suo uiuat: ego malo mihi sapere quam alijs. Vale. Venetijs. X. Kalend. Ianuarij. M. D. LXX.

Herculi II. Duci

Ferrariæ S.

Sadoletus  
lib. 10.

**Q**Voniam habeo te inter eos, quos mihi eximiè semper colendos, obseruandosq; proposui: ideo

ideo putavi mihi faciendum esse, ut ad te mea manu scriberem, nunciaremq; id quod mihi contigit. Heri enim nihil cogitans, ac ne cupiens quidem, sed præter omnem opinionem meam creatus sum Cardinalis. Cuius honoris magnum onus et splendidum, meis tamen humeris per quam graue est: non enim uidetur meæ fortunæ tenuitas id posse perferre. Sed tamen speram ut potero: et si copijs opibusq; deficiam, in eo elaborabo, ut fide, integritate, amoreq; in Remp. muneri meo satisfaciam. tibi uero præstantissime Dux, cuius nomini clarissimæq; familiæ iam pridem ualde deditus sum, ita mea studia officiaq; polliceor ac defero, ut tibi cupiā persuasum esse, ea tibi inprimis præsto semper fore: neque eorum nemini qui te amant et colunt, quorum pro amplitudine et nobilitate tua, magna copia est, nunquam concessurum: semperq; ea libentissime facturum, quæ honori tibi et ornamento esse possunt. Sed hæc, cum usus uenerit, re magis præstabo, quam uerbis. Tu ut me diligas habeasq; in numero tuorum, uehementer à te peto. Vale. Ex Urb. X. Kal. Ian. M. D. XXXVI.

Marcello Ceruino Cardinali. S,

**E**T si pro tuis erga me pro meritis putem te etiam sine mearum litterarum testificatione existimaturum magnam me letitiam de tua dignitate cepisse:

E 3

Statui

Bemb. lib.  
6. Famil.

Statui tamen esse mihi faciendum, ut tibi per literas gratularer. Caue enim putes ullum mihi diem, postea quam Romæ sum, illo die, quo te Paulus Pont. Max. Cardinalem creauit, gratiorem aut iucundior rem illuxisse. Valde enim confido fore; ut singularis tua & eximia probitas ingenij præstantia, uitæ constantia, iudicium, plurimæ tuæ maximæq; uirtutes magnam sint auctoritatem Christianæ Reip. & huic sanctæ Sedi allaturæ; magno illis usui & ornamento futurae.

Quare non tibi uni de eo tantum gratulor: sed & ijs publicis quas commemorauit rebus, & nostro in primis ordini, quem tua præsentia honestabis; ac ipsi mihi: qui de tua tam illustri honoris & dignitatis accessione triumpho & gaudeo. Reliquum est; ut me, ut soles, ames: Alexandrumq; Farnesium Cardinalem & Legatum patronum & propugnatorem meum saluere plurimum iubeas meis uerbis. Curesq; ut uterque uestrum è peregrinatione ista tam longinqua bene procuratis rebus saluus sospesque ad nos atque ad urbem reuertatur. Va-

le. Nono Kalen. Ianuariæ.

M. D. XXXIX.

Roma.

LIBER

LIBER SECVN-  
dus.Leo X. Carolo Hispaniz.  
Regi.

Drianum Episcopum Dertusensem in Cardinalium collegium libenter  
Bembus lib. 16. Pöt.

cooptauimus, cum propter ipsius singularem sacrarum literarum doctrinam, probatissimosq; mores & uirtutum plurimarum præstantiam, tum ut tibi morem gereremus, remq; omnium gratissimam faceremus, cū probum uirum & doctum ac prudentem hominem, Magistrum etiam & præceptorem tuum in amplissimum huius Reip. dignitatis gradum adscisceremus. Qua quidem de re magis magisq; indies lætor. Spero enim fore, ut ea hominis dignitas & tibi & mihi & Reip. usui & uoluptati sit futura. Sed cū ego iam quæ meæ erant partes in ornando illo eas amantissimè impleuerim: tuum erit deinceps dare operam, ut homo optime de te meritis, magnus nūc uir & in magistratu eminenti positus, fortunarum suarum tenuitati, uel potius, ut iam id, quod est dicatur, paupertati, quæ tot annos eius uitæ socia, nec bella nec placabilis fuit, possit nūtiū remittere, atq; aliquādo tandē, perindē ut illa dignitas postulat, quā tueri debet, laxè ac liberaliter uiuere. Qua in re sic tibi illū cōmēdo, quasi res mea

E 4 non

non ipsius agatur. Nam quas tu in cum commaditantes liberalitatesq; contuleris, de ijs ego tibi me spondeo libentissime debiturum. Sed uelim id, quemadmodum te quidem facere tantum Regem tamque fortunatum decet, & celeriter & liberalissime facias. Octauo Kalen. Feb. Anno V. Roma.

Basilio Zanchi Monacho. S.

Bemb. lib.  
6. Famil.

**L**ibri tui de Sophia horto heroicis uersibus duos, quos ad me amantissime scriptos misisti ualde me delectarunt. Vniuersam enim ferè nostrorum hominum theologiam breuibus sententijs complexi ornatè grauitèq; (quod erat unum omnium difficillimum) ijs de rebus loquuntur, quæ profectò soluta oratio posse capere ita; ut legentes delectaret, & se in dignitate contineret; uix egrèq; mihi quidem uidebatur. Itaque tuorum carminum præstantiam, feci, ut debui, plurimi. Amoris præterea erga me tui locus pletissimi testes sunt, ueterisq; nostræ beneuolentiæ: ut nihil mihi abs te gratius, nihil omnino iucundius potuerit proficisci. Quare non solum plurimas tibi de eo gratias habeo: sed etiam gratulor; quod ad poetices studia, quæ quidem monachorum uitam, multis ab hinc ingressus annis postea nunquam attigisti, atque ad musas deliciores illas tuas, tanquam postliminio rediens, lato ab illis uultu susceptus fueris; nihilq;

nihilq; tibi, tam diu sfretas se abs te fuisse, succensus-  
runt. Itaque erit humanitatis tuæ, si te interdum post-  
hac ad suos, ut erant solitæ, numeros inuitabunt, præ-  
sto illis esse: quando præsertim magno me hercule  
cum scœnore, tuiq; nominis gloria tuam illis operam  
nauare te intelligis. Vale. Quarto Idus Nouembres.  
M. D. XL. de Vaticano.

### Francisco Cicereo, Mediolanum,

**Q**Vêmuercor, optime ac doctissime Cicerei, quia  
serius epistolæ tuæ respondeo, ne quid  
susplicere de me durius: quod certè non debes: quo  
enim tempore mihi Romæ reddita est. graui morbo  
laborabam: neque conualui, nisi multos menses, nec in  
Urbe, sed in patriam reuersus. Nam ualitudini meæ  
celum illud, quo usus eram antea per benigno, aduer-  
sari & obesse ita coeperat, diutius ut ferre non pos-  
sem. Itaque fuit omnino, ut uitæ consulerem, ab urbe  
discedendum, in quo summi Pontificis clementiam &  
facilitatem laudabo nunquam satis: qui de languore  
meo certior factus, cū adhuc muneris mei susceptaq;  
prouinciæ menses non pauci superessent, abeundi ta-  
men potestatem petenti equissimo animo concessit.  
quam quidem eius benignitatem tanti æstimo, quanti  
suam quisq; uitam & incolumitatem æstimare debet.  
Viuerè enim diu me posse, aut rectè saltè & firma-

Manutius  
lib. 10.



ter umquam ualere, si permanerem, ubi coeperam egrotare, febri præsertim adhuc urgente quotidiana, planè desperabam. Hæc si tu nosti : non dubito, quin purgatus tibi satis superq; sim. id enim æquitas, & earum artium, quas magna cum laude profiteris, humanitas postulat. Vale. Ex oppido Plebe Sacci. VII. Idus Nouemb. M. D. LXX.

Leo X. Carolo Hispaniæ Regi.

Bembus  
lib. 14.  
Pont.

**A**quilas quatuordecim auibus capiendis idoneas, quas mihi Adulphus Vandra familiaris tuus attulit, Regium sane munus libenter, ut debui, accepi. Et sunt enim miræ pulchritudinis, & abs te, quem ego mihi filij loco esse duxi : eius præterea generis, quod omnium & nobilius est & rarius : ut neque multe ullis in locis capiantur ; neque sæpè ad nos ueniant. Tu uerò uno munere tot misisti, ut existimem earum capiendarum artem aliquam te callere. Nisi fortè ipsæ sponte sua omnibus è regionibus isto conuolant, ut abs te capiantur, tibiq; seruiant. Quod si est, tu eis malè gratus fuisti, qui ad me miseris. Sed omnino extra iocum, mallem tibi eas retinuisse, quàm mihi misisses. Quippe quæ tibi uoluptati multo magis fuissent, quàm mihi erunt, qui tantummodo cum autumnus Romanum cælum fugio, uoletudinis interdum causa uenatione aucupioque me oblecto, uel eos potius,

.tius, qui mecum sunt : ut iucundior per agros uagatio & delectabilior nos diutius in labore uia teneat. Tu uerò adolescens & Rex, ut multas horas omni tempore consumere arbitratu tuo possis, eis & sepius usus fuisses, & utilius, addo etiam & decentius. Quod mihi tamen munus ipsum tuum multò charius atque amabilius facit, cum eo te defraudes ipse, qui uti rectè potes, ut mihi des, qui non possum. Et quoniam bellissimæ, ut dixi, sunt : dabo operam, ut aliquo te remunerer munere. Interea ualebis, nosq; ut facis diliges. Dat. quarto. Id. Ianuarij. M.D.XVII. Anno quarto. Roma.

Decio Brancaleoni, Neapolim.

**N**isi tibi nota esset occupatio mea, uererer in primis, ne accusares officium meum, qui literis tuis, amantissimè scriptis, nihil adhuc responderim. Ego, mi Deci, hoc mihi iuris assumo cum amicis, ut, si quid ad eos magnopere non pertinet, à me uerò non satis commodo meo fieri potest, omittam interdum, aut in aliud tempus reijciam. te uerò cur in meis necessarijs non numerem, uel Cambij mei testimonio, qui tuam in me beneuolentiam prædicare solitus est, uel affirmatione tuarū literarum, ex quibus duplicè uoluptatē cœpi, et quod amari me abs te cognouerim, et quod eū te esse, quē qui non amet, hominē non esse cōtenderim. Nec me putes blandiri uelle, sic equidem loquor,

Manutius  
lib. 2.

loquor, ut sentio. Præclara uirtutis fundamenta iecisti: signa uideo non obscura, nec dubia tum studij, tum ingenij: nec hortari magis, quam gratulari debeo: cum tu, quæ ætate multi ad inanes uoluptates deflectant, in ea solidam laudem quæras, et præmodum inuenta gaudere possis. Nec dubito, quin istam mentem, & quidquid ex ea tibi manat gloriæ, uel cõmodi, totum quantumcunque futurum est, acceptum Deo referre uells: quod si facis, nã tu mihi multò amabiliore, tibiq; ipse optimè consults, cum falsam speciem felicitatis humanæ à ueri boni possessione distinguis. Vale & Cambium nostrum, iuuenem eximia humanitatis, saluta meis uerbis. Romæ. VII. Idus Quint. M. D. LXIII..

Reginaldo Polo Cardinali S.

Sadoletus  
lib. 11.

**P**ost discessum tuum, nihil adhuc dedi ad te litterarum, quod de publicis rebus acta omnia ad te miti ti sciebam. De tuis autem nihil mihi nominatim mandaras proficiscens, quod me tua causa facere aut sentire oporteret. Quod si fecisses, beneuolentiam tibi meam & præstitissem re ipsa, & litteris sæpè declarassem: etsi ad meum tibi amorem testificandum, non opus puto esse literis. Hic nos in magno metu Turcarum assidue sumus: præsidia tamen adhuc nulla quæ quidem appareant, comparata habemus: nisi illud,

UNUM

unum maximum nobis est praesidium, quod possumus  
 est in Principis consilio & sapientia: qui iam saepius  
 nobis confirmavit, se in communi tuenda salute, ani-  
 mo excubare. Et tamen arbitror à rerum peritis di-  
 ctum, nisi extremo Sextili mense liberum ad nos cura-  
 sum classis habere hostium non posse. Tuos conatus  
 non eum habuisse exitum quem cuperemus, dolco ea-  
 quidem uehementer. Sed hoc aequiore fero animo,  
 quòd ita fore prauideram. Tu modo saluum te nobis  
 exhibeas, atq; restituas. occasiones aliæ non deerunt,  
 non enim eundem tenere statum diu possunt, quæ tan-  
 to opere sunt commoda. Nos hic in fortuna tenui susti-  
 nemus tamen onus dignitatis, quoad possumus. rectā  
 adhibemus uoluntatem, reliqua Deo permittimus. Te  
 amamus & colimus, ut debemus, amariq; item abs te  
 cupimus. Tu si quid forte mihi per literas mandaue-  
 ris, efficiam, ut te non frustra id fecisse intelligas. Epi-  
 scopum Veronensem nostrum plurimū uerbis meis  
 saluere iubeas uelim. Vale. Romæ, IIII Nonas Iulij.  
 M. D. XXXVII.

Guilielmo Sirletto Cardinali. Romam.

**Q**uidquid tuli, dum in patriam reuertor, suaue  
 est: tuli autem aspera, grauiā, difficilia, sa-  
 neq; multa: & eo magis, quod asperitates omnes,  
 egra uoletudo, & corporis imbecillitas, uehementer  
 augebat.

Manutius.  
 lib. 10.

augebat. *Quæ dum ferrem, hæc mecum loquebatur animus: Sustine præteritorum memoria, futurorum spe: & cognita quas turbas reliqueris, quibus laboribus emergeris, quam tranquillitatem, quam quietem petas. In patriam tendis refertam bonis omnibus; ibi te complexu accipiet dulcissima coniunx, languentem fouebit, infirmum reficiet, afflictum subleuabit; nullum obsequij studijq; munus abesse patietur. Erit hæc duris in rebus optima consolatio. Itaq; letus nonnunquam eram in dolore ac molestia comitum meorum. Nunc affecutus ea, quæ speraui, in unam curam incumbo, ut perditam ualitudinem restituam. Diuturnitate morbi, & inedia, corpus iam ut uires amiseram. accessere itineris incommoda, quibus ita consumptus humor omnis est, ut nimia siccitate uitæ periculum impendat: Dici non potest quo desiderio teneor studiorum nostrorum, quasi ceruus ad fontem, si per ualitudinem licebit sitibundas acurram. Cupio conseruari ueterem amorem in me tuum, meritis quidem à me nullis, perpetua tamen cultum obseruantia; quam eandem semper, aut etiam, si modo ad eam accedere quidquam potest, quod ego non arbitror, maiorem fore tibi confirmo. Vale. M. D. LXX.*

*Ioan. Mattheo Giberto  
Episcopo Veronæ. S.*

*Sadoletus  
lib. 3.*

**I**am diu est, cum ego ad te nihil literarum dedi,  
quod accidit non obliuione tui mea, neq; pigritia,  
aut

aut negligentia nostra: sed quod ipse mek occupatio-  
nibus impeditus, dubitans de tuis, ueritus sum ne mea  
sedulitas forsitan tibi molesta esset, si te à grauioribus  
& sanctioribus curis inanium lectione literarū auo-  
casset. Et si inanes nunquā epistolæ esse solent, quæ ut  
aliud nihil afferant, testes tamen sunt amoris, & con-  
seruate optimæ uoluntatis. Verum hoc testimonium  
neq; (ut ego arbitror) tu à me desideras, neq; ego abs te  
requiro, satis enim nostra uetus constansq; amicitia  
testimonij utrique nostrum præbet, esse nos inter nos  
quales esse debemus. amicissimo animo uidelicet, &  
constantissima uoluntate coniunctos. Ego ijs pro-  
ximis mensibus audiui, impressos esse tua impensa, &  
opera, optimos autores græcos: quorum in sacris  
literis interpretandis egregia doctrina est & auto-  
ritas, quo nuncio ualdè sanè letatus sum, animumq;  
tuum pristinum recognoui propensum ad bene me-  
rendum de artibus optimis. Quarum tamen prin-  
ceps ista est, quæ ad Deum, & ad ueram foelicitatem  
est directa. Hoc si ita sit, quod ego confido esse.  
fretus tua animi præstantia & liberalitate peto à te,  
ut me certiores facias: ut, siue sit perfectum negoti-  
um, ipsis uoluminibus & libris, siue in eo ut perficia-  
tur: spe propinqui cōmodi oblectare me possim. Nos  
hic commentarios in Epistolam ad Romanos scribi-  
mus: opusq; difficile & arduum ita tractamus, ut in  
eo præcipuè laboremus, quo extare possit tibi,  
quod

quod iam pridem sumus polliciti. Vale, & nos diligē-  
ge. Carpentoracti. V I. Calend. Nouembris. M. D.  
XXXI.

Iacob Sadoletto. S.

Longolius  
lib. 3.

**E**X literis meis quæ M. Caballo ad te nuper dedi-  
mandatis, intellexisse te puto, & qui rerum no-  
strarū hic esset status, & qua mihi in re auctoritate  
tua tum quidem opus. Nunc uerò cum omnem spem,  
& omnia tuendi ocij nostri consilia nec opinata &  
improvisa ista Leonis Pont. Max. morte peruersa  
uideas, ineunda tibi noua aliqua tuendi nostri est ra-  
tio, Mihi enim deest consilium, neque hic sane spes  
ulla ostenditur. Petrus quidem Bembus, cuius potissi-  
mum opibus, si quid tale accidisset, me sustentatum iri  
arbitrabar, longo illo & difficili morbo ita etiam  
nunc implicatur, ut nec ipse mei meminisse possit, nec  
ego ei hoc tempore molestus esse uelim. In te reliqua  
spes est, qui etsi non satis exploratum habeo, quantum  
me hoc in genere iuuare possis, tamen quia uel ratio-  
nes meas nosti, uel etiam multos istic familiaritate &  
amicitia coniunctos habes, principes uiros, à quibus  
aliquid studijs nostris adiumenti afferri posse & opis  
confido, peto abs te pro singulari tua erga me bene-  
uolentia, ut si quid tibi uenerit in mentem, quod nobis  
commodo & ocio nostro usui fore uidebitur, eiusce-  
rei cogitationem aliquam atque actionem suscipias.

Agerem

*Agerem tecum pluribus uerbis, nisi cum te mea causa uelle non dubitarem, tum uerò res ipsa per se satis loqueretur. Tantum habeto, si mihi hoc meo tempore abs te consultum esse intellexero, percepturum te aliquando magnam ex officio tuo uoluptatem: neque uero eam laudum tuarum fore ultimam, quod Christophorū Longol. aliorū omnino opera in altum delatum, sed in ipsis medijs fluctibus miserè destitutum, ipse tu ex omnibus unus commendationis tuæ aura in portum perduxeris. Vale. Ex urbe Patauii. Idus Decembris.*

Romulo Ceruino,  
Pauauium,

**Q**uod tu per sæpe queri solitus es, id mihi nunc accidit, ut epistolæ prorsus caream argumento: sed ego tamen non committam, quod tu soles, ut argumenti me inopia deterreat à scribendo. quin uide, quam diuersa ratio sit; tu, cum sententiam non habes, ualde tibi ais laboriosum esse epistolam texere: ego nunquam facilius soleo scribere, quam cum nihil habeo, quod scribam. At inanes huiusmodi literæ sint, necesse est. Primum hoc non semper, quandoque enim accidit, ut nihil dicentes, aliquid tamen dicamus. Et ut in fidibus est quædam manus aberratio sine arte, in qua tamen ipsa ars sit: sic in epistolis argumentum quandoque est sine argumento. Itaque non semper

Manutius.  
lib. 1.

F inanes



inanes huiusmodi litteræ: siquidem in ijs solet aliquid nonnumquam existere, quod pondus habeat. sed fac inanes esse: quid refert? non hoc spectamus, id sequimur, ut exercitatione duce, eò perueniamus alia quando, ubi ista laus uidetur eloquentiæ? quod si nobis tantum in hoc proficere non licet, ut ueteribus illis, quorum est purissima oratio, similes esse possimus: at tentemus tamen, si possumus nostris, qui inquinatè, loquuntur, dissimiles esse, quod, ut opinor, & multum & sepe scribendo consequemur. Ac noli putare, semper in eo nobis esse elaborandum, ut philosophemur in epistolis. graues sententiæ probantur, fateor: sed nunquid hoc uno latina lingua continetur, me quidem Cicero paullò minus delectat, de iocis cum agit, quam de turpi, & honesto cum disputat. Vale. Romæ.

Gabrieli Paleoto Bononiensi. S.

Sadoletus  
lib. 16.

**Q**uod scribis in literis tuis, te arbitrari, collegæ mei, uel fratris charissimi potius Petri Bembi Cardinalis, importuna morte me grauitè afflctum, & prostratum iacere: non fallit in eo te opinio tua. Nihil enim mihi potuit euenire acerbius, quam diuelli ab eo, cuius ego amicitiam fraternamq; coniunctionem quatuor & quinquaginta annos inuiolatam tenueram: quem propter ipsius præstantissimas uirtutes, summamq; humanitatem, probitatem,  
sua-

*suauitatem, singulari & pene inaudito amore prosequar: quo cum eram omnibus & studiorum eorundem, & uoluntatem, tam in familiaritate & consuetudine nostra, quàm in ipsa Repub. uinculis & necessitudinibus astrictis: ut eo mihi nunc crepto, solus plane, & ab omnibus mihi desertus esse uidear. Ex quo nō possum non dolere casum meum. Nam illum quidem lugere non esset fas. Caue enim putes quenquam unquam ulla in gente, ullo tempore, uixisse tam beatē, quam Petrus Bembo est mortuus, siue Diuinæ in cum beneuolentiæ indicia spectentur, siue humanæ. Quæ magna quidem mihi est consolatio: sed nequaquā adhuc moerori meo par. Verū dābimus operam, quoad Deo adiutore poterimus, ut dolorem minuamus, qui est imbecillitatis: memoriam autem talis uiri, id quod ad fidem amicitie, & ad illius gratam uirtutum commemorationem pertinet, assiduā retineamus. Tu mi Paleote perge ut cepisti, atq; ita te confirma, ut ei, expectationi, quæ magna de te concitata est, speiq; tuorum cumulatē satisfacias. Fratribus tuis humanissimis ac suauissimis Galeatio, Camillo, & Astori plurimā à me dic salutē. Vale. Romæ, V. No. Feb. M.D. XLVII.*

*Petro Bembo. S.*

*S*iquid hic esset quod te scire oportere existimarem, scriberem id ad te cū libet, tum pluribus etiam uerbis diligenter. Nunc omnino eiusmodi res nostræ sunt, ut quid tibi litteris meis significem, Longolius lib. 1.

F 2 planē

planè non habeam. nisi illud fortasse scire vis, me ad hunc diem tuas ad tuos literas expectasse, ut Patauium proficiscens, aliquod scribendi argumentum inde colligerem. Scripturus eras tu quidem Pisauro, sed nihil adhuc illinc. Suspiciabantur tui cum has exararem, te iam Florentiam, si quidem Pisauro eò recta profectus esses, uenisse. Ego autem has tibi Romæ redditum iri: ubi uelim negotia nostra ita cures, ut et ego semper speraui, & tu te facturum mihi recepisti. Illud uerò an epistola magnopere dignum sit, haud equidem scio, non mihi tamen prætereundum existimaui: ut cognoscas quo par sit animo, tuos absentiam tuam tulisse, cum uel bestias discessum tuum luxisse uideamus. Scito Bembinum delicias tuas desiderio tui penè extinctum esse: certe dolorem quem ex absentia tua contraxerat, nobis & bidui inedia, & perpetua ululatu discursuq; testatus est.

Manutius  
libro 6.

Nunc & si ad cibum, nondum tamen ad pristinam illam suam alacritatem redijt: mœstus semper, & ad contrectationes blanditiasq; nostras subringens. Tu cura ut ualeas: id enim & nos facimus: ac simul operam dabimus, ut ne frustra consuetudine, conuictu, cōsilijs tuis usi tanquam uideri possimus. Saluta mihi amicos communes: simul & illud quidnam sit fac intelligam, quod me nonnulli comminiscuntur de ingenijs Romanorum interrogatum respondisse, non crepare montes. Ego enim cum id nunquam dixi, tum ue-

RO CII

ro cuiusmodi sit, intelligere non possum. Venetijs proficiscens, XIII. Calend. Maij.

Decio Brancaleoni. Neapolim.

**M**iramur uterque, tu, quod literis tuis nō responderim, ego, quod eo me nomine appelles, atque officium meum requiras. quid? tu solus ignoras, quibus distinear curis? quantis rerum oneribus premar? quam numquam uacem? nec tum descrere officium soleo; numquam id mea uel consuetudo, uel, natura pateretur. At non rescripsi. Excusat me literarum tuarum argumentum; ptebas à me scripta mea, quæ corrigere cum uellem, otium numquam nactus, comprimenda potius, quam emittenda, iudicaui: idq; sum arbitratus licere mihi per humanitatem tuam. Hoc ipsum, inquires, scripsisse uellem. Hoc ipsum te quoq; suspicari decuit. Et erat amoris, Et ego, id te cogitare, aut ad aliam saltem causam referre silentium meū, libenter mihi persuast. in quo si tu me putas indulgere mihi plus, quam oporteat; assentiar, cum ea fortasse conditione, ut te plus à me, quam par sit, exigere satisfactionis, nam in ijs, quæ tui interesse cognouero, nulla mihi crede impedit occupatio, quo minus amicitie nostræ debitum officium præstem. inanes autem literas ut mittam, uix impetrarem à me ipso, si otio abundaret: quid, cum egeam uel maxime? Equidem, in te quandoque peruenire desiderantur, numquam

Manutius  
lib. 6.

committam, idemq; à te peterem, nisi uoluntatis in me  
 tue testes epistolas tuas, Cambium autē nostrum, quē  
 æquē diligimus, quasi sponsozem haberem. Aduentum  
 tuum, de quo spem rursus inieicisti, auide exspecto. Va-  
 le, Romæ. III. Non. Febr. M. D. L X V.

Iac. Bapt. Lomellinis  
 Fratribus. S.

Bemb. lib.  
 6. Famil.

**A** Mabam uos quidem antea multis nominibus plu-  
 rimum. Nunc uero quas ad me litteras Pata-  
 uio dedistis: cæ me uestri multò etiam amantiozem  
 reddiderunt. Sunt enim & plenæ officij, & amabili-  
 ter scriptæ, & quæ uestram uos operam in optimis  
 artibus ediscendis bene posuisse adhuc quidem facile  
 ostenderunt. Itaque uestra ea de re cura & diligentia  
 mihi magnopere probatur: Hortorq; uos; ut; quod  
 laudabiliter incepistis; etiam ad exitum perducatis.  
 Nihil omnino uobis ipsis ad dignitatem atque ad om-  
 nes uitæ uestre rationes poterit esse aptius, oppor-  
 tunius, conducibilius: nihil patri patruoq; uestro, quē  
 uobis istud ocij & facultatis comparauerunt; plane  
 iocundius. Quorum alterum doctum sane hominem;  
 & summa prudentia uirum plures iam annis unice  
 diligo; utorq; eius consuetudine & beneuolentia  
 persamiliariter: alter autem; quoniam uobis patet  
 est, tamen si cum nunquam pridem me tam benignè  
 diligi

diligi qui potest: Me quiden habebitis; cui æque chari sitis, ac estis patruo; paullo autem minus chari, quam ipsi patri. Valete. Sexto decimo. Kalend. Octobris. M. D. XLVI. Roma.

Petro Bembo.

**E**T si nihil erat omnino quod scriberem, non potui tamen Flaminio nostro istuc proficiscenti, Longolius lib. 3. non uel inanes ad te dare litteras potius, quam nullas. Sanè enim in rebus meis nihil est noui. Versamur adhuc in his, ad quæ tu me unus omnium semper es cohortatus, litterarum studijs. De te uero, et si minus quam cupimus, audimus tamen quæ uolumus: tam leuem iam accedere quartanam, ut ustrum tentatiuncula sit ea, an febricula, uix ipse tu sentias atque diiudices. Hoc ipsum mihi quàm gratum sit, etiam tacente me satis, puto, intelligis. Equidem (quod unum absens et possum et debeo) pro salute tua uota facio, et ut te planè confirmatum, hic primo quoque tempore uideam, etiam atque etiam exopto. Flaminium ipsum à me hic tibi commendandum esse non arbitror. Est enim iam pridem in ære tuo, ut quem tute mihi ipse accurate commendare: testimonium modo mei de studio eius atque industria iudicij, ei dabitur. Scito ex omni nobilitate Romana multis iam seculis exstitisse neminem, qui

ad summa ingenij atque iudicij ornamenta tantum adiunxerit diligentia, & in omni liberalis doctrina studio assiduitatis. Non enim politio rem modo humanitatem & communes literas attigit, sed etiam se utraque lingua in recte dicendi differendiq; ratione ita exercuit, ut non credibile sit, neque quam longe iam processerit, neque quò paucis annis tam pleno gradu peruenturus sit. Pertextet enim, scio, quod exorsus est, nisi aliqua forte temporum iniuria ab instituto cursu alio rapiatur. Sed de Flaminio nimis multa, præsertim ad te, qui cum de adolescentis indole summa semper sperasti, tum uero fortasse libenter adhuc legere non pates. Valebis igitur, & à Polo nostro saluabis. Vale. Ex urbe Pataui. V I. Idus Februar.

Nicolao Parennoto, Domino de  
Granuella, Cæsaris Con-  
siliario. S.

Bembus in  
Famil. li. 3.

**E**Ggo & ingenium tuum eximium atque mirificum omnium maximarum rerum capax, uirtutesq; summas & præstantissimas una cum singulari optimorum studiorum doctrina coniunctas tuas iam pridem suspiciens, te intimis animi mei sensibus amplius annos tacitus colui: & liberos tuos primarios adolescentes ac supra ætatem morum & literarum elegantia præditos, qui Patauij bonis artibus opera-  
ram

ram dabant ; amaui, uti debui, sanè plurimum. Itaque cum hoc tempore patrociniij apud Carolum Imperatorem tui magnopere indigerem : facile in eam spem ueni ; ut tu, quæ tua est humanitas, mihi illum sis tua commendatione propitium atque beneficium præstaturus. Georgius Palleanus ; quem quidem unicè diligo, atque ab eo diligi me sentio ; causam meam remq̃ totam ad te deferet. Oro igitur, obsecroq̃ te, ut tantum mihi de tua illa prona ad bene de humano genere merendum probitate hac in causa commodes : ut meam dignitatem measq̃ fortunas ; quæ quidem iniustissimæ diutissimæq̃ iacuerunt, per te unum aliquando tandem erectas mihiq̃ restitutas putem. Non dubito, quin plurimis magnis uiris tuam opem implorantibus auxilio sæpe fueris ; eorum causas defenderis ; nomen illustraueris : ipsos tibi omnia debentes dimiseris. Neque enim aliter cum de ea, quam habes, hominibus iuuandis facultate ; tum de natura nobilissima mitissimaq̃ tua est existimandum. Sed si nos unos ; qui minus etiam quàm mediocres sumus ; illis omnibus adiunxeris : non erimus fortasse in postremo eorum numero ; quibus ornamento te fuisse, non dicam letare, sed certe numquam poeniteat. Carolo quidem ipsi, si à me referri gratiæ non poterunt ; ita tamen habebuntur : ut confidam, illi me ingratum non fuisse omnes homines existimaturos. Vale. Quinto Kalend. Decembris. M. D. XXXVIII. Venetijs.



Nic. Archiepisc. Capuz S. R. E.  
Card. S.

Sadoletus  
lib. 9.

**L**itteræ tuæ perbreues, sed amoris humanitatisq;  
plenissimæ hoc mihi etiam fuerunt iucundiores,  
quod manu tua scriptæ, illud ipsum testimonium de  
quo scribis, nostræ perpetuæ & constantis amicitie,  
gravius multo faciebant. Et si illud in eis nimis li-  
beraliter: quod mihi ea honorum cognomina attri-  
buis, quæ ego urbis summatibus libenter facileq; con-  
cedo. Nam mihi sanè paruitas mea est uoluptati,  
quæ in tranquillitate animi, otioq; literario posita  
letatur. Florere autem amplis titulis & honorum  
ea insignia obtinere, quæ cum magnis curis & nego-  
tijs coniuncta sint, magis in te cæterisq; amicis meis,  
quàm in memetipso gratum mihi est. Vestro enim pa-  
trocinio, uestro labore & opera, nos uiuimus paca-  
tiores. Quanquam nullus quidem mihi amicus est te  
antiquior, ac ne beneuolentior quidē. Ita enim & ad  
me scripsit, quoad in urbe mansit Paulus: & reuersus  
ad nos illud idem uehementius confirmauit, nullū sibi  
à te studium, nullum iudicium amoris, quod quidem  
optare potuerit aut debuerit, defuisse: cum & in de-  
ferenda ope tua, insignem in se beneuolentiam: & in  
communicandis maximis rebus summam fidem: &  
in omni sermone usq; familiari, egregiam tuam co-  
mitatem se expertum esse, plurimumq; adamasse testi-  
ficetur. Quæ mihi omnia iucunda auditu, ipsa re pere-  
grata,

grata, non quidem præter spem, sed tamen supra spem  
 mihi tributa sunt: ut tantum tibi pro illis gratia de-  
 beam, quantum nostra amicitia patitur. Ea porro uult,  
 ut animo magis, quam uerbis gratam memoriam offi-  
 ciorum comprehendamus: quod tibi quidem à me, et  
 amplitudini tuæ nunquam deerit. Tu quando mihi  
 omne tuum studium et autoritatem et operam aman-  
 tissimis uerbis polliceris atque defers, summo me om-  
 nium beneficio afficies, si amorem istum tuum erga me  
 conseruaueris. Vale. III. Idus Martij. M. D.  
 XXXVI. Carpentoracti.

Gregorio Cortesio  
 Cardinali S.

**H**eri te in nostrum cardinalium collegium à Pau-  
 lo Tertio Pont. Max. incredibili totius ordinis  
 consensu cooptatum fuisse ualde letor. Quod quidem  
 tametsi serius factum est, quam oportuit, quamq; ipse  
 credideram futurum: nam cum anno superiore apud  
 illum hac ipsa in causa plurimum de te sermonem ha-  
 buissem; sic ab eo discepsi; ut considerem cum ijs, qui  
 paucos post dies eundem honorem assecuti sum, te re-  
 nunciaturum iri: tamē cum sit is uniuersi Christiani orbis  
 concilium hyeme proxima concelebraturus: à Deo  
 Opt. Max. te in hoc tēpus reseruatum fuisse mihi quidē  
 persuadco: ut tibi ad hoc munus accersito statim  
 quasi

Bemb. li. 6a  
 Famil.

ms. A. 12  
 fol. 111

quasi campus latissimus pateat; in quo se uirtus laudabiliter ostendere & exercere possit tua. Quare de eo non tibi soli gratulor; cuius nomen doctrina tua excellens, religio, pietas, incomparabilis prudentia tam clarum iam apud omnes gentes reddiderunt; ut postrema hæc dignitas non tam priorem tuam dignitatem auxisse, quam ad illam accessisse uideatur: sed & collegio ipsi uostro, quod me hercule te addito ualde erit posthac ornatiùs, & toti plane reip. quam quidem es ab ijs hominibus, qui eam hostiliter inuadunt, tuo illo prope diuino ingenio & sapientia, & reliquarum uirtutum plurimarum tanquam acie ac robore peropportune defensurus; eiq; magnæ tum gloriæ, tum utilitati futurus. Me quidem habebis eundem in posterum, quem multos abhinc annos habuisti, amantißimum & cupidissimum tui; & præterea, quoniam in eodem collegio erimus; & in consilijs capiendis, & in sententijs dicendis, & in omni uita tecum in primis coniunctissimum. Vale. Tertio Nonas Iunias. M. D. XLII. Roma.

Nicolao Peitellio S.

Sadoletus  
lib. 16.

**P**Aulus ad me scribis, in eo obeundo munere, quod rogatu meo suscepisti: te & ipsi, & Carpentoractensibus ciuibus usque eo satisfacere, ut in sacris illis concionibus, quas ad populum habes, nec religio-

nl5

nis studium ardentius, nec rerum copia uberior, nec orationis subtilitas maior desiderari posse uideatur. Itaque admirabilem ad te audiendum hominum cuiusque generis, ætatis, ordinis concursum fieri, ut prorsus nunquam istic quisquam maiore hominum uel frequentia, uel admiratione, eius generis conciones habuerit: Quod mihi quidem, qui præstantissimum ingenium tuum, pari uitæ integritate ac pietate coniunctum, istic cùm essem facilem perspexi, minimè mirum uisum est, Non possum tamen facile uerbis consequi, quàm id gratum mihi & iucundum acciderit. Nihil enim uehementius studeo atque opto quàm illos homines, quos fidei meæ commissos, paterno planè amore prosequar his tam turbulentis temporibus, quibus multi quotidie à uera religione abducuntur, in recta erga Deum fide atque officio manere. Itaque cum tu ad eos continendos tam fidelem tamque egregiam operam mihi absenti naues, incredibili quadam uoluptate afficiar necesse est. Tibi uerò eo nomine tantum debere me intelligo, quantum equidem uix posse unquam uideor persolvere. Sed tamè, & is primum, qui pias hominum actiones cœlestibus premijs remuneratur Deus, cui tu imprimis deseruis, tã præclari officij tui ampliissimam tibi mercedem reddet: & ipse non desistam, quin tibi pro tantis tuis in me meosq; ciues meritis, aliquam aliquando gratiam referam. Tu ut ciuitati isti pergas rectam, quemadmo-

dum

*dum facti, salutis & immortalitatis uiam ostendere: meq; apud Deum precationibus tuis iuues, uti mihi ad ecclesiam meam regendam redire illius benignitate contingat, abs te uehementer peto. Vale mi Peitelli. Romæ. M. D. XLVI.*

Nicasio Casletano.

Manutius  
lib. 5.

**Q**uantum mihi uoluptatis attulerant litteræ tuæ, summæ tum humanitatis, tum etiam doctrinæ notis insignes: tantum postea doloris ac molestiæ, erepta ob aduersam ualeitudinem respondendi facultate, suscepi: Non ego aut is ego sum, cui quidquàm prius officio sit; aut eum te esse ex Duditiij litteris cognoui, cuius amicitia contemnenda potius quam appetenda uideatur. Sed omitto Duditiij uel testimonium, quod apud me ponderis, sicuti debet, habet plurimum, uel uoluntatem, cui libenter omnia tribuerem; Ipsa quam ad me misisti epistola, quid est quod impetrare non possit & scripta primum humanissimè, cum beneuolentiam in me tuam significes, meam exoptare uidearis: Deinde ita eleganter, ac diserte (ne uiuam, si mentior) ut ego tibi in hac Eloquentiæ laude comparem sanè paucissimos, anteferre debeam neminem. Quare, cum istam animi tui singularem in me amando, atque etiam laudando liberalitatem libenter amplector; tum uero me tibi parem in utroque

que uoluntatem reddere, idque non tam officij tui magnitudine prouocatum, quam iudicio facere, uelim existimes. Tu uideris, quid de me sentias, & quo me loco reponendum statuas: non enim ita laudem aspersionor, præsertim quæ ab ijs, de quibus bene omnes existimant, proficiscitur, ut quam de studijs meis opinionem suscepisti, eius deponendæ, aut diminuendæ, tibi auctor esse unquam uelim. Ego quod ad me attinet, si qua tui dabitur, facultas ornandi, plena manu tuas uirtutes ad cælum tollam: studio quidem & amore ne uincar: & enitar, ut soleo, diligenter, & ut spero consequar, præsentem scilicet mutui sermonis suauitatem longinquitas aufert: litteris tamen, si ualebo, quod adhuc non contigit, ne prorsus abesse uideamur, operam dabo, Vale, & Duditio meo salutē. Venetijs.

### Georgio Duci Saxonix S.

**Q**uod non tam citò tuis litteris rescripserim, Sadoletus lib. 4. præsertim tam accuratè, tamq; prudenter scriptis, ignosce (quæso) mihi. Non mea fuit culpa, sed cum emergere cœpisssem ex graui morbo, quo quatuor pene mensibus oppressus, periculum uitæ non semel adij, allatæ eæ mihi sunt, meq; summa & incredibili quadam uoluptate affecerunt. In eis enim non solum recognoui tuam pristinam uirtutem, & sapientiam, quam semper antea sum admiratus: sed

sed singularem etiam, & nouam quandam humanitatem cognoui. Sic enim benignè atque amanter me in amicitiam tuam recipis, ut mihi, qui hoc summè semper concupiui, ut tibi aliquo amoris uinculo coniunctius essem, nihil accidere potuerit optatius. Non enim ego, Georgi præstantissime, diuitiarum aut pecuniæ amator sum, nec honores & potentiam magno studio requiro: sed amo uiros animo & uirtute excellentes, inq; eorum amicitia & mutua erga me beneuolentia incredibiliter acquiesco. Itaque tua nunc erga me uoluntate perspecta, crede mihi tanto in te studio sum accensus, ut nemini unquam concessurus sim, qui aut ardentius te diligat, aut maiore cultu atq; honore tuas præclarissimas uirtutes prosequatur. Quod si locis disuncti, congregari unà, & colloqui coram inter nos non possumus, literis tamen & crebris descriptionibus idem propemodum assequemur. Sed de rebus, quæ in tua epistola graues, & magnæ, & grauius scriptæ sunt, tunc tibi respondebo, cum summū Pontificem fuero allocutus, atque ipse quoq; factus ero firmior. Nunc cum nec mente adhuc, nec corpore satis consistam, accipe (quæso) breuem hanc epistolam, testem animi & amoris erga te mei. Cum primū facultas dabitur, uberius ad te scribam: nec te patiar officium in eo meum desiderare. Tu ut ualitudini operam des, nosq; diligere pergas, magnopere à te peto. Vale. Romæ, IIII. Cal. Ianuarij. M. D. XXXVII.

Francisco

Francisco Robortello, Bononiam.

**T**E quidem eximia doctrinae opinione, quam apud Manutius  
lib. 5.  
omnes meritò consecutus es, humanitatis lau-  
dem uelle coniungere, tum mea causa lator, qui tua  
consuetudine nimium diu molestissimè carui, meaq; in  
te perpetuæ uoluntatis ipse mihi egregiè sum consci-  
us, tum uerò, quod inter te, & Sigonium meum, uiros  
tales, & plane duo nostræ Italiæ lumina, non optime  
conuenire, ferendum uix erat. Itaque, cum de nostra  
autore Seripando reconciliata gratia ex ipsius Sigo-  
nij litteris cognouissem, feci statim, quod meæ partes  
erant, ut animo te complecterer, meq; tibi, leuiter  
antea, nec sane mediocri cum dolore immutatum, li-  
bentissimè totum restituerem. A te peto, non ut me  
mutuò diligas, quod te iam facere, perpetuoq; factu-  
rum certo scio, sed ut officijs etiam ita mecum certa-  
re uelis, quibus & cupidè uincam, & uincar tamen  
non inuitus, ut nihil omnino neque de mea in te uete-  
re obseruantia, neque de tua in me beneuolentia de-  
fractum esse uideatur. quinquà hoc, tua fretus boni-  
tate, & sapientia, cum sperauerim antea, nunc ut pla-  
ne confidam, litteræ tuæ fecerunt ad hominem bene-  
doctum, & utriusque nostrum amantissimum, Ra-  
phaelem Cyllenium proximè conscriptæ: quibus in  
litteris partim de me, quo sum mirificè lætatus, amā-  
tissimè loqueris, partim etiam typos græcos fratris  
mei, nescio qua culpa amissos, benignissimè mihi pola-  
liceris



liceris, ac desers. Ego, mi Robortelle, istam uehementer amo uoluntatem, quam tibi certe emetior: liberalitate uero tua & si delector maximè, tamen, cur utar, non est, cum officinam satis ampla & pereleganti huius generis copia magnis iam sumptibus instruxerim. tibi tamen, quia de commodo meo tua sponte cogitaueris, quod sine summo erga me amore fieri profecto non potuit, æquè debeo, ac si rem omnium maximam meo pernecessario tēpore detulisses, quod si à me paria, ac multò etiam præstantiora in omnibus rebus, quas ad tuæ laudis, tuiq; commodi partem aliamquam pertinere intelligam, studia & officia expectabis: nunquā te fallam. Atq; huius quidem testem promissi, & qua si loco scederis quod à me uiolari nunquā patiar, hanc esse apud te epistolam uolo. Vale. Venetijs.

Romulo Amaseo S.

Sadoletus  
lib. 16.

Veniēti istuc Iacobo Bordingo, qui Scholæ Carpentoraetensi triennium præfuit, optimo uiro, & Græcis Latinisq; literis eruditissimo, non potui nihil ad te literarum dare: tum ut cōmendarem tibi hominem, quem medijsfidius ego singulari beneuolentia complector: tum etiā, tu ut agnosceres, memoriam me tui cum summa item beneuolentia retinere. Is ea de causa Bononiam proficiscitur, ut quoniam dedidit aliquot annos medicinæ operam, id studij & laboris

boris in ista urbe perficiat, doctorumq; iudicio statuatur dignus, qui ipse quoq; possit eam ciuibus suis artem & scientiam profiteri: quod illum magna cum ingenij & doctrine laude adepturum esse confido. Nunc etsi non dubito, mi Romule, quin quem à me & diligere & probari intelligis, cum sis tuis studijs atque officijs omnibus persecuturus: tamen sic uolo te existimare, uix quicquā inueniri posse, in quo mihi tua officia accidere possint gratiora, quam in Bordingo, cui omnibus de causis merito amicissimus sum. cupioq; eū quā maxime et celebrari et ornari. Quod tu præter ceteros egregie mihi præstare potes, qui præes Bononiensi iuuentuti, & elegantibus ingenijs dominaris, in ea urbe natus, è qua eruditio, & optimarū artium disciplina, in has trās albinas nationes dimanasse creditur. Porro aut hæc sunt, quæ ego te posco: Primū ut diligas hominem ipse, et charum habeas: deinde, ut eisdem doctos istic uiros concilies, reddasq; eū & meo, & tuo testimonio omnibus notum. Postremo, ut cum publicè iudiciū de dignitate Bordingi per doctorum collegiū fiet: tu cū tuis omnibus uestro eum comitatu frequentiaq; honestetis. Quanquā summa postulato-  
 rū meorū hæc est: te uti ita geras aduersus Bordingū, amore, studio, diligentia: ut intelligat ipse, meam hanc sibi commendationem apud te plurimum profuisse: egoq; in hoc homine experiar, id quod tamen iam pridem scio, me abs te non solum diligere,

G 2

sed

*sed etiam uehementer amari. Vale mi Romule. Carpentoraeti. IIII. Calend. Octobris. M.D. XL.*

Nario Nizolio,  
Parmam.

Manutius.  
lib. 2.

**E** Pistola tua, mi Nizoli, ut amici hominis, ac uehementer amandi, summa me uoluptate affecit, ac meam uehementer incendit cupiditatem Parmam adeundi: non quòd urbs, aut urbis ornamenta me moueant: (alij hoc mirantur, apud me uulgaria sunt) sed aueo incredibiliter ueterem meum, meum dico: immo uero litterarum ac studiosorum omnium ipsi sumque litteris excellentem, Alexandrum Farnesium Cardinalem salutare: quem cognoui Romæ & colui puerum adolescens, eximia iam tum indole præditum. & earum laudum principijs, quas deinde auctus ætate simul & iudicio perficit, magna omnium expectatione florentem. quo quidem tempore uehementer urbs ipsa excitauit me atque acuit in studio liberalium disciplinarum, aspectu ipso antiquitatis, & multiplici ac uaria hominum eruditorum scientia: sed ut ingenue uereque fatear, proprie me expoliuit aula Farnesij moribus, ac litteris, cum uiuerem coniunctissime ac familiarissime cum duobus præstantissimis uiris Marcello Ceruino, & Bernardino Maseo: quarum alterum Pontificem maximum, alterum Cardinalem, utrunque immortalitate dignissimum aduersa bonis artibus iniqua mors eripuit. Quare quod me Parmam

Bemb. lib.  
6. Famil.

*nam uocas, & multis uerbis inuitas amantiſſimè, non me litteræ tuæ ſopitum excitauit, ſed currentem potius, ut aiunt, incitarunt. quod utinam cum uoluntate cetera congruerunt: iam iamq; uobiſcum eſſem. ſed uides anni tempus: uides itinerum difficultatem: ſcis, quàm imbecillo ſim corpore, quàm tenui, & ad incommoda, iniuriasq; cœli perſerendas parum apto. timeo etiam à militibus, à quibus ociùm non eſt: excurrere enim dicuntur, & prædas facere. non igitur ueniam, cum à uobis unius diei uix abſim interualloc ueniam, opinor, quæquæ aduerſantur & impediunt contemniam omnia. uolo omnino meis oculis, Farnefio uidendo ſatisfacere: uolo hanc à me ipſo gratiam inire, & ſalutationis officio, expetito ſanè, ac debito, perſungi. Vale, & Farnefio Cârinali meſ uerbis ſalutem plurimam dicito. Affule.*

Alexandro Farnefio  
S. R. E. Cardinali S.

**G**Ratæ mihi tuæ literæ tantumne? imò uerò & ſadoletus  
peroptatæ, & dulces: quæ aliquam mei memoriam reſidere apud te mihi indicarunt. Quod ego quanti faciam, non nunc ſcribo: aliud erit tempus iſta commemorandi. Hoc dico in tuis iucundiſſimis litteris illud tamen offenſionis fuiſſe, quod hæ tardiſſimè ad me perlata ſunt. Scriptæ enim à te VII. Idus

lib. 120

Septembris, tertio Idus Octobris mihi sunt redditæ,  
sexto & trigesimo die uidelicet postquam tu eas de-  
deras. Sed quod ad rem pertinet, utinam Farnensi am-  
plissime uobis uocantibus, quemadmodum quidem cus-  
perem, subito parere possem: neminē profecto prom-  
ptiorem ad optemperandum uobis inueniretis. Sed  
quæ me impediunt causæ quo minus statim accedam,  
scribo ad Pontificē Max. scriboq; non tam sapienter,  
quàm ingenue & libere. Quod Pontifex ipse pro sua  
perpetua præstantiq; humanitate in bonā partem ac-  
cipiet. Earū ego literarū exemplum ad te misissem,  
nisi illas cōmunes tecum fore existimasset: quod certē  
ita futurū est. In ijs ego peto atq; oro, ut tempus meæ  
absentiæ mihi prorogetur usq; ad proximum mensem  
Aprilem: quo tempore in Italiam reuerſi mihi in ani-  
mo est. Hac in re Farnesi optime, te mihi aduocatum  
esse cupio, ut facilius impetrem, quod æquissime à me  
petitur. Neq; tamen recuso, si uos omnino ita statueri-  
tis, quin primo quoq; tempore istuc ueniam. Sed cū  
neque magnum fructum ex me istuc percipere possitis,  
quod in tot sapientissimorum patrum consilijs, &  
prudētia parum eminere opera mea potest: & ego  
magni mea interesse sentiam, aliquandiu hic manere:  
erit humanitatis & liberalitatis uestræ, faciles uos  
præbere in eo, quod uobis parum admodum, mihi au-  
tem plurimum profuturum sit. Sed de his reijcio me  
ad eas literas, quas Pontifici scribo futuras (ut dixi)  
tibi

tibi etiam communes. Te quidem ipsum rogo, ut mei  
absentis famam atque fortunas in tua fide et patro-  
cinio esse patiari: tandemque te mihi prestes, qualem  
ego animum erga te in omni tuo honore dignitateque  
tuenda, si res ita ferret, plenum amoris et diligentiae  
asserrem. Vale. Idib. Octob. M. D. XXXVIII.  
Carpentoracti.

### Ioanni Sambuco.

**C**um me uocas ad scribendum, confirmantur consilia mea iudicio tuo. ac tu quidem in hoc officio Manutius  
lib. 5.  
cohortandi facis idem, quod multi: quibus facile pos-  
sem satisfacere, si per domestica negotia liceret. sed  
obsecro, nolite ex otio uestro meum spectare. uobis  
enim certa, et expedita sunt omnia: mihi unicum est  
uestigium industria mea: qua liberos alere, tueri fami-  
liam cogor. et, si negligam, deferetur humanitas: sin,  
ut debeo, diligenter curem, iacere studia necesse est,  
quæ solutum curis omnibus animum postulant. At  
inquiēs: ipsa tibi studia fructum ferent. Caue alijs  
cantilenam istam, mores, ac tempora ignorantibus, mi-  
hi non persuadebis experto. Vetus illa Principum ui-  
rorum benignitas exaruit. inania plerique sequuntur, ni-  
hil solidum amant, nihil magnificum, nihil illustre. Vis  
des alios, quasi perdendis tantum frugibus nati sint  
immanibus epularum sumptibus opes exhaustire:

G 4      alios

alios, quasi etiam homines ipsos, nō modo fruges, perdere pulchrum sit, thesauros effundere, collectos acerbissime, in ea bella, quæ uastitatem agris, urbibus incendia, humano generi, aliena stultitia miserrimo, cladem, et exitum importent. Musæ interim ubique locorum algent, neglectæ ab ijs, qui fouere eas ut maxime poterant, ita maxime debebant. Etiam illud indignum, quod existunt, qui specie liberalitatis gloriosam aucupentur: et eam uirtutem, à quo longissime absunt, quam oderunt cane peius, et angue, quasi familiarem suam sic in ore habeant, ut amare uideantur. exemplum recens in manibus est, homines, ut à multis accepi, nobilissimi, qui mihi et obsignata charta, quid ultro promiserit, et postea, cultus à me diligenter omni genere officij, qualem exitu se præbuerit, non ignorans. Hoc fere morbo laborant multi, eoque grauis, quo minus eorum dignitas, et amplitudo fert. Vale. Venetijs.

Isidoro Clario Abbati S.

Sadoletus  
lib. 16.

Commodum emerferam ex tertiana febris, cum tuæ mihi allatæ sunt literæ, datæ V XI. Calend. Augusti Tridenti: aliquando etiam serius, quam diu et itinerum ratio postulabat. tabellariorum negligentia nobis redditæ: quibus in litteris facile et amorem tuum erga me, et memoriam ueteris nostræ

com

consuetudinis recognoui. Sed quo minus ad eas tum celeriter responderim, partim imbecillitas corporis, partim etiam publica hæc negotia, quæ nos hic anxios & sollicitos admodum habent, aliquandiu retardarunt. Video enim Isidore, id quod tu quoque in literis tuis significas, rem communem nostram, hoc est, causam Christianæ religionis (quid enim est quod magis nostrum esse possit?) eò deductam esse, ut gravissimorum concursum periculorum metuere debeamus: spe præsertim concordie penitus sublata, quæ antea sustentabamur. Nam qui antea, cum à nobis & ab Ecclesia Catholica graviter dissentirent, omnia sua tamen Concilio se esse permissuros pollicebantur: nunc posteaquam indictum conuocatumq; Concilium est, cum retractent promissionem suam, plurimaq; dent indicia non solum non commutati pristini animi sui, uerum etiam in prauis opinionibus uehementius pertinacis: quæ spe possumus niti, ut turbæ, quæ omnia diuina humanaque permiscuerunt, aliquando pace consensioneq; tollantur? Atque utinam, quod tu uideris credere, mea opera atque industria aliquid prodesse posset Christianæ Reip. nos hoc damnum uiolate perturbatæq; religionis, uel nostro ipsorum sanguine libenter redimeremus. Sed cum neque ingenio multum, & autoritate nihil possim: quod tantum mihi tu tribuis, id ego amoris tuo erga me, non illi quo ceteris in rebus plurimum uales,



iudicio esse assignandum puto. Verum quo se modo habeant Christianæ res, illa est spes nobis in Deum cōiicienda firmior, quod is pro sua summa perpetuæq; benignitate et clementia populos suos seruabit ab interitu: neq; gentem delectam ab sese nonnullorum scelere atq; perfidia dari in exitium uolet. Quam ego unam consolationem, nec aliam præterea ullam, his tot malis reperio. Fac ualeas, nosq; mutuo diligas. Rome, Calend. Sept. M. D. XLV.

M. Hieronymo Vidæ,  
Albæ Episcopo S.

Bemb. lib.  
6. Famil.

**A** Mabilissimas tuas accepi litteras Kalen. Iulij datas: quibus mihi de mea dignitate gratularis. Quas quidem litteras non libenter modo legi: sed etiam cupidissime auidissimeq; perlegi, ipso titulo perlectus: quod mihi à Vidæ hoc est ab homine omnium nostri seculi clarissimo mittebantur. Gaudeo recentem Pauli Pont. Max. cooptationem; quam me in Cardinalium collegium asciuit; tibi gratam et iocundam accidisse. Nihil enim malo; quam à te tuiq; similibus, siqui sunt, diligì. Sed omnino siue sunt, siue non sunt; à te certè omnium maxime et amari, et probari cupio. Quod autem eam dignitatem meæ uel doctrinæ, uel uirtuti fuisse traditam existimas; easq; ornas miris laudibus; non dubito

bito; quin plus in eo duci te à beneuolentiâ, quàm à iudicio permiseris. Veruntamen, utcunque se res habet, debeo tibi, si minus de altero; de amore quidem certè erga me tuo sanè plurimum. In eo profectò non falleris; quod me meo otio meoq; uitæ genere contentum nihil de his bonorum splendoribus putas cogitauisse, neq; eos appetiisse. Nam; ut uerè tecum loquar; sæpius fit, ut peccasse me existimem; qui pristinam uiuendi rationem proiecerim: quàm gaudeā propterea, quod maxima clarissimâq; dignitate auctū me atq; honestatum sentiam. Quod uerò me hortaris; ut à studijs nostris mitioribus ad Christianam rem tractandā & iuuandam me conuertam; uelim sic existimes, me id unum dies noctesq; meditari. Quid enim aliud agam his insignibus & nominibus susceptis? Sed neq; dum Romæ sum; ut possim boni aliquid in modum afferre: & quanta nobis mala impendeant, uides. Ut uerendum sit; ne qui reip. præsumt, sedare uniuersi tempestatem tantam non possint: nedum mea unius industria hoc tempore magnopere sit profutura. Sed profectò reip. fluctuanti non deero: & ei operam, quam potero nauabo. Reliquum est, ut me, ut facis, diligas. Quòd si etiam litteras ad me, cum otiosus eris, dederis: ut quid agas; quibus in studijs te oblectes; quid omnino scribas; scire possim; erit mihi gratum. Vale. Nonis Augusti, M. D. XXXIX. PATAKIO.

Leo X. Ludouico Gallix Regi.

Bemb. lib.  
7. Pontifi.

**D**E *Annæ Regina uxoris tuæ morte certior factus magnam sanè molestiam cepi : cum propterea quod feminam egregia singulariq; uirtute, & spe ætato in Deum ac Dei Ecclesiam cultu pietateq; amissimus : tum quia te pro tuo in illam laudabili amore, illiusq; iu te, maximo esse dolore affectum multorum litteris intellexi. Accedit ad hæc, quod me illa, quasi patrem optatissimum pia amantissimaq; filia, incredibili obseruantia prosequeretur. Regnum etiam ipsum tuum ceteraq; gentes opis alienæ indigæ, in quas illa munificentiam exercebat suam : multum mihi amississe in ea muliere bonæ spei atque præsidij uidebantur. Itaque pluribus & quidem iustis maximisq; de causis uehementer is me nuntius perturbauit. Verum cum optimā uiuendi rationem summamq; probitatem, & eximiam mulieris temperantiam tam amplo in imperio posita, ceterasq; eius præstantissimas uirtutes animo repeteremus, & simul huius uite misérias atque horum temporum incommoda perturbationesq; respiceremus, in eam sententiam adducti sumus, ut bene cum ijs actum esse statueremus, qui hoc tempore mortem cum uita commutauissent. Deumq; Opt. Max. Annam Reginam ad sese, tanquam de terrarum æstu et fluctibus in portum, aut tanquam de flebili hospitio ad plenam hilaritatis paternam donum coelum ipsum beatorumq; concilium uocauisse,*  
magnos

magnopere existimarem ubi illa bene acta uite premia, & cum liberalitatis atq; beneficentie, quibus duabus uirtutibus supra mulierum captum enituit; tum uerò etiam temperantie patientiaq; sue speratos fructus leta felicissimaq; perciperet. Que omnino cogitatio moerorem quidem meum multum leuauit. Quare te hortor, ut eadem atque similia uel etiam meliora, quæ tua tibi uel prudentia, uel animi magnitudo facile subministrabit, ad cogitationes tuas adbibear, ægritudinemq; quam te uxoris tue morte contraxisse audio, leues ferasq; æquo animo quæ ferenda sunt: sunt autem ea omnia, quæ aliter se habere non queunt. In quo et tuam ipse temperantiam atque prudentiam maximè ostendes, & mihi, qui te unice diligo, omnem moerorem absterges, si te leuatus sensero. Datum, III. Calend. Febr. Anno primo. Roma.

Paulo Sacrato, Ferrariam.

**V**T latine ad me scriberes, homo tum domesticis Manutius libro 5. curis, tum etiam sedandis, ut audio, multorum controuersijs assidue distentus, certè amor impulit, atque humanitas: & epistola tua ita mihi ornatè, ita copiose omnes non modo animi, uerum etiam ingenij tui partes expressit, ut nihil unquã legerim libentius. Ego tibi antea, optime Sacrate, tribuebam sanè multa, quæ pauci consequuntur, prudentiam, integritatem,

tem,

tem, doctrinam, maximè uerò præstantem quandam  
ad exolendas officijs amicitias & uoluntatis, & natu-  
ræ propensione: istam uerò orationis exornandæ fa-  
cultatem, quæ cum multi temporis, magnæq; uidetur  
esse industriæ, tum uerò, ut ego sentio, atq; usu etiam  
didici, ab intimo quodam, planèq; recondito depro-  
mitur artificio, uix putabam tibi inter diuersa plane  
studia posse contingere. sed uidelicet id me fefellit,  
quod ingenium tuum cōmunibus metiebar exemplis:  
nec mihi ueniebat in mentem, auunculi tui Cardinalis,  
Iacobi Sadoleti, præceptis, & consuetudine domesti-  
ca aditum tibi ad omnē gloriā esse patefactum. nam  
cū ille cunctis uirtutibus, quas laudabit posteritas  
omnis, assequetur fortasse nemo, bonorum ac sapien-  
tium iudicio uirorum excelluerit: hac tamē in primis  
latine scribendi laude ita floruit, ut ueteres illos pro-  
pemodum æquauerit, nos quidem per eandem uiam  
cupientes excurrere, longè reliquerit. sed, ut ex epi-  
stola tua conijcio, conseruabis hoc quasi patrimonium,  
familie uestre proprium, & hæc tibi communis hæ-  
reditas erit cum patrueli fratre tuo, Paulo Sadoletto,  
quem omnes homines ad egregia quæq; natum intel-  
ligunt. Equidem in hoc mihi ipse plurimum gratulor,  
qui tibi harum litterarum, quibus nescio, an quidquā  
non modo humanius, uerum etiam ornatiùs esse pos-  
sit, causam dederim. nam Iosephum Fasinarum, quē  
ob eius doctrinam, & mores egregios uehementer  
amo,

amo, oblitum arbitror modestiæ suæ, cum de me loqueretur, & utrumque uestrum in eo consensisse, ut ille, te libenter audiente, pro ueris falsa narraret, aut certè ueris plurimum affingeret, tu illi, plena manu, ut sæpè prodigus amor est, ea quæ prorsus non agnosco, in me conferenti, pro tuo in me studio libenter & facile crederes. utinam quidem, qui uobis nunc esse uideor, is aliquando esse possim: quod quia sperare non licet, ne cur optem quidem est. Vale. Venetijs.

# LIBERTERTIUS.

Leo X. Francisco Gallorum  
Regi.



Hristophorus Longolius homo Gal-  
lus, cum tibi notus, cum uerò eti-  
am deditissimus, optimarum artium  
studijs, quibus à puero in Gallia inces-  
buerat, egregie eruditus, Græcarum litterarum faci-  
lius adipiscendarum causa Romam aliquod ante an-  
nis uenit. Quibus quidem literis mirificam operam  
triennium cum dedisset, suiq; interea ingenij & do-  
ctrinæ & planè uirtutis nomine ac morum probi-  
tate in meam familiaritatem cum uenisset, nobis  
non solum uolentibus, sed eius etiam studia stipe-  
annua

Bembus  
lib. 16. Pöt.

annua fouentibus, Patauium se contulit : ut ea quoque in urbe celeberrimòq; doctrinarum omnium ludo sese coleret. Qua in urbe ita nunc quidem proficit, omnes ut homines, quibus est ipse notus atque cognitus, est autem prope uniuersæ iam Italiæ, magna sui spe expectationeq; impleuerit : cogatq; credere, si uita ei suppetat, in maximum clarissimumq; uirum ac nostris temporibus satis quidem eruditis longe præstantem breui illum facile euasurum, uel potius iam euasisse. Quæ cum ita sint, ego autem intelligam tam docto & claro iuueni nullas opes esse, quibus se alere, suaq; studia & uirtutes non solum illustrare, quod erat profecto æquissimum, uerum ne sustentare quidem ipse per se possit : si unquam alias nunc quidem planè diligentissimè te hortor, uelis pro tua liberalitate uere regia & propenso in claros excellentesq; uiros, insigniq; doctrina præditos animo mandare atque efficere, ut primo quoque tempore aliquod eius tam singulari uirtute dignum illi sacerdotium tribuatur: quo is munere tibi deuinctus confectis suis studijs, quæ iam iamq; ut audio, conficiet, & ad te reuerti id, quod ipse in primis cupit, & tibi præclaram aliquam nauare operam commodè & pacato animo possit. Quamquam ne nos quidem interea aut nullo etiam tempore eius hominis commoda, cum se occasio dederit, sumus me hercule neglecturi, neque sanè curam, quam de illo semel suscepimus abiecturi. Id si tu, ut confidimus,

mus,

mus, curaueris, apud ipsum præclarissimè posueris. Polliceor enim tibi, ac planè recipio, te magnos ex tuo beneficio uberrimosq; fructus, sempiternæ scilicet laudis atq; memoriæ, breui tempore percepturū. Mihi autem, qui excellenti doctrina uiros præsertim cum probitate coniuncta in primis colere & diligere consueui, tam gratum feceris, ut ipse abs te in eo beneficium me accepisse sim existimaturus. Quemadmodum à legatis tuis, quibus cum ea de re loquutus sum, latius intelliges. Dat. VII. Idus April. M. D. XXI. Anno nono. Roma.

Ant. Flamineo S.

**C**VM mihi à Stephano Saulio literæ sine tuis essent Longolius lib. 3.  
 creditæ, sane commotus sum: sed tum me hercule multo magis cõturbatus, cum in extremis illis, quæ tibi non scribendi causa fuisset, legissem. effecit tamen officium tuum, quo te mihi per eius literas excusatum esse uoluisti, ut dolori, quæ ex ista tua uoletudine traxeram, nonnihil uoluptatis aspergeretur: præsertim cum nec periculum grauius ullum denunciaret, & ipsum anni tempus saluberrimum, spem mihi non mediocrem ostenderet. Itaq; mihi officium tuum scito fuisse gratissimum: sed ita ut neq; salute tua quicquam mihi possit esse antiquius, nec modo literas à te iam ullas non flagitem, sed ut de isto tuo potius in bonas artes studio aliquid remittas, etiam atq; etiam rogē. Noui naturæ tuæ infirmitatē: noui incredibilem tuam

H

in omni



in omni percipienda humanitatis uis assiduitatē. Quare si mihi quicquam credis, homini quem tute scis tibi esse amicissimum, et in alienis quidem diiudicandis causis minime stultum: da aliquid corpori, serui ualitudini: satis tibi sit, earum quas querimus rerum nosse. Et fontes et capita: rationem earum et uias ingenio tuo autore et cogitatione haud ita multa, modico certe studio consequere, praesertim qui puer in leuioribus illis artium studiis operam optime posueris, et nunc in grauioribus extrema ista tua adoleſcētia iam tantum profeceris. Infinitam istam diligentiam, et immensam lectionem nobis relinque, qui quo minus natura atq; ingenio ualemus, et in rectam disciplinae uiam tardius ingressi sumus, eo cum nos appropere opus est, magis tum uero euigilare in studio diligentius, et labores omnes sufferre possumus facilius. Volo enim mi Flamini charissime, ut cum homines ingenium, industriam, doctrinam tuam admirabuntur: laudent etiam prudentiam, qua te bene usum esse omnes iudicabunt, si ocio pariter et ualetudini tuae consuleris. Non temere hoc scribo, et ad quem scribam uideo. Cura igitur primum, ut ualeas: Hoc enim nihil mihi facere potes gratius: deinde ut de tuo ad nos reditu aliquando cogites, et Saulium nostrum eodem uoces. postea mo ut D. Saulius, si quando te uideret, et Hector noster, quem tibi semper assidere non dubito, plurimam hic sibi a me salutem adscriptam esse intelligant. Sed tibi

plus

plus omnino oneris impono, quàm per ualitudinem tuam mihi liceat. Itaq; reliqua abijce, unius tue salutarationem habe. De rerum nostrarum statu, si quid scire uoles: Saulium nostrum percunctator, ad quem uberes de eo literas misi. Etiam atq; etiam, mi Flaminii uale. Ex urbe Pat. iulio XIII I. Calen. Febr.

Ioan. Matthæo Giberto  
Episcopo Veronæ S.

**R**eginaldus Polus ea uirtute, nobilitate, & doctrina uir, qua tu optime nostri, cùm reuerteretur in Italia, pristinas (ut ego sentio) consuetudines doctorum hominum, & tuum in primis conspectum appetens, ad me diuertit: ostenditq; mihi eas literas, quas tu ad illum sane quàm amicè eleganterq; scripseras. In quibus erat quoq; mentio mei & honorifica, & multa. quæ cum iudicium tuum de me, tum multò magis studium beneuolentiamq; declararet. Ego uerò, & si subito penè aduentu illius, ac festinatione discedendi occupatus, nec temporis satis ad scribendū, nec animi habere poteram: tamen putauit esse nefas, illum ad te sine meis literis accedere. Itaque has continuo exaravi: non tam ut gratias tibi agerem, quòd me assidue in memoria haberes (et si illæ quoque iure optimo tibi à me debentur,) quam ut indicarem tibi, summam me ex illis ipsis literis tuis cepisse uoluptatem, quod me abs te intelligam amari. Quamquam

H. 2. hoc

hoc quidem minimè nouum mihi accedit, sed eius tum  
semper iucunda est cōmemoratio. In quo te arbitror  
existimare, me non posteriores in te amando ferre  
partes. Verum harum rerum affirmatio iam toties  
iterata inter nos minus fortasse in hoc tempore ne-  
cessaria est. Illum quod te magis auere scire puto, qui-  
bus ego nunc in studijs uerser uidelicet, quid mihi ha-  
beam propositum, ipse Reginaldus tibi exponere po-  
terit, qui exiguum hoc tempus, quo mecum fuit, totū  
posuit in inquirendo et percunctando, quæ mea stu-  
dendi, aut scribendi ratio, qui animus, quod consilium  
esset: Cui ego plane omnium mearum actionum cogi-  
tationumq; rationem reddidi. Sed quod mihi in eo  
magnæ uoluptati fuit, uideor cognosce in illo, cum  
summum ingenium, et excellentem in Græcis Lati-  
nisq; scientiam: tum uero summam in moribus et cō-  
gressu elegantiam atq; humanitatem. Quem hoc etiā  
nomine pluris facio, quod intellexi te ab eo incredis-  
biliter amari: usq; eò ille de te, et de tuis rebus omnia  
bus et amanter, et honorifice semper loquitur. Eum  
igitur habebis tu scilicet, nosq; in desiderio manebi-  
mus, et ipsius, et tui, et aliorum multorum: quorum  
familiaritas, et amicitia mihi et ornamento erat, et  
solatio. Sed hoc feremus, ut poterimus. Illud tibi de  
nobis persuasum esse uolumus, ut uerè apud nos per-  
petuo et memoriam et beneuolentiam tui, deq; tua  
mutua erga nos uoluntate nobis uicissim exploratum  
esse

esse. Tu ut studia ea urgeas, quæ præclara & eximia  
maximo animo es aggressus, ualitudiniq; seruias, uale  
de te & hortor, & rogo. Nihil est quod maius, aut ac-  
commodatius ad beatam uitam facere possis. Vale.  
IIII. Non. Septemb. M. D. XXXII.

Petro Bembo S.

**I**am pridem nihil scribo, quod multò auidius num-  
morū aliquid istinc expectem, quàm uos ullas hinc  
literas. sed quando desiderium tui diutius ferre non  
possum, quod quidem mihi tum deniq; lenire uideor,  
cū ad te scribo: nec tu quicquam tam longo inter-  
uallo ad me, ego scilicet ad te aliquid mittam. Fui Ve-  
netijs dies amplius quindecim, quos ipsos partim cū  
Octauiano Grimoaldo in urbe, partim cum Andrea  
Nauagerio nostro Murari summa cum uoluptate tra-  
duxi. Huius in suburbano, cū hortus ipse grato no-  
bis spectaculo fuit, ita dimensus & descriptus, ut om-  
nes tum pomarij, tum seminarij arborum ordines in  
quicuncumq; dirigantur, & exquisitissimò ambulation-  
um topiario opere latera eius decumaniq; limitis  
cameræ conuestiantur: tum uerò omnem expectatio-  
nem meam uicerunt mali assyriæ plurimæ, suis quæq;  
interuallis discretæ, & in certum quoq; ordinem di-  
gestæ: quas eundem Nauagerium nostrum paucis ante  
mensibus seuisse audiebam, atq; incredibili quadam ce-  
leritate solertiaq; ad frugē perduxisse, fructu me her-  
cule letissimo, etenim cuius aspectu nihil sit pulchrius,

Longolius  
lib. 1.

odore suauius, gustatu iucundius, uarietate aut atque  
 magnitudine admirabilius. delectatur enim etiā agri-  
 colarum uoluptatibus, sed his honestioribus: & qua  
 diligentia artes nostras colit, eadem profectō cū hore-  
 to suo rationem habet. Sed ut ad coniunctiona nobis  
 ueniam, scito ut primum Patavium ueni, perspexisse  
 me, quantum uel gratia, uel auctoritate apud Maris-  
 num Georgium ualeres. Accersuit enim ille me sta-  
 tim honorificentissimē, opesq; suas in tuenda uel sa-  
 lute uel dignitate nostra omnes mihi pollicitus est li-  
 beralissimē. facturum puto, nam de te mirifice & sens-  
 tit & loquitur, neq; a studijs institutisq; nostris tam  
 abhorret, quā uulgo hominum opinione existimas-  
 tur. Amoris erga me sui argumenta non obscura cum  
 iam dederit, tum certē ab intimis & necessarijs eius  
 ita obseruor, ut & me amari putem, & ipsius merito  
 hic tibi gratias omnino acturus fuerim, nisi omnem ex  
 nostra necessitudine gratiarum actionem sublatam  
 esse uoluisses. Velim tamen illum certiore facias,  
 cū mihi officium suum fuisse gratissimum, tum me  
 etiam sibi gratias apud te egisse diligentissimē. Atq;  
 ne tu quicquam rerum mearum ignores, eadem hic  
 nunc est uitæ ocijq; nostri ratio, quæ estate proxima  
 fuit: nisi quod aliquod noctis horas assumimus, ac per  
 anni quidem tempus iam & liberalius exercemur, &  
 in studia nostra acrius incumbimus. quæ quidē studia,  
 quæ etiā alacrius tueri possimus, da (quæso) operam,  
 ut per-

ut pecunia nobis curetur: aut certè ut intelligā, quare ad eam Flavius nondū peruenire potuerit. Iam quantam hanc epistolam ad te do, cum tu adhuc ne scedulam quidem. quinta si te oppresserit, ne mihi longi temporis usuram longiore epistola dependes. Vale.  
Ex urbe Patauio. Calen. Decemb.

## Riginaldo Polo S.

**M**agna me uoluptate tue litteræ affecerunt; quibus me ad beneuolentiam inter nos constituedam humanissimè prouocas: causasq; offers, quibus adductus id facis. Nam cum te antea diligerem; cum primum intellexissem te planè adolescentem, clarissimis atq; adeò regibus ortum maioribus, bonarum artium ardore succensum, ex ultimis orbis terrarū finibus Patauium uenisse: ut ea in urbe doctissimorumq; hominum conuentu, operam illis dares. tenererq; iam uehementi quodam studio cognoscendi et alloquendut: quanta me nunc demum esse affectum letitia existimas; cum ad id, quod spontè ipse cupiebam, inuitari me abs te per litteras uideam tam officiose, tam etiā eleganter scriptas; ut ista ipsa inuitatio tua, non humanitatis modo genere, sed etiā doctrinæ nomine eū te esse facile ostenderit: ut longè magis tua mihi quidem beneuolentia exoptanda et expetenda, quàm adhuc ipse statuerim, planè fuisse uideatur. Quod cum ita sit, accesserit autem ad id nunc etiam Longolij nostri, qui mihi tuas litteras reddidit, honorificen-

tissimè de te, tuisq; uirtutibus longus quidem, sepeq;  
 repetitus huius bidui sermo: quem ego uirè propter  
 eius excellens ingenium, singularemq; doctrinam fa-  
 cio plurimi; propter mores uiteq; probitatè frater-  
 nè amo. Complector te q; idem Pole, atq; excipio, ut  
 amanter meam beneuolentiam expetentem, certè  
 amantiissime; ut etià humaniter me ad id prouocans  
 tem. hic uerò iam non habeo, in quo tibi eque mihi  
 ipse uidear responsurus. Nam ut parem me tibi omni  
 reliqua ex parte eius uirtutis, quæ humanitas dicitur,  
 referendis officijs præbeam: certè prior iam ad te ap-  
 pellandum, cum id ipse tua diligentia præripueris, es-  
 se nullo pacto possum. Quod quidem non humanitatis  
 modo indicium magne cuiusdam, ac eximie, sed hu-  
 manitas mihi esse ipsa omnis, suo cum robore atq; ra-  
 dicibus uidetur. Itaq; cum in eo tibi concedam neces-  
 se sit; præsertim cum ipse ijs opibus, ijs propinquis, ca-  
 deniq; sis fortuna; ut etià si te ipse prior appellassem;  
 quia tamen nihil asferre potuissem eiusmodi, multò  
 sanè minus in meæ humanitatis facto, lumen eluceret,  
 quàm eluceat in tuæ: efficiam profectò, ut in reliquis  
 præstandis amicitie muneribus atq; partibus, id, in  
 quo à fortuna uincor tua, recti ac propensi erga te  
 animi mei studijs, officijs, diligentia planè sarciam.  
 Scriberem plura: responderemq; ad reliquas epistole  
 tue partes: nisi festinaret Longolius, equumq; posce-  
 ret, utpote iam sine meis ad te litteris reuersurus.

Quam

Quamobrem in aliam epistolam reliqua. Vnum hoc sic habeto; nihil mihi hoc in genere omni, præclara egregiaq; ista animi tui erga me declaratione, aut accidisse, aut accidere potuisse iocundius. Ex uilla Nephiana. Quinto Idus Iul. M. D. XXI.

Paulo Iouio Episcopo  
Nucerinæ S.

**E**T si mihi dubium numquam fuit, quin abs te sum- Sadoletus  
mopere diligerer: tamen & literæ tuæ plenissi- lib. 5.  
me amoris atq; officij, & ea quæ tuis uerbis Polus ad me detulit, quæq; ipse præterea commemorauit de te, planius mihi ostenderunt, tibi esse cordi & quietem & dignitatem meam: atq; ea quæ quotidianis ex lubricationibus à me proficiscantur, pluris à te æstimari propter amorem, quam fortasse digna sint. Quam ego tuam erga me uoluntatem, ne uiuam mi Paule, nisi omnium rerum habeo charissimam. Nam cum tu singulari doctrina, uirtute, eloquentia præditus, is uir sis, ut tuum de quoq; iudicium maximi fieri debeat: tum uerò incredibilis illa comitas, & quedam rara iucunditas, quæ tibi à natura data atq; insita est, facit ut nihil te fieri possit amabilius. Ex quo facile potest existimari, quantum ego mihi ornamentum in tua amicitia esse constituam: cum & propter ingenij & doctrinæ præstantiam, me ornare, & propter humanitatem suauitatemq; naturæ delectare etiam possis:

H 5 non



non nolis aut utrunq; cuius quidem animi tui erga me plura habeo indicia ac testimonia. Sed accidit præteritis temporibus, ut cum & tu meam consuetudinem appeteres, & ego tuæ essem sitientissimus, potentioribus tamen concedere fuerit necesse, qui te totum sibi arripuerunt; cum tamen inter nos salua semper manserit amicitia coniunctio. Non enim ego unquam permisi, neq; permissurus sum, ut tu in amore me uincas. Multa me adducunt, ut neminem te pluris faciam, paucos pari atq; te beneuolentia prosequar. Sed eo nihil est ad meū uinciendum animū arctius, quod me à te amari intelligo. Eius rei duo signa habeo certissima: unum, quod locorum distantia non imminuit beneuolentiam: alterum, quod me tuis quotidie scriptis condecoras. Quæ si hoc solū afferrent, ut testificarentur te de me sepius cogitare, ferreus nimirū essem, nisi te amarem afflictim, ferremq; assidue in oculis. Cum uero scripta tua eiusmodi sint, ut immortalitatē mihi polliceantur: quid aut tuo in me officio maius, aut meq; in te beneuolentia debet esse flagrantius: quam ostendam equidem tibi aliqua in re, mihi, crede: & si defuerint cætera, eodē te genere remunerabor: euentu fortasse impari, pari certe studio ac uoluntate. Itaq; & alia tantisper studia intermittā, sicuti tu mihi suades, et ad philosophiam me referam, quemadmodum idem tu mihi es autor: omnibuscq; in rebus tuo iudicio atq; consilio utar libentissimè. Utinam liceret uobis esse

una,

unā. Sed quando diuersis non solum locis, sed etiam opinionibus remoti absumus, quod ego in portu libenter maneo, tu illis adhuc undis et fluctibus delectaris: epistolis misitandis inter nos assequamur, ut nunquam non unā esse uideamur. Quod te oro mi Paule suauissime, ut in eo me non deseras. Nihil mihi potest esse dulcius, quā aut loqui tecum, quod iam creptū est: aut tuas legere litteras, in quo mihi morem gerere tuæ est potestatis. Quapropter tu qui omnes uenustatis atq; humanitatis articulos tenes, noli pati (obsecro) me hac tanta & tam exoptata uoluptate tuarum literarum carere. Vale. & nos dilige, tibiq; persuade te à me mirabiliter amari. Carpentoracti.

Gulielmo Budæo S.

**Q**Uod me de Longolij patrocinio Romæ suscepto tantopere laudas, equidem iuuenem incensum bonarū artium studijs, eaq; causa domo tam longinqua profectū, ac nil aliud dies ac noctes, non modo agentem, sed ne cogitantē quidem: optimis præterea moribus, excellēti doctrina, summo ingenio, incredibili studio præditū, ab inuidis neq; infimis hominibus nefariè circūuentū, unā cū uiro grauissimo omnibusq; uirtutibus, omni disciplinarum genere, omni cultu literarum nostra ætate longè præstanti Iacobo Sadoleto collega meo, eodemq; mihi uetere beneuolentia, cōsuetudine, studijs, sententijs, uoluntate, tota daniq; uita consociatissimo, alijsq; permultis libentissime, atq; etiam

Bembus  
lib. 5.

etiam multò uerius cupidissimè defendi. Tametsi eo tempore aduersa ualitudine implicitus uoluntatem in eo defendendo adoremq; animi, quantum par erat, adhibere fortasse potui diligentiam, industriam, laboremq; non potui. Sed res ipsa & causa eiusmodi fuit, ut non sim tam laudandus, quòd Longolio affuerim, quàm essem improbandus, si desuissem. Valde tamen gaudeo meum in eo studium atq; officium tibi magno & præclaro uiro gratum optatumq; accidisse. Quod uerò etiam propterea tuam sim beneuolentiam consecutus, uideo meæ me non multæ operæ maximum uberrimumq; fructum percepisse. Reliqua puto te cognouisse ab ipso Longolio, cuius aduentus eo nobis gravior fuit, quod nihil de illo ad nos aliquod iam menses afferebatur. Eius ego consuetudine & conuietum, tum doctrina & studijs mirabiliter delector. Quid dixi ego: est iam in oculis nostrorum ciuium non modo priuatorum, sed planè etiam Senatus principumq; ciuitatis. Itaq; habet quosdam præstantis ingenij literisq; interioribus eruditos uiros, quibus cum est ferè quotidie, utiturq; ijs ualde familiariter: inuistur à multis, amatur ab omnibus. Huius autem quod reliquum est, hyemis nobiscum, ut arbitror, conficiet rogatu meo, & simul quod ei potestas facta est à bibliotheca, quam publicè magis illam quidem instructam atq; uberem, quàm propositam & explicatam habemus, quos uolet libros promendi. Nam cùm sit in eo,  
ut de

ut de Catone scribit Cicero, inexhausta aviditas legendi, sitq; is quasi librorum helluo, libri ipsi præclari atq; multi, breui exaturaturum sese illum in legendo non puto. Quanquàm de his, deq; tota ratione studiorum suorum non dubito, quin te ipse diligenter reddat suis literis certiore. Qui & si omnibus in sermonibus, colloctionibus nostris me mirificè semper delectat, suavisimèq; detinet, nullis tamen de rebus illius sermo tam mihi est iucundus, quàm de te, quod quidem fit planè sæpius, sed hæc malo te ab illo. Tu si me tibi esse amicissimum existimabis, quæq; à coniunctissimis expectantur proficisci q; solent, ea tibi de me pollicèrè, non fallam opinionem tuam. Est enim ut tibi non assentior, ut existimem fieri non posse tu mihi indigenti cuiuspiam regi copiam facere possis, in quo tamen uerborum tuorum modestia sum delectatus, sic arbitror posse accidere, ut mea beneuolentia meaq; opera tibi quoq; usui sit futura. Quod si accidet me in ære tuo esse, ut existimes, te etiam atq; etiam rogo. Vale. Venetijs. I. Non. Ianu.

Simoni Villanouano S.

**P**Ergrate mihi fuissent tuæ literæ, si quàm nobis Longolius  
 luculentè ingenij tui elegantiam expresserunt, lib. 2.  
 tam iucundum de uitæ tuæ rationibus nuncium attu-  
 lissent. Sed id & antiquum est, & haud scio an etiam  
 fato literarum quodam comparatum, ut quo quis in-  
 genuas

genuas artes complectatur studiosus, hoc fortunæ fluctibus iactetur acerbius. Hæc enim, ne forte nescias, mihi tecum est communis querela. nam etsi ipse nulla insigni, ut tunc quidem est, rei familiaris inopia premor, illud tamen eiusdem fortunæ iniuria commissum esse uideo, ut ea sit rerum mearum tenuitas atq; angustia, ut tibi ista spe, ista probitate adolescenti, auxiliū meum imploranti, non dico non opitulari, quod ipsum per se miserum est, sed uix benignè quicquam polliceri possim. Ego enim, quod te satis intelligere existimo, pari literarum studio incensus & afflictus procul à patria uitam ago, non me iam, aut quod par erat, meorum, sed planè alienis opibus casus meos sustentans. Verum quando nemini uni omnia Deus concessit, nec ego quicquam ocio nostro esse ducam uel iucundius, uel honestius, facile patior apud ceteros plus opum residere. mihi certè nunquàm in mentem uenit istorum, cuiquam inuidere, quorum abs te insolentiam & iactationem ferri posse negas. Idem ipse de te censeo statuas, nec te inanibus istis curis conficias. paruo tibi ad tuenda studia tua sumptu opus est, is autem nusquam homini studioso & frugi deesse potest. Sed ad epistolam tuam: in qua quod te mihi de literarum tuarum silentio tam multis uerbis purgares, nihil sane necesse fuit. Quam enim ipse mihi in eo scribendi genere legem dixi, hanc ceteris quoque omnibus dictam uelim: ut cum denique literis, cum

id. vel

id uel nostra, uel amicorum intersit, utamur. Reliqua  
epistolarum genera, etsi me non parū delectant, præ-  
sertim quas homo neq; stultus neq; infans conscripse-  
rit, ea tamen ab amicis non magnopere exquiro, quo-  
rum officium ad mutuam animorum uoluntatem, non  
ad inania hæc studia, semper reserendum esse iudica-  
ui. Sic igitur facies, & per me quidem tacebis cū uo-  
les, & quandiu uoles: ita tamen, ut mihi literarū tua-  
rū sermo cessatione gratior sit futurus: sed ea, ut dixi,  
conditione, ne tu in eo parē à me uel gratiā expectes,  
uel diligentia. Vix enim credas, quā mihi in tāto ocio  
scribūdis literis parū uacet. Quod porro te nobiscū  
uiuere uelle ostēdis, est id mihi quidē gratissimum: sed  
quia te ea in re inuare possim, hoc tēpore, non planē  
uideo. Persequar tamē uias omneis, ut mihi consuetu-  
dinē tuā in optatis maximē fuisse aliquando intelligas  
quanquā id te iam intellexisse literæ tuæ significabāt.  
& certe ita est. Amaui te quo primum die cognoui,  
spectauiq; ex eo tempore semper, quemadmodum no-  
bis de studiorum nostrorum rationibus inter nos cō-  
mentari sæpius liceret: uerum nescius quid tu ea in re  
animi haberes, curauī id scilicet ad huc lentius, quā  
animorum nostrorum coniunctio postulare uideatur.  
Nunc etsi mihi consiliorum tuorum rationes signifi-  
casti magis, quā explicuisti, tamen uidebimus dili-  
genter aliquid, in quo sit tum, certa tuendi ocij tui fi-  
des (hoc enim mecum agere uideris) tum eius quam  
mihi

mibi tecum intercedere uelim consuetudinis explorata facultas. Tu fac interim animo sis magno, ne quicquam esse putes tanti, quod studiorum tuorum iter interrumpat. Quæ nunc iacet afflictæ, emerget, mibi crede, aliquando uirtus. Vale. Ex urbe Patauio, Nono Calend. Iun.

Octauiano Ferrario, Mediolanum.

Manutius  
libro 10.

**M**I Ferrari, si me tantum amas, quantum profecto amas; gratulari te mihi æquum est, quod exoptatæ diu patriæ compos denique factus post annos deceni, tenui fortuna contentus ita uiuo, ut Regum opes honoresque contemnam; carebam otio, studiis, rebus multis ad meam naturam aptis: quæ mihi nunc omnia Dei benignitas restituit: ipsaque fruor eo suauius, quo fit usus desiderij diuturnitate iucundior. Si quid præterea non tam de meo, quam de meorum statu scire uis, ut ferè, qui amant, curiosi sunt omnes, hæc accipe: Vxor et filius in urbe, commoda uterque ualitudine, illa rem domesticam, hic officinam, emendandorumque librorum curam administrat egregie. Mihi tædio diutine commorationis urbanæ, rusticari uehementer placet, quo primum afflictæ diuturno morbo ualetudini consulimus: et inbecillo corpori uires addimus; deinde quasi quibusdam exsolutis uinculis, liberè uagatur, et uoluptate pascitur animus honestissima: nullis hic angimur curis, nullis implicamur negotijs: licet id quod antea nunquam licuit, prorsus

prorsus nihil agere, si uolumus: & quod licet, sepe  
 uolumus, nam uehi curru, oppida inuisere propin-  
 qua, amicorum uillulas obire, conuiuari etiam inter-  
 dum, suauissimisq; epulas condire sermonibus, hoc ip-  
 sum uoco nihil agere. quamquam qui ualetudine parū  
 firma, operam dat, ut suauiter, iucundē, & honestē si-  
 mul uiuat, is profectō nihil agere mihi non uidetur.  
 Sed in hoc tamen uitæ genere libros, communes deli-  
 cias nostras, abiēcisse me penitus, nolim existimes, no-  
 biscum ubiq; sunt, comites numquā molesti. loquen-  
 tes, silentes, cū uolumus, quoad uolumus: & quam-  
 quā ueteris morbi reliquiæ quædam supersunt, &  
 uires adhuc languent; quiddam tamen aggredi sum au-  
 sus: quod si, ut spero, absoluam: & si ut principia se-  
 dare uidentur, ita procedat industria, uel à te proba-  
 bitur: ( à te cum dico, qui subtiliter & sincere iudi-  
 cant, simul omnes intelligo. tu enim is es, quem nec  
 opinio fallat, nec uoluntas à ueritate detorqueat ) uel  
 quin me putes omnis expertem ingenij, nec de mea,  
 nec de cuiusquā omnino facultate statuere, & exis-  
 timare quidquam posse, non recuso. Locus ipse me  
 uacuis interpellatoribus, & hæc uiuendi arbitratu  
 meo, rerum omnium dulcissima, optata antea potius,  
 quam sperata libertas inuitauit, ut ordire id, quod,  
 nisi sedem hic statuo, aut certē nisi in hoc secessu, &  
 in hac pæne solitudine ( nam si cum urbe conferatur,  
 quamquam celebre satis oppidū, solitudo tamen quæ-  
 dam



dam uideri possit) maiorem anni partem consumpsero, uereor ne serò admodum, fortasse etiam pertextere numquàm liceat. opus est, nec temporis nec laboris exiguit; Tempus hic, ut uideo, deesse non potest: laborem communis utilitatis gratia, numquàm adducar, ut fugiam: interim tamen, superiore periculo admonitus, operæ curæq; plus in ualetudinem, quàm in studia conseram. Vale. Ex opido Plebe Sacci, V I. Idus Nouemb. M.D. LXX.

### Gregorio Cortesio S.

Longolius  
lib. 1.

**Q**Uod posteaquàm in Italiam redij, nihil ad te litterarum dedi, id profectò neq; obliuione tui factum est, qui etiam si uelim, tui tamen obliuisci non possum, ita frequens & iucundus nobis hic est de te quotidie sermo: neq; sanè quin esset, quod per literas tecum agere uellè, sed quòd ea erant in manibus, quæ nec literis, nec cuiuis rectè committi possent. Rem tenes, genus tabellariorum nosti. Nunc aut cum rationem ad re tuto scribèdi inierim, scito mihi magis magisq; quotidie de rationibus tuis cogitanti, non iam placere ad rem, ea quam tibi istic ostenderam uia aggreddi, ne si quid offendatur, iniquorum sermonibus detur locus, quos uel minima re ad deridendum conuictos fore uideo: sin ut uolo & opto cadat, nè rem mali exempli instituisse, nec tam doctrinæ studio, quàm religionis odio eò confugisse existimemur. Quinetiā  
non

non possint multorū sustineri causæ, si tibi quod pos-  
 stulas à Pont. Max. unī concedatur: nec tu nō temerē  
 de iudicio principū tuorū aut iudicasse aut desperas-  
 se, qui rem tam honestā ab eis non petendā esse duxis-  
 set. Huc accedit grauis illa inter uos, & Pont. Maxi-  
 mū controuersia, ut ne si exploratum quidem sit illius  
 nos compotes fieri posse, tamen uelim hoc tēpore, ne  
 ordinem deseruisse, uel etiam data occasione turpiter  
 transfugisse potius, quam studijs nostris præsidium  
 quæsiuisse ullum, uideamur. Equidem cum nostra plu-  
 rimum interesse arbitror grauitatem ut tueamur, nes-  
 que tam docti quam boni ueri hominum opinione ha-  
 beamur: tum uerō te non omni solum cupiditate, sed  
 omni etiam cupiditatis suspicione carere uelim. Nec  
 enim nescis, tametsi uoluntatem ea in re tuam, qua-  
 si ambitiosam & inanem bonus nemo reprehendere  
 possit, quā tamen difficile sit, his præsertim mori-  
 bus, consiliorum nostrorum rationes uulgo probare.  
 Atque si Romæ nunc essem, ipse tibi negotium nullo  
 maiore negotio per me conficerem, operam quidem  
 profecto, studium, consilium, fidem, rem deniq; meam  
 in eo tibi diligēter nauarem. Absens rem tantam per  
 interpretes moliri sine periculo qui possum? Itaque  
 ne per Sadoletum quidem nostrum quicquam mihi  
 conandum arbitror, præsertim cum crebris amicorū  
 & ipsius maxime Sadoleti literis Romam uocer, quo  
 si me aliquando contulero, omnes uias persequar,

quibus ad id quod cupis peruenire posse putem. Sed audi casum plane diuinum : scribente me hæc ipsa anxie, repente nuncius, rem in conuentu uestro ex sententia nostra confectam esse : habere iam te omnium munerum uacationem : tantum sodalitatis tuæ studio sis omnibus ocij publico patrum decreto impertitū, quantum tu uix uel per nos, uel à Pont. Maximo consequi potuisses. Quid quæris ? Sustuli manus, neq; à consilio & deliberatione ad gratulationem totū conuertere : præsertim qui eam rem non modo facultatem apud tuos habuisse, quod uel ipsum plane desperabā, sed summo etiam totius conuentus assensu comprobata fuisse perspicerem. Quapropter fructu isto mihi Cortesio ocio: quo nihil neq; tibi accommodatius, neq; sodalitati tuæ ornatius, neq; nobis amicis tuis iucundius contingere potuisse iudico. Vale ex urbe Patavio. IIII. Calend. Iun.

Camillo Paleotto Bononiam.

Manutius  
lib. 10.

**P**utasti ne umquàm fore, ut ego me Romanorum occupationum è uinculis eximerem : certè factū uides. nec mihi uenit in mentem eius consilij poenitere: quin quotidie magis gratulor, quod illa reliquerim, hæc sum adeptus: quod ab omni cura liber otio fruar honestissimo: quod ea nunc deniq; studia recolare mihi liceat, à quibus disunctus tot annos uixi, uel potius plane non uixi; quæ enim potest esse uita sine litteris & ualeat ambitio, & sucatus opum splendor; nihil

nihil est quod eum suauissima librorum consuetudine  
conferri iure possit, qua mente cum essem, commisi  
tamen, ut aliter sensisse uidear, cum sententiam num-  
quam mutauerim. nam ad urbem Romam eo quidem  
consilio sum profectus, domesticis ut rationibus con-  
sulerem, simul tamen id spectans, ne delicias meas op-  
timarum studia doctrinarum prorsus deferem. aliter  
accidit, quis me accuset inconstantiae, uicit meam uo-  
luntatem potestas eorum, quibus, ut equum est, non  
minus libenter, quam necessario, parui. sed mitto prae-  
terita, quasi enim, ea dum attingo, uulneris obductam  
cicatricem renouo. Hic me propinqui, familiares, noti  
pariter atque ignoti, redeuntem exceperunt uoluptate  
summa. Urbem priuatis aedificijs elegantior, et  
publicis operibus magnificentior, quam reliqua  
ram, inueni praeterea, quamquam ardente bello, flo-  
rentem ut in summa pace rebus omnibus, quae uel ad  
usum corporis, uel ad animi delectationem pertinent:  
quo dolore interdum, ac pene mihi succensere cogor,  
qui tot bonis, tanta tranquillitate, tanto etiam nobis-  
simum uirorum erga me amore tam diu me carere sum  
passus. lucri tamen id factum est, quod, nisi hinc dis-  
cessissem, diuque absuissem, haec ipsa profecto, quibus  
nunc ex interuallo recuperatis iucundissime fruor,  
numquam omnino, quanti essent, intelligere potuis-  
sem. Itaque est, cur immortalis Deo gratias agam, habe-  
amque maximas, quod mihi occasione grauissimi mor-

bi,missionis à Pontifice petendæ, ipsiq; Pontifici concedendæ mentem attulerit. alioqui nec satis decorum putassem, nec unquâ omnino cõmississem, ut ante pãtãm diem negocium publicum urbemq; relinquerem. In discessu commoda quædam sperabantur: nec defuit intercedentiũ dignitas, auctoritas, gratia; ratio temporum est aduersata, Pontifice natura liberalissimo, Turcicum bellum, & presentis futuriq; sumptus necessitatem excusante. mirum id uideri nonnullis, ego, qui propemodum id, quod accidit, opinione iam præceperã, non sum commotus, ipsoq; missionis impetratæ munere contentus, cætera non dixerim equidem contemnens, sed certè non maximi pendens, otij cupidus, nihilo latior discessi. Nunc habeo cum ualetudine negotium, eius enim morbi, quo me scis, Romæ dum essem, nec parum diu, nec leuiter laborasse, molestæ admodum reliquæ sunt. sed, ut spero sublati iam causis, quæ morbum & pepererant, & alebant, sedulitate, ac fideli meorum cura, adiuuante etiam huius celi, quod in lucem editus primũ hausi, benignitate, breui, omnino conualescam. Tu interea fac ne officium desiderem literarum tuarum. Vale. Venetijs.

Bapt. Egnatio S:

Longolius  
lib. 4.

**M**isit ad me literas tuas hodie Romulus Amasæus, iucundas illas quidem mihi & expectatas, sed eo sanè tempore à te scriptas, cum hic de Villano iam confecissemus. Collocatus est enim à nobis  
apud

apud adolescentem quendam cum honesto in primis loco natum, et optimis deditum studiis, tum eo etiam fortunæ splendore ornatum, et sic erga Villas nouanum animatum, ut utrique optime consultum arbitremur. Quamobrem cum iam nihil est quod eius causa labores, tum uero tibi et meo et ipsius Villanouani nomino gratias ago, quam possum maximas: non de eo solum, quod mea causa in eum contulisti, et studij et officij, sed de tua quoque ad eum suscipiendum, si res coegisset, uoluntate, quam mihi per literas tuas humanissimè atq; liberalissimè detulisti. Equidem, et si domo tua non est usus, tamen quia eam illi patere uoluisti, perinde me tibi astrictum iudico, ac si apud te uixisset. Quod autem tua interiore epistola grauiorem te mihi aduersarium constituit, quam ij fuerint ipsi, qui me Romæ indignissimè diuexarunt: iocaris tu quidem in eo acutè, nec amicè minus, quam oportune, qui nunc deniq; lite secundū me à Senatu, P. Q. R. honorificètissime data, in capitis iudiciū me tam longo interuallo retrahas, et unus ex omnibus iugulum hostiliter petas meum. Sed nihil agis. Veritas multorū gladijs peti potest, iugulari non potest. Nec enim quod tibi quasi telum acerrimum sumis, ingratum in patriam uideri possum, qui me Macliniensem semper et ubique sum professus, ea que de Maclinia ornamentis et tum prædicaui, et postea scripsi, quæ perpetuo mee in patriam charitatis testimonio

bi, missionis à Pontifice petendæ, ipsiq; Pontifici concedendæ mentem attulerit. alioqui nec satis decorum putassem, nec unquā omnino cōmississem, ut ante pātam diem negotium publicum urbemq; relinquerem. In discessu commoda quædam sperabantur: nec defuit intercedentiū dignitas, auctoritas, gratia; ratio temporum est aduersata, Pontifice natura liberalissimo, Turcicum bellum, & presentis futuriq; sumptus necessitatem excusante. mirum id uideri nonnullis, ego, qui propemodum id, quod accidit, opinione iam præceperā, non sum commotus, ipsoq; missionis impetratæ munere contentus, cætera non dixerim equidem contemnens, sed certō non maximi pendens, otij cupidus, nibilo latior discessi. Nunc habeo cum ualetudine negotium, eius enim morbi, quo me scis, Romæ dum essem, nec parum diu, nec leuiter laborasse, molestæ admodum reliquæ sunt. sed, ut spero sublatæ iam causis, quæ morbum & pepererant, & alebant, sedulitate, ac fideli meorum cura, adiuuante etiam huius celi, quod in lucem editus primū hausi, benignitate, breui, omnino conualescam. Tu interea fac ne officium desiderem literarum tuarum. Vale. Venetijs.

Bapt. Egnatio S:

Longolius  
lib. 4.

**M**isit ad me literas tuas hodie Romulus Amasæus, iucundas illas quidem mihi & expectatas, sed eo sanè tempore à te scriptas, cum hic de Villæ nouano iam confecissemus. Collocatus est enim à nobis  
apud

apud adolescentem quendam cum honesto in primis loco natum, et optimis deditum studiis, tum eo etiam fortunæ splendore ornatum, et sic erga Villas nouanum animatum, ut utrique optime consultum arbitremur. Quamobrem cum iam nihil est quod eius causa labores, tum uero tibi et meo et ipsius Villanouani nomino gratias ago, quam possum maximas: non de eo solum, quod mea causa in eum contulisti et studij et officij, sed de tua quoque ad eum suscipiendum, si res coegisset, uoluntate, quam mihi per literas tuas humanissimè atq; liberalissimè detulisti. Equidem, etsi domo tua non est usus, tamen quia eam illi patere uoluisti, perinde me tibi astrictum iudico, ac si apud te uixisset. Quod autem tua interiore epistola grauiorem te mihi aduersarium constituit, quam ipsi fuerint ipsi, qui me Romæ indignissimè diuexarunt: iocaris tu quidem in eo acutè, nec amicè minus, quam oportune, qui nunc deniq; lite secundū me à Senatu, P. Q. R. honorificètissime data, in capitis iudiciū me tam longo interuallo retrahas, et unus ex omnibus iugulum hostiliter petas meum. Sed nihil agis. Veritas multorū gladijs peti potest, iugulari non potest. Nec enim quod tibi quasi telum acerrimum sumis, ingratum in patriam uideri possum, qui me Macliniensem semper et ubique sum professus, ea que de Maclinia ornamentis et tum prædicaui, et postea scripsi, quæ perpetuo mee in patriam charitatis testimonio



fore non despero. At Gallus uideri mauis quam Ger-  
manus. Ne istius quidem unde coniecturam ducas, ui-  
deo. tu quidem certe nihil affers, cur ita tibi uideri  
debeam. Sed nec casane res ad Macliniam quicquam  
pertinet, quæ siue Gallie attribuitur, siue Germania,  
nihil inde obscurior sit, aut illustrior. Non enim ullo  
nationis et circumfusarum gentium nomine clara est:  
sed tum ciuium suorum uirtute atq; gloria, tum ipsius  
urbis elegantia et amœnitate celebris hominum me-  
morie atq; beneuolentia commendata est. Carolus  
quidem Caesar inter tot regnorum nomina, inter tot  
imperij titulos, Maclinensem principem sese inscri-  
bit, idq; more maiorum qui eam quasi nullius provin-  
cie regionibus circumscriptam, numero semper exea-  
merunt, et unde finitimæ gentes omnes ius peterent,  
esse uoluerunt. Ac profecto sic se res habet, quemad-  
modum in altera defensionum mearum oratione dispu-  
taui. Dijudicari uix potest, Germaniæ Maclinia sit, an  
Galliæ. Facit lingua, imperium, uulgi opinio, ut Ger-  
maniæ adscribenda uideatur: rursus hominum inge-  
nia, mores, uictus, uestitus, ac ille gentium omnium  
celebratus monumentis Galliæ ac Germaniæ limes  
Rhenus, eam Galliæ adiudicat. Quæ quidem mihi cau-  
sa est, ut utriusq; honestissime cupiam, et hos bellorum  
motus inter eos componi exoptem potius, quam alter  
ros cum aperta Reip. Christianæ perniciæ uincere  
aut uinci. Sed ad id redeo, quod ais cecos fuisse aduer-  
sarios

sarios meos, qui illud de duabus sellis uiderint. Viderunt Egnati, & in altercatione etiam mihi obiecerunt: sed contra atq; tu. nam cum à me quærerent cuius iatis essem, qui nec Gallus nec Germanus essem: ita occurri, ut me & Gallum esse & Germanum dicere. hic de duabus sellis cum nescio quid illi cauillarentur, etiam tribus me sedere dixi, qui præterea Romanus iam essem, hoc illis non ferentibus, & os hominis clamantibus: respondi, quod negare non poterant, Mundanum esse me, & patriam à me eam duci meam, ubi cunq; & mihi & uirtuti locus esset. Atq; ita sane est: ciues meos eos numero omnes, quicunq; nec à pietate Christiana, nec à literis nostris abhorreant: nec tum Roma tam de adipiscenda ciuitate condenti, quæ nec opinandi & absenti delata esset, quam ne improborum quorundam hominum conspiratione ex ea turpiter eijceret. Hæc ad te scripsi paulò uerbosius fortasse, quam tu uelles: sed in eo te offendi, quod longiori illi tuæ disputationi plenius responderim, tu me uoluntatibus posthac obruas tuis licet. Vale, & me, quod facis, ama. Patauij. Tertio Non. Mart.

Francisco Richardoto Episcopo  
Atrebatensi.

**C**um antea tibi, ex hominis mihi amicissimi, tuiq; Manutius  
studiosissimi, singularis uiri, Octauij Pantagathi lib. 6.  
sermone tribuebam plurimum, ac te nondum mihi de  
facie notum, colere tamen & diligere non uulgariter

coeperā: tum uerò, ut legi orationē tuam, nuper habitam in Synodo Cameracensi, qua nescio an quidquam adhuc uiderim præstantius, dici uix potest, ad meū de te iudicium, quantum etiam ad amorē accesserit. Vidi enim, ut in tabella pictam, atq; expressam, ingenij, doctrineq; tuæ imaginē excellentem: quam intues, amore tui sum incensus incredibili, sic, ut ardētius esse nihil possit. & quamquā assiduis distinebar curis, seci tamen, studio scilicet impulsus, ut his tibi litteris aliquā uoluntatis in te meæ significationem darēm. nam, etsi tu is es, cuius uirtutes, quasi pleno theatro spectatae, iam ita notæ sunt, ut nec augeri cuiusquam præconio, nec minui uituperatione possint: me tamen ita animatum esse uelim existimes, ut, cum multi certatim te ornent laudibus, ego tamen in eo uel principatum appetam, uel superiorem certè feram neminem. Nam quod te de studijs meis non pessimè sentire, & Ioannes Richardotus, præclaraiuue-  
dole iuuenis, natus ad omnem laudem, planeque te auunculo dignus, affirmat, & litteræ tuæ, ad illum scriptæ, significant: Valde triumpho atque istam opinionem, mihi credo, beatorum hominum copijs, atque opinionibus non comparo solum, uerum etiam antepono, quid enim optabilius, quam ijs placere, quorum uirtus, & uita, tum principibus uiris, tum etiam populo placet uniuerso? quid autem accidere cuiquam possit illustrius, quam ad te laudari, qui ita  
uiuus

uiuis, ut nihil agas, nihil expetendum putes, nisi cum  
eximia laude coniunctum: notum enim genus est insti-  
tutorum tuorum, nota industria, notæ curæ pro salu-  
te animarum uel tuenda, uel recuperanda. Scimus quos  
ex ingenio tuo fructus Arrebates tui partim iam cola-  
ligant, partim etiam expectent: dicerem, nobis inui-  
dentibus, si aut in Christianum inuidia caderet, aut ex  
eo genere uirtus esset, quæ non longè distribui, non  
communicari passim facile posset. quod cum ita sit,  
non committam tamen, ut te horter, ut ad nos quoq;  
tua scripta peruenire uelis. quod enim publicè pro-  
futurum uidetur, in eo neque cuiusquam hortationi  
bonitas tua, neque consilio prudentia locum relin-  
quit. Læabor potius, quod ea sis & uoluntate & uir-  
tute præditus, ut optimè de Christiana Rep. mereris,  
eamq; miseris temporibus labefactatam confirmare  
maximè possis; quo facto inibis maximam gratiam ab  
omnibus bonis, tibiq; perennem gloriam, & ex quæ  
summis meritis proposita sunt, præmia cōsequeris. A  
me uelim, si quid tua, tuorumq; causis præstare pos-  
sim, quamquam tu firmus ab omni re sis, & quam ego  
imbecillus, intelligo: ueruntamen, si acciderit, ut uel  
amplitudini, gloriaq; tuæ, uel eorum, qui tibi chari  
sunt, commodis seruire possim, expectabis eadem à  
me, quæ soles ab ijs, quorum ualde cognitam habes fi-  
dem, beneuolentiam, obseruantiam. dabo operam  
& assequar, ut spero ut opinioni tuæ officia mea  
respons

respondeant. Studium quidem, si res poscet, extabit eiusmodi, ut nec obscurum esse nec mediocre uideri possit. Vale. Romæ. Prid. Idus Septemb. M.D.LXV.

Nicolao Draconi. S.

Longolius  
lib. 4.

**I**Am literas tuas desiderare incipiebam, cum mihi oportune ad IX. Cal. Sextil. epistola est à te reddita, in qua illud mihi sanè iucundū fuit, atq; haud scio an etiam iucundissimum, quod te M. Tullij Cicero-ris studiosiorem iam factum esse cognoui. Certe enim non modo quadam aspersisti, quæ mihi eiusce rei significationem darem minimè obscuram, sed etiam genere toto Ciceronianum quiddam mihi uisa est redolere. Laudo consilium, ac simul te pro mutuo inter nos amore, ad eius scriptoris lectionem etiam atq; etiam uehementer cohortor, uel currentem potius incito. Etenim si latina lingua non iam domestico, aut forensi ullo usu, sed tacita quadam mutuorum doctorū consuetudine percipienda est: cui nos tandem potius ad discendum demus, quam illi qui omnium ætatum iudicio habitus sit omnium eruditorum eloquentissimus, eloquentium eruditissimus. Equidem sic ipse statuo, primum fieri non posse, ut quis cogitata sua præclare satis & ornatè latinis uerbis complectatur, qui non Ciceronis scripta diligenter & attentè perlegerit. Deinde eum qui illius libros multum & studiose uoluerit, si quidē mediocri aliqua sit prudentia præditus, ea ipsa multis aliquando fore admirabilem: sin modica

modica uel etiam exigua tinctus, sic tamen inuenta  
sua literis mandaturum, ut in his nihil neq; puditum,  
neq; ineptum à quoquam deprehendatur. Nec enim  
ego Ciceronem ex ea solum parte solitus sum mirari,  
quod accurata quadam orationis ubertate & copia  
omneis, qui unquam usquam floruerunt oratores fa-  
cile superarit: sed quod ea sit, tum in excogitando in-  
genij subtilitate, ut nemo acutior, tum in collocandis  
& distribuendis rebus prudentia atq; iudicio, ut nihil  
ne fingi quidem possit cautius atque omnino aptius.  
Huc accedit non iam humana illa sed plane diuina  
quedam orationis forma, quæ cum elegantia et digni-  
tate sit præstantissima, tum uero ea est facilitate atq;  
uenustate condita, ut quæ grauissima sunt & ornatissi-  
ma, & certis numeris studiosus astricta, illaborata  
tamen & simplicia & soluta liberius fluere uidean-  
tur. Hunc tu igitur, quod facis, & admirabere in pri-  
mis, & quoad eius fieri poterit, etiam imitabere. Ut  
enim nulla eius laudem consequare industria, magnū  
tamen id erit & egregium, quod assequere, si optimo,  
quamuis magno interuallo, fueris proximus, aut etiā  
in tertijs, atq; ad eo in quartis constitueris. Sed aliò de-  
lapsus sum, qui ad literas modo tuas rescribere in ani-  
mo haberem. Non potui scilicet facere, quin tibi pau-  
lo uberius explicarem, quam mihi in Cicerone perse-  
quendo consilium probaretur tuum. Ergo ad literas  
tuas: in quibus quod ais Fulvio mihi autoritate tua  
fuisse

fuisse opus, idem ille mihi quoque scripsit. qua ex re duplicem cepi uoluptatem, & quod tu ea molestia caruisses, (molestum enim tibi scio futurum fuisse, tum in urbem uenire hoc tempore, tum uero magis ab institutis studijs tuis abduci) et quod affines illi tui, sese fratri suo æquos & faciles præstitissent. Verum tamen est quod tibi gratias nihilominus agam, qui te mea causa omnia fuisse facturum, & adhuc esse, si res coget, ostendas. Fuluium ipsum uelim in hac studiosæ uitæ uoluntate oratione tua confirmes, confirmatum & uiatico instructum ad nos primo quoq; tempore remittas. Nam tu quidem, si sapis, ex istis locis migrabis numquam, qui eam istic degas uitam, præ qua meum mihi iam ingratum sit ocium: de quo tamē uix credas, quam ipse me beatam aliquando existimarim. Auium concentu è lectulo ad literas mane excitari: à libris circum florida præta, circum amœnissimos colles oberrare: ab ambulatione, conuiuiis istiusmodi & sermonibus perfrui, dum calor se frangat, aut in opaca suauiter umbra meridiari, aut altiore in loco, leuioribus balistis & scorpionibus certioris dexterae & obtutus periculum facere. Inde admissis equis ad uenandum exire: postea se in bibliothecam addere, ubi lectioni modum nō facietas, sed ratio ipsa statuatur. Adijcis ad hæc lautas & magnificas nescio quas canas, ab ijs uerò ipsi molliores quasdam ambulatiunculas & literatas colloctiones: postremò suauēs & delicatos illos somnos.

sonnos. Ne uiuam, nisi ista eiusmodi sunt, ut ad ea uel spectanda mare transiturus fuerim, si quid uspiam tale existere suspicatus essem. Quid nunc censes cum me isto, ad tantæ coëundam sclicitatis societate: tam liberaliter inuitatum uocetis? Noctes, mihi credes, ac dies istuc cogito, uel potius euolare cupio. Quare fac me circiter Idus Septembris expectes. Adero enim ad eam diem, Deo iuuante, nec ante ad reliquum peregrinationis obeundum progrediar, quam omnem uitæ studiorumq; rationem penitus perspexero, id est, ipse me uobiscum aliquot dies in ista agrorum amœnitate oblectaro. Vale. Patauij.

Nicasio Casletano, Patauium.

**P**ATAUIUM te uenisse, quæ semper urbs officina quædam est habitæ doctrinæ: lator equidem communium studiorum causâ plurimum. cerno enim iam animo, ubi tu philosophiam cum eloquentia coniunxeris, quantum ornamenti literis nostris, quantum splendoris accedet: sed mecû actum est incommodius, qui, quo tempore nobis, unius diei tantum interuallo disiunctis, præsentis amicitie nostre fructus nullo negotio capere licuisset, quo mihi optatius aut iucundius esse nihil poterit, tunc abesse à te cogor, et omnem suauitatis, delectationisq; nostræ spem in mutuo literarum officio reponere. crede mihi, hac ego cura uehementer angor: quippe, cuius imaginem humanitatis, ingenij, eloquentiæ, iam pridem uidi in epistolis tuis,  
ac se-

Manutius  
lib. 6.



ac sæpe sum animo contemplatus, ea si propius adspicerem, qua lætitia, qua uoluptate perfunderer et ualeam, si qui aut opes, aut honorum insignia, uel illustrium uirorum ambitiosas salutationes tanti aestimant, ut hæc bonis, iucundis, sapientibus, id est, tui quam semillimis amicis anteponant. Accedit ex occupationibus molestia, quibus impediior, quo minus te cum per litteras quam sæpius colloquar. quod ob eam quoque causam ad te scribo, ne mihi uitio uertas, neuè obliuione mea potius, quàm negotiorum multitudine, factum suspiceris, quod paulò serius fortasse, quàm expectabas, epistolæ tuæ respōderim. nulla enim re magis, quàm deserti officij memoria, crucior. nec tamen ab amicis plus, quam commodum eorum, aut etiam uoluntas ferat, umquam postulo. Itaque amicum nostrum cur excusares de infrequentia litterarum, causæ nihil sunt. quiduis enim mihi potius persuaderi patiar, quam ei me absenti effluxisse ex animo, quæ ego præsentem, quibus coluerim officijs, quæq; ad eius laudem studia contulerim optimus ipse testis est. At scribit perquam raro. fortasse aulicæ uitæ consuetudo ita fert, fortasse etiam cum uelit, per negotia non licet aut si licet nostram amicitiam, quæ satis per se firma est, non modo litteris, sed nec ullo prorsus officio putat esse fulciendā, qua ego quoque in sententia sum. Et tamen ita me comparaui iam pridem, si quid ab amicis præter meam expectationem omittitur, id ne accipiam

ecipiam durius, & malim omnia mitiorem in partem  
interpretari, quam committeae, ut sanctissima neces-  
situdinem iura suspicio, plerunq; falsa uiolare possit.  
Atque haec ipsa, nisi graue est, ad eum perscribas ue-  
lim: & hoc addas, me, cum primum Romam ueni, de  
meo statu litteras ad eum dedisse: quas à communibus  
amicis, fideli & certo tabellario commissas, periisse  
non arbitror; ab eo tempore noui nihil in meis rebus  
contigisse, nisi hoc nouum uidetur, mihi cum hoc cae-  
lo, cuius multi grauitatem non ferunt, adhuc quidem  
optimè conuenire, quod ei fore iucundissimum certò  
scio. Tibi ad Carolum Sigonium, & Michaellem So-  
phianum, praestantes uiros, mihiq; & studijs, & amo-  
re coniunctissimos, cur litteris opus esse commenda-  
ticijs existimem: quasi non eorum uterq; ut doctri-  
na, sic etiam humanitate excellat. Et profecto iam  
tibi ad eorum amicitiam, qua uir bonus & studiosus  
nemo excluditur, aditum aperuit, nullo intercessore  
uirtus tua, illiq; te cognitum diligunt, tuaq; in primis  
consuetudine delectantur. qua ego interdum cogi-  
tatione ita fruor, ut hac etiam specie falli me non si-  
nam, quasi ipse uestris deambulationibus, & sermoni-  
bus intersim. Ego hic, nisi me noctes aliquantum ad-  
iuuissent, caruissem prorsus litterulis nostris, quarum  
suauitate pascor. nunc, æquato noctibus diernm spa-  
tio, uereor, ne non otij quantum uellem relinquatur.  
Tu quam libenter Patauij sis, quamq; diu te futurum  
K putes,

putes, quo utaris in philosophia doctore (nam Gen-  
niam, omnium facile principem, rariore tam den-  
um ordine minus explanatè loqui aiebant) hæc si ad  
me scripseris, & simul de singulis publice interpre-  
tantibus quid sentias, duplicem fructum capiam, &  
quod ea, quæ scire a teo, cognoscam, & quod ex literis  
tuis, in quibus uernaculum illum Romani sermo-  
nis leporem, & planè Ciceronianam elegantiam me-  
hi uideor agnoscere. Vale. Romæ. IIII. idus. Martii.  
M. D. L. X. II.

Iacobo Luca Decano Au-  
rellensi. S.

Longolius  
lib. 4.

**N**unquam nobis sanè non decrit scribendi argu-  
mentum, nisi (ut te olim monui) mutuis id inter-  
rogationibus excitemus: quo nomine scripsi ad te  
haud ita pridem, mihi adeo gratum fore, si plenius te  
intelligerem, cur princeps noster Erasmi Budæi  
prætulit, Germanum Gallo, exterum ciui, ignotum  
familiari. Nam quod ad eruditionem pertinet, non  
uideo qua in te Budæus Erasmo cedat: siue humanio-  
res, siue Christiano dignas homine literas æstimare  
libeat. Quod uero ad dicendi facultatem pertinet,  
par em, mea sententia in tam diuerso dicendi genere  
laudem merentur. Beatissima in ambobus & rerum  
& uerborum copia: sed ita ut alter latius expan-  
tur, alter angustiore quidem alueo, uerum altiore in-  
gentem aquarum uim trahat: fluit ille plenior, hic  
fertur

fertur rapidior. In Budeo uideor mihi agnoscere plus neruorū, sanguinis, spiritus: in Erasmo plus carnis, cutis, coloris. in illo plus diligentie: in hoc plus facilitatis. creber ille sententijs, hic facetijs: ille omnia utilitati, hic plurimū delectationi tribuit. Pugnat Budeus cura, ingenio, gravitate, dignitate: Erasmus arte, subtilitate, leuitate, iucunditate ad uictoriā contendit. Hunc amare possis, illū admirari huic fauere, parere illi. Profecto ille me uehemēter cogit, hic suauiter allicit. Ducit alter blanditijs, alter uiribus trahit, uerborū delectu religiosus, proprietate perspicuus, si res tralationem expostulat, in metaphoris scilicet, sententijs grauis, figuris uariis, summa orationis specie honestus, sublimis, seuerus, grandiloquus. Contra Erasmus uenustus, modestus, popularis, floridus, uerborum suppellectile diues, compositione simul expeditus, simul nitidus, frequens exēplis, densus augumentis, gratus salibus. Ille in oratione sua totus quidem semper est, sed tum potissimum tonat, tum fulminat, cum materia temporū nostrorum obiurgationem admittit: Hic etiam quum morib. conuitium facit, magis instituto suo seruire atque dolere uidetur, in magna-  
tis, collyrijs, cerotjs, et ceteris id genus leniorum medicamentorū remedijs sanitati consulens: ut ille amarulentijs quidem illis, sed hac tempestate necessarijs potionibus, sectionibus, cauterijs altè grassantem uim morbi infectatur. Breuiter, si historiam scriptura-

ri sint, Budæus Thucididem, magis quam Sallustium:  
 Erasmus Liuium, quam Herodotum retulerit: Si poem  
 ma pangendum, hic tragicum & heroicum quiddam  
 uerborum sententiarumq; pondere altius intonabit:  
 ille Comœdiam urbanus, Lyricos suauius, elegiam  
 mollius inspirabit. Assurgit tamen & hic quoq; alie  
 no ingenio, suo uero tam difficulter, quã ille nunquã,  
 etiamsi uelit, sese demittere queat: alioqui superiores  
 illæ uirtutes ut neutri desint, sic in altero magis pa  
 tent, in altero magis latent: effectu pares, habitu dis  
 similes, ut haud prorsus aberret quisquis hunc cœcio  
 ni, illum iudicijs natum dixerit: alterum Palladis nu  
 mine afflatum, alterum Gratiarum choro stipatum.  
 Cæterum ut intelligas nihil esse, quod sit ab omni, ut  
 ille ait, parte beatum aut certe quod omnium stoma  
 cho satis possit facere: audi quid in eis desiderant, qui  
 se aliquod operæ precium in re litteraria fecisse ar  
 bitrantur, Budæus hoc illis peccare uidetur, quod ni  
 hil peccet: Erasmus quod uitij suis faucat. illum enim  
 dum scrupulosius omnia ad ueterum normam exigit,  
 sæpe oblitum eorum, quibus scribit, sibi tantum &  
 Musis canere: hunc dum ingenio suo nimis indulget,  
 nihilq; putat esse tam uulgare, quod non aliquando in  
 oratione suam sibi locum honestè uindict, turbidum  
 interim fluere. illum potius nobis significare quid ue  
 lit, quam dicere: hunc immodica sermonis ubertate,  
 ueluti lato gramine sato strangulare. illum oratione

HUNC



nunc obliqua uerticosum, nunc figurata elatum sepe  
 intumescere, hunc recto nudoq; ductu humiliorem,  
 plerunq; humi serpere: hunc lasciuia molliorem, illū  
 austeritate duriorē. Deniq; alterum doctis mirum  
 in modum posse placere: alterum etiam imperitis, si  
 in tam secunda (ut illorum uerbis utar) facundia mo-  
 dum tenerent, & suo semper freti ingenio, alieno nō  
 numquam essent deserti, uel iudicio, uel consilio. Nam  
 cum prestare possint quicquid uolunt: Par est, inqui-  
 unt, ut optima queq; uelint, nec sese ambitiosius nobis  
 uenditent. eō res nostras recidisse, ut maturē potius  
 iuuandi, quam intempestiue delectandi simus; pro sus-  
 cepto operis instituto fideliter docendi, non crebris  
 licentiosissimisq; excursionibus ambagiose suspendēdi:  
 digredi quidē Senecum & Pliniū, sed alterum parcē,  
 alterū rarō, nec sic quoq; quæsito, nec nisi oblato argu-  
 mēto. Hæc Critici, quorū sententiæ quo minus statim  
 subscribam, faciunt cum alia multa, tum quod non de-  
 fuere clari oratores, qui non grammaticos, sed popu-  
 lum eloquentiæ iudicem statuerint. Esto sit porrigen-  
 dus doctis modo calculus, sint soli litterarum princi-  
 pes de re in consilium mittendi, quisnam amabo hac  
 ætate dignus, cui tam superba censura iure credatur?  
 Tuebuntur se uterq; haud magnis solum exemplis, sed  
 etiam ualidissimis argumentis. Dicent se non perpe-  
 ram scribere, sed illos corruptē iudicare: in oratio-  
 nibus suis non nasci, sed ab imperitis spinas afferri

Erasmus se omnium rationem habuisse, Budæus paucorum theatro contentum esse. Itaque ipse nihil decerno, uel, ne sutor (ut aiunt) supra crepidam: uel quod apud me paria faciant, hoc est, uirtutibus, si qua sunt uitia, pensent, atque adeo superent. Habent enim plus quod laudem, quam quod ignoscam. Illud tantum miror, quod ab initio dicebam: Cur princeps uester in tanta Budæi probitate, doctrina, eloquentia, Germanum Gallo, exterum ciui, ignotum familiari prætulerit. Nec hoc dico, quod erasmi fortune inuideam. Studeo namque homini, si quis mortalium alius, tametsi de facie nunquā mihi uiso, idq; ob communem patriam (sumus enim eiusdem, ut nosti, & lingue & conditionis) colo autem ob eximias illas animi dotes, quas in eo ita suspicio, ut uotorum meorum summa sit, hinc ad annum etiam alterum supra uicesimum, quo me ætate superat, si non illum, quem nunc tenet, saltem proximum eloquentiæ gradum attingere. Improbum inquis, uotum: improbum sanè, sed quod nec ipse plane improbet. Ego nec existimationi, nec commodis tanti uiri inuideo, cuius eloquentia apud me pluris est, quam totius Galliæ opes. Sed in hoc ista scribo, ut si quid habes, ac tutum me certior rem facias, cur semper neglectis Gallorum, nunc primum fastiditis Italorum ingenijs, Germanica tam ambiciose affectemini. Vale, ex urbe Roma IIII. Cal. Febr.

Hoc

Hoc selectiorum epistolarum opusculum, ad  
puerorum institutionem ualde idoneum  
& accommodum est : & vt imprimatur  
utilissimum.

Henricus Zibertus a Dunghen Can. Antu ver.  
S. T. D.

BREVISSIMA

AD EPISTO-

LAS LATINAE CON-

SCRIBENDAS ISA-

GOGIE.

PER

*Simonem Verrepæum.*

SIMON VERREPÆVS Ma-  
gnæ spei puero IOANNI Loënio  
Buscoducensi, S. D.



IDEO quid agas, Loëni suauissime,  
Trochum libenter agitas, lusitas  
nucibus, equitas in arundine longa:  
& totus adhuc addictus es crepun-  
dijs tuis & oblectamentis puerilibus : Et tamē in hac  
etate adhuc tenella, de felici studiorū tuorū successu  
magnum quiddam iam nunc incipio augurari. Habes

K 4

in pas



in parentibus tuis præclarum & illustre quod imite-  
ris, propositum exemplar: Pater enim & auus pa-  
ternus ambo eruditione non vulgari præstantes uiri,  
ambo præclara Senatorij ordinis Siluaducensis or-  
namenta, quique ad hæc studia tua rectè excolenda,  
nullis omnino parcunt sumptibus: In te uerò eam  
perspicio naturæ indolem, cum ingenij uigorem, at-  
que in perdiscendis Romanæ linguæ rudimentis ani-  
mi alacritatem, ut hanc capere de studijs tuis conie-  
cturam nihil omnino dubitem. Quamobrem ut quò  
cepisti, alacrius pargas, ac celerius faciliusq; per-  
uenias, mitto tibi munusculum puerile, quo uelut la-  
cteo cibi cum nucibus tuis licebit uti, donec nonnihil  
adoleueris, & ad solidiorem cibum paulo magis te  
confirmaris. Vale, mi dulcissime LOEVI,

diu ac felicissimè. Antuerpiæ,

anno salutis Christianæ.

M. D. LXXIII.

17. Kalen. Aprilis.

les.

BREVIS

**BREVIS ET APERTA AD  
EPISTOLAS LATINE CON-  
scribendas Isagoge, siue  
Introductio.**

**QVID EST EPISTOLA?**

**E**PISTOLA est absentis cum absente colloquium, vel, mutui sermonis nostri velut quidam internuncius.

*Quales igitur esse debent Epistolæ?*

Tales omnino, quales sunt mutuz amicorum inter se confabulationes, simplices & familiares, festiuz, dilucidæ, minimeque fucatz, quæ suum tamen ornatum non penitus negligant.

*In quibus Epistolarum ornatus  
potissimum spectatur?*

Partim is in singulis spectatur verbis, partim in coniunctis, siue sententiis.

*Cuiusmodi igitur verbis utendum in  
Epistolis?*

Latinis, Propriis, Usitatis, & quorum compositio æquabilis sit gratiofa ac facilis, nec ab usu loquendi remota.

Fugienda vero sunt verba dura, ambigua, obscura, obsoleta, nimium affectata.

*Quales esse debent sententiæ?*

Elegantes, apertæ, faciles, quæque sermone constent quotidiano, ut sensus ad manum parati sint: Ad hæc non omnino triviales: sed

vel propriæ; vel eleganti Tropo aut Schemate variata.

*Quæ sunt Epistolarum partes?*

Epistolarum partes generales sunt, vt vocibus hic vtar vulgò tritis, Salutatio, Vale dictio, & Superscriptio: quæ omnibus ex æquo epistolis adhibentur.

Aliæ verò sunt partes speciales, Exordium, Narratio, Petitio, & Conclusio, quæ, quod non omnibus Epistolis sint necessaria, discantur postea ex Præceptionibus Rhetoricorum.

#### DE SALVTATIONE.

*Quid est Salutatio?*

**SALVTATIO**, est qua initio Epistolæ absenti salutem nuntiamus. Id quod variis consuetum iam est fieri modis.

*Quæ sunt aptissima igitur salutandi*

*formæ?*

Quæ ad veterum salutandi consuetudinem quam proximè accommodantur: Sic enim fere salutat Cicero: Cicero Pisoni S.

Cicero Dolobellæ. S. D.

Et Adiuncto Prænomine.

Cicero Gn. Pompeio S. P. D.

M. T. Cicero T. Pomponio Attico S. P. D.

Apponitur interdum pronomen, *Suis*.

Cicero Tironi suo S.

Cicero Terentiæ suæ; Tulliæ suæ, S.

Aliquan.

**Aliquando Adiectiuum.**

Cicero Tironi suo dulciss. S.

Cicero Tironi suo humaniss. & optimo, S.

Vel Dignitatis titulus.

Cicero C. Cesari I M P. S. D.

Cicero procos. M. Marcello Cos S. D.

Sic ad Veterum consuetudinem  
nostras licebit accommodare.

Viues Linacro. S.

Viues Guil. Budæo, S. D.

Viues Craneueldio suo, S. D. P.

Bembus Sadoletto amico non vulgari S. D.

Manutius Paulo Iouio amico integerrimo,  
S. D.

Ioach. Perionius Carolo Lotharingo Cardi-  
nali, S. D.

Ant. Houæus Abbas, Viglio Zuichemo auri-  
ta militæ Cancellario, S. D. P.

*Quæ sunt nouæ salutandi rationes?*

Noui sunt illi salutandi modi, quibus Recen-  
tiores plerique nunc oblectantur.

Saluemini N.

Salue multum.

Salue plurimum.

Salue ter quaterque.

Salue etiam argue etiam.

Salue pater obseruande.

Salue amice integerrime.

Salue congerito lepidissime.

Salue plurimum in Christo Iesu.

Salue

Salve plurimum colende D. Patruæ:

S. P. amicorum optime & integerrime.

Salve vnicum meum in Christo decus & præsidium.

Veterum tamen simplicitas nostra hæc  
nouitare nequaquam potest corrigi.

Sed de Salutatione nunc satis. Prosequamur  
reliqua.

Nunc age, ostende, quibus uerbis recte

exordiemur Epistolam?

Veterum plerique sic olim Epistolam exor-  
diebantur.

Si vales: valeo.

Si vales, bene est: valeo.

Si vales, bene est: ego quidem valeo.

Si vales, bene est: ego valeo, & quidem  
bellissimè.

Si vales, gaudeo: equidem valeo Et Cicero  
ac Tulliola bellissime valent.

*Has ueterum formas Christiani interdum*

*non in eptè sunt imitati.*

Si vales, bene est: Ego perbelle valeo, & in-  
dies bellius.

Si vales, bene est: Ego quidem valeo, sicut  
soleo, paulò etiam deterius.

Si vales, bene est: Ego per Dei gratiam sic  
valeo ac uiuo, ut nunquam in vita suauius.

Si rectè vales, cariss. Pater, vnà cum suauis-  
sima matre, bene est, Nos hîc, Dei  
gratia, perbellè valemus.

Si

*Si rectè vales, vnice mihi dilectè, pariter ob-  
seruande auuncule, est quod plurimum  
gaudeam, equidem hîc, Dei beneficio,  
valeo rectissimè.*

*Si tu, tuaque coniunx, socer humanissimus  
reliquaque familia valetis, est cur maxi-  
mopere gaudeamus: Nos hîc Dei munere  
valemus ex sententia.*

*OBSERVANDA est hæc varietas, Dei  
gratia, Dei dono, Dei munere, Dei bene-  
ficio, Dei benignitate, &, que Dei benigni-  
tas est.*

*Sed de Exordilis hæc, vt opinor, suffe-  
cerint: Nam qui cuiusvis fere generis Episto-  
larum apta & accommoda requirit exordia,  
is operis nostri maioris de Conscribendis  
Epistolis librum tertium perlegat.*

*Tu nunc perquire, que sunt reliqua.*

*Nunc igitur ostendas rogo, dum ad multa*

*alicui respondemus, qui fiat aptè ex*

*uno argumento in aliud*

*transitus.*

*Vni epistolæ tuæ respondi: venio ad alteram,  
Hactenus ad litteras tuas superiores: nunc  
ad posteriores accipe.*

*Longiori tuæ epistolæ respondi. Venio nunc  
ad breuiorem.*

*Hactenus ad tuas litteras: Nunc de me pau-  
cis accipe,*

*Re-*

Rescripsi ferè ad omnia: Nunc nostra uicissim accipe.

Habes fere de rebus omnibus: Extremum est illud, ut te rogem, &c.

Sed hæc hætenus: Addam etiam illud, &c.

Sed tristitia mittamus, redeamus illuc unde diuertimus.

Sed plura de his quàm statueram: Nunc ad propositum reuertamur.

*Qui excusabimus litterarum nostrarum breuitatem?*

Plura otiosus, hæc inter medios scholæ strepitus exaravi.

Scribam ad te pluribus alias, cum plus otij nactus ero.

Cum plus otij nactus ero, ubi ueniores à me litteras expectato.

Hæc scripsi festinans, properante ad uos tabellarip.

Habes epistolam plenam festinationis & pulueris.

Breuitas tuarum litterarum, me quoque breuiorem in scribendo facit.

Scribentem me hæc, nunc cœna, nunc alia multa interpellant.

*Qui nunc contra purgabimus earum prolixitatem?*

Sed iam ultra metas epistolam porrigo, dum tui amore, mei oblitus longius rapior: Vale igitur.

Sed

Sed prolehor longius quam volebam, & charta me deserit, ut vides, tecum suauissime colloquentem. Fac, gitor ut valeas.

Sed iam modum epistolæ diu multumque excessi, benevolentia magis adductus, quam quod res ipsa postularer. Veli mihi ignoscas, quod tanta harum prolixitate te pene ob-  
rundam, otiabar iam enim & tuas volebam elicere.

Hæc amore magis impulsus scribenda ad te putavi, quam quod arbitrare te moniris & præceptis meis egerer.

Quo pacto epistolam longiorem recte abripemus? Sed iam plura quam constitueram. Valebis igitur.

Sed hæc super re nimis multa, præsertim ad te. Sed hæc pluribus fortasse verbis, quam sit necesse.

Sed quid ago? longius progredior, quam volebam.

Sed de his satis, metuoq; ne tu nimium putes.

Sed hæc satis multa, vel plura potius quam necesse fuit.

Sed ne longior, vale, & præsidium, & dulce decus meum.

Sed quid ago? epistolam institueram scribere: ea autem crescit in volumen.

Qui tandem Epistolam concludemus? Habes quæ scire cupiebas. Vale.

Habes fere de rebus omnibus. Vale.

Habes ut breuissimè potui totam familiæ nostræ statum.

Hæc



Hæc habebam quæ his de rebus ad te scriberẽ.  
Hæc fere ad eas litteras, quas accepi abs te  
proximè.

Finem scribendi faciam, si te primum no-  
nuero, ut &c.

Reliquum est, ut à te potam mihi Ghilsi, ut me  
de rebus Germaniæ quàm sepius facias  
certiorem.

*Ostendemus quibus formulis amicos in fine*

*Epistolæ rectè salutemus.*

Amicos omnes ex me saluta.

Salutabis parentes meo nomine.

Patrem tuum salutes velim officiosè.

Cariss. matrem tuam salutabis à me diligenter.

Sodalitatem totà saluta meis verbis accurate.

Saluta omnes qui de me istis percunctabuntur.

Fratribus tuis ex me multum salutem dicito.

Saluebit à me noster Lepidus officiosè & ac-  
curate.

Mihi apud amicos omnes vicarius esto salu-  
ratur.

Amicum nostrum D. Petrum à Valle iube à  
me saluere plurimum.

D. Henrico Verrepzo precaberis à me lata  
omnia & felicia.

Salutem à me fratri tuo, & si quem alium  
fortasse nostri amantem videris.

Eximium virum M. Io. Hubertinum ex me  
me etiam atque etiam saluere iube.

Ad M. Theodoricum, si quid dederis litte-  
rarum,

rarum', illi ex me salutem adscribes plurimam.

Campagrium nostrum eximia spe summae virtutis adolescentem salutato meis verbis diligentissime.

Saluebit à me Loenius noster diligenter, Item Ghilsius, Ottonius, ac reliqui, quos istic me nosse putes.

Apud amicos omnes, tu fac nomenclatorem agas, ac singulis nominatim multam ex me salutem dicito.

Onerabo te non magna sarcina, vt Hyluarenbecam proficiscens salutem meo nomine perferas ad amicum nostrum M. I A C. Schilderum.

*Iam nomine alterius qui salutem  
adscribemus*

N. N.	{	Officiosè te iubet salutari.
		Iubet te saluere plurimum.
		Iussit me tibi salutem scribere.
		Plurimam tibi impertit salutem.
		Impertiri te iussit plurima salute.
		Nihil nō optat tibi faustum ac laetum.
		Præcatur tibi omnia quæ sibi metipsi.

N. N.	{	Præcatur tibi ac tuis omnia felicissima.
		Precatur tibi omnia euenire prosperissime.
		Annuntiat tibi salutē verā ac solidā.

L. SALVE.

**SALVE BIS** à Typotio nostro, adolescente mihi summè dilecto & tui prorsus obseruentissimo.

Iam epistolam complicaueram, cùm adiret me tuus *von der Noot*, qui te plurimum iussit saluere suis verbis.

Cùm has ad te litteras exararem, aderant forte mihi **PHILIPPVS** de Bie & **IO. Loewius**, rogabantque vt suo nomine salutem tibi ac familiæ tuæ impertirem.

*Nunc uelim edoceas qui excusabitur Epistola subito & neglectius conscripta.*

Plura otiosus, hæc subito & variè distractus. Character epistolæ neglectior testis est summæ nostræ festinationis.

Hæc exaravi multis distractus negotiis, animoque curis valdè impedito.

Hæc occupatissimus ad te scripsi, & rus iam iam profecturus ac viam iniens.

Hæc scripsi ex tempore plus quam occupatissimus, scripturus alias accuratius.

Ex tempore scripsi hæc & in cogitantius, aliqui nec meditatus satis probatus scribendæ artifex.

Hæc scripsi raptim & plusquam ex tempore, forte oblato tabellione, scribam alias accuratius.

Hæc scripsi præpropere & perturbatè, quod ex litteris ipsis & sensis facile coniiicies: quæ so festinationi meæ, & breuitati litterarû, des veniam. Vale.

**DE**

ISAGOGÆ 149  
**DE VALEDICTIONE.**

*Quid est Valedictio?*

**VALEDICTIO** est epistolæ terminus: Quomodo enim à Salutatione Epistolam exordimur, ita hoc verbo, *Vale.* claudimus.

*Profer nunc aptas aliquod Valedictionum formas, ut prius Salutationum ostendisti.*

**Vale.**

**Valebis.**

**Bene vale.**

**Vale & salue.**

**Vale feliciter.**

**Vale rectissime.**

**Fac ut valeas.**

**Cura ut valeas.**

**Da operam ut valeas.**

**Vale mi N. & salue.**

**Vale vir integerrime.**

**Vale etiam atque etiam.**

**Vale iterum atque iterum.**

**Vale cum tuis omnibus.**

**Opto te diu bene valere.**

**Da operam ut bene valeas.**

**Cura, si me diligis, ut valeas.**

**Cura, ut quam rectissime valeas.**

**Cura te etiam atque etiam, & vale.**

**Cura ut valeas, & me, ut amas, ama.**

**Vale feliciter mi N. in Christo IESU.**

**Vale panceraticè, aut si maius athleticè.**

**L 2**

**Vale**

Vale mi carissime & suauissime Gail.

Ne longior sim vale, & nos, ut facis, ama.

Bene valere te cum omnibus tuis precor.

Vale felix ac faustus vir omnium humanissime.

Vale etiam atque etiam & salue plurimum mihi.

Incolumē te nobis diu seruet Deus. Opt. Max.

Bene vale mi Flamini amice plus quā Piladee.

Bene vale. Nos ut quimus, aient, quando, ut volumus, non licet.

Bene vale D. Loewi, nostri memor, praesertim in precibus tuis.

Te cum vniuerso Collegio tuo quam rectissime valere cupio.

Bene valeat R. T. C. cui me modis omnibus, & ex animo commendo.

Vale vir optime & integerrime, cui me totum, ut debeo, ita dedo, dicoque.

Vale mi dulcissime & desideratissime Campagri, iterumque & saepius vale atque salue. Ex Hiluarico torrente patria tua.

*Licet ne uerbo uale, adicere quippiam.*

Planē licet, praesertim si quid occurreris, quod eitis, ad quem scribimus, animo, velimus fortius inhaerere.

Vale & stude.

Vale & rescribe.

Vale & Desinitime.

Vale & me, ut soles, ama.

Vale & me uti a me autem redama.

Vale & me, quod facis, amare, perge.

Vale

Vale & nos, quod mutuum facies, dilige.

Vale & me solito tuo amore fac prosequare.

Vale & si me amas, labores ama & studia.

Vale & huc ad nos quam primum aduola.

Vale & litterarum studiis incumbere diligenter.

Vale & quæ voles omnia tibi de me pollicere.

Vale & nos sæpe tuis litteris, si est otii, saluta.

Vale & boni consule has litteras plusquam ex temporarias.

Vale & tumultuariam hanc nostram respon-  
sionem fac boni consulas.

Vale & inconcinnam hanc rapsodiam nostram  
æqui boni uelim consulas.

Vale & ora Deum ut incolumis intra paucos  
menses vobis semel restituar.

Vale & comenda me precibus Domino, mu-  
tuum orationis beneficium impensurus.

*Quid & licebitne post Vale adijcere, si quid prius  
forsan per obliuionem nobis exciderit.*

Si post VALE neglectum aliquid succurrerit:  
aut si quid sit, quod animo eius, ad quem  
scribimus, velimus tenacius inherere, ho-  
neste illud hoc modo addi poterit.

Vale, Sed prius quam obsignem epistolam,  
hoc addam.

Vale, Sed percommode hoc nunc in mentem  
mihi venit.

Vale, Sed mane paulisper, Nam est aliud quod  
adijciam.

inimo

L 3

Vale,

Vale, Sed quam pæne me fugerat, quod te maximè omnium scire volebam.

Vale, Sed heus tu, propemodum præterieram, quod in primis dictum oportuit.

Vale, Sed ô me obliuiosum, pæne exciderat, quod non oportuit prætermisum.

Vale, Sed heus tu, omiseram vnum, quod tu non minus libenter leges quam cætera.

Vale, Sed obsignaturo epistolam illud percommode venit in mentem, quod omissum do-lerem.

Vale, Iam parabam obsignare littaras, cum alterastuas ad me reddit veredarius, eadem igitur nunc opera, binis tuis respondeo.

*Quid post VALE reliquum?*

Locus & tempus adscribentur.

Locus quidem, si sit proprium oppidi nomen, hoc modo: Luteriæ, Louanij, Neapoli,

Et interdum per Ablatium. (Athenis,

Roma, Patauio, Neapoli, Tybure.

Sic Cicero. Brundisio, Alizia, Leucade.

Si verò proprium loci nomen sit vel acliton,

vel Appellatium, præponetur ei præpositio.

Acliton, vt Ex Dommelè, Ex Hiluarenbeeck.

Appell. vt ex adibus D. Deca Enostromusco.

*TEM PVS* uerò siue annus hoc modo scribi poterit.

Domini



		Domini Millesimo Quingentesimo, Septuagesimo primo.
ANNO	A Christo nato	M. D. LXXIIII.
	A Christi natali	
	A Christi natiuit.	
	Salutis humane	M. CCCC. LXXIIII.
	Partæ salutis	
	Affertæ salutis.	
	A parru virginis	M. D. LXXIIII.
	Salutiferi partus	
	Ab orbe redepto	1571.
	Redemptionis humane.	

*Dies uerò mensis qui adscribitur e*

Kalēdis, Nonis, Idibus Ianuariis vel Ianuarij.

Tertio Kalēdas Nonas, Idus, Ianuarias vel rij.

Ad tertiū Kalēdas Nonas Id<sup>9</sup> Ianuarias vel rij

*Vel more Recentiorum.*

Primo die mensis Ianuarij.

Decimo die Maij.

Vltimo decembris.

*Licēne Christianorum ferijs indicare diem e*

Licet, hoc modo.

Natali Christi Seruatoris.

Die festo Pasche, vel Pentecostes.

Feriis assumptæ B. Virginis matris.

Pridie Omnium Sanctorum.

Postridie Conuersionis B. Pauli.

L 24 Dedi-



Dedicationis templi ferijs.

Hylaribus nostris. Iplis Regalibus.

Licer & horam interdum adscribere:

Prima luce, Summo mane, Diluculò.

Crepusculo matutino vel vespertino.

Sub cœnam, Inter cœnam, Mox à cœna.

Alta vel multa nocte, Ad multam noctem.

Nocte intempesta.

*A dicitur in fine scriptoris nomen*

Sic sanè, si initio episto. non expresseris, alias  
minimè.

Paulus Manutius.

Tuus ex animo Manutius.

Tuus toto animo Manutius.

Petrus Bembus ex animo tuus.

Tuus totus Iacobus Sadoletus.

Tuus tuo merito totus Christ. Longolius.

Tui, vt scis, amantissimus Ant. Flaminius.

Tui obseruantissimus Ioach. Perionius.

Tui ex animo studiosus Carolus Sigonius.

Tibi addictis. vel deditis. Pet. Victorius.

Tuus, si cuiusquam mortalium, Franciscus

Robortellus.

*Ad Nobiles uerò uel dignitate illustres, hoc modo  
pleriq; nunc scribunt.*

Tuz Cellitudini

Tuz Amplitudini

Tuz Clementiæ

{ Deditis. additis.

{ Cliens, clientulus.

*Item sic: Reuerentiæ tuz. Præstantiæ tuz. Di-  
gnitati tuz, &c.*

Inter-

Interdum hæc scribunt singulis litteris.

R. T. { Reuerentia tua.  
C. T. { hoc est, { Celsitudini tuae.  
D. T. { Dignitati tuae.

Vel temis litteris.

R. T. C. { id est, Reuerenda { Celsitudini.  
R. T. A. { tua. { Amplitudini.  
R. T. D. { Dignitati.

## DE SUPERSCRIPTIONE.

*Quid est Super scriptio?*

Super scriptio est quæ in summo Epistolæ iam ob signatæ ponitur, constatq; nomine & cognomine eius cui scribitur. Ad hæc congruenti eius epitheto, non otioso, non absurdo vel mendaci, quodq; oneret personam, non honoret. Tum etiam constat loco, in quo agit is, cui inscribitur.

Profer, si placet, Inscriptiones aliquot, ad quas recte nostras licebit accommodare.

Ad Patrem, Patrum, Auunculum, vel  
Præceptorem.

Optimo & integerrimo ciui Antuerpiensi  
N. N. parenti suo pientiss. & plurimum ob  
seruando. ad signum Aquilæ.

Antuerpiæ,

Circumspecto prudentique viro N. N. pa  
truo, vel auunculo suo singulariter obseruan  
do.

Amsterodami.

L 5 Eru.

Eruditione, virtute & moribus excellenti  
viro M. N. N. moderatori scholæ in VVester-  
lo, Præceptorî suo carissimo & vnicè colendo.  
In VVesterlo.

*Ad fratrem Cognatum vel Sodalem.*

Ingenuo & probo adolescenti N. N. fratri  
suo longè carissimo, bonarum litterarum stu-  
dioſo. Louanij.

Liberali indole & eximia ſpe adolescenti  
N. N. cognato ſuo liberaliũ artium cum pri-  
mis ſtudioſo. Siluæ ducis.

Præcellentis ingenij & optimæ ſpei puero  
N. N. ingenuarum artium ſtudioſiſſimo. Hiluarenbecz.

Præclaræ indolis & magnæ ſpei adolescen-  
ti N. N. ſodali ſuo iucundiſſimo & vnicè ca-  
ro. H. B.

Generoſo ſummaque eruditione & probi-  
tate adolescenti N. N. amico ſuo verè Pyla-  
deo. H. B.

*Ad Ciuem, Mercatorem vel Opificem.*

ſpectato & induſtrio viro N. N. amico ſuo  
integerrimo ad ſignum Struthionis Bibliopo-  
læ. ANTVERPIÆ.

Eximio & circumſpecto viro N. N. cognato  
ſuo & amico percaro, Apud Antuerpienſes  
oenopolæ. Antuerpiæ.

Egregio & ſpectato viro, N. N. ad ſignum  
inaurati gladij cultuario. Bulciducis.

Ad

*Ad Secretarium, Aduocatum uel Consulem.*

Præstanti, ornatoque viro M. N. N. Ciuitati Bredanzæ Secretis, amico suo haud vulgari.

Bredæ.

Eruditione, prudentia, & integritate præstanti viro N. N. in curia Brabantiz aduocato, amico suo præcipue obseruando.

Bruxellæ.

Clariss. & integerrimo viro D. N. N. equiti inaurato & ciuitatis Louaniensis Consuli meritis. patrono suo ac Domino plurimum venerando.

Louanij.

*Ad uirum Consularem, summæ auctoritatis,  
uel dignitatis.*

Virtute & singulari vitæ integritate præstantiss. viro N. N. amico suo maiorem in modum obseruando.

Mechliuz.

Prudentia & multo rerum vsu excellentiss. viro N. N. vrbis Gandauensis ciui celeberrimo, meccænati suo vnice colendo & obseruando.

Gandau.

Clariss. ornatissimoque viro ac Domino, D. N. N. arcani consilij Regis Hispaniarum digniss. Præsidi, amico & Domino suo singulariter ac perpetuo obseruando.

*Ad*

*Ad Monachum, Priorem uel Abbatem.*

Moribus ac vitæ probitate venerando Domino, F. N. N. Franciscini ordinis apud Louanienſes Monacho: ſibi ſummè dilector.

Louanij.

Probitate vitæ ac rara eruditione excellenti viro ac Domino, D. N. N. Dominica profeſſionis apud Colonienſes vigilantiff. Priori.

COLONIE.

Reuerendo in Chriſto Patri ac Domino, D. N. N. celeberrimi Monafterij, S. Gertrudis apud Louanienſes Antiftiti digniſſimo, patriuo ſuo ac Domino plurimum colendo.

Louanij.

*Ad Sacerdotem, Canonicum, uel Decanum.*

Optimo viro, ac Chriſti venerando Sacerdoti, D. N. N. Sacratarum virginum Vallis S. Agnetis apud Dommelanos digniſſimo Prefecto, amico ſuo integerrimo.

In Dommelen.

Vitæ morumque integritate præſtanti viro, D. N. N. Cathedralis Eccleſiæ Buſciducenſis Canonico, amico ſuo ac Domino in primis obſeruando.

Buſciducis.

Præſtanti & eruditione & vitæ integritate viro, M. N. N. Metropolitana Eccleſiæ Mechlinienſis Decano amico ſuo & Domino ſumme colendo & obſeruando.

Mechliniæ.

*Ad Paſtorem, S. Theol. Doctorem, uel*

*Episcopum.*

Erudi-

Eruditione, prudentia, & rerum vſu ornatiss. viro S. Theologi, Licentiato, M. N. N. Hyluarenbecensis Ecclesiæ primario Pastori, Domino suo vnicè venerando. Hyluarenbecz.

Insigni doctrina, pietate, & integritate clariss. viro M. N. N. S. Litterarum professori Regio, Domino suo, ac Præceptorum summè colendo.

Louanij,

Reuerendissimo in Christo Patri ac Domino, D. N. N. primo ac dignissimo Antuerpiensis Ecclesiæ Episcopo, Domino suo plurimum colendo & obseruando.

Antuerpiæ

*Ad viros Nobiles.*

Illustri & generoso viro D. N. N. Domino in Hyluarenbecz in Orschot, &c. Patrono suo ac Domino in primis obseruando.

In Orschot.

Ornato & splendido viro, &c.

Clariss. orto natalibus viro ac Domino, &c. Ampliss. grauissimoque viro ac Domino, &c.

Nobilitate & virtute præstanti viro, &c.

Clariss. pariter ac humanissimo viro, &c.

Auctoritate clariss. & spectatissimo viro, &c.

Priscæ ac veræ nobilitatis, insignisque eruditionis viro, &c.

Clariss.

Clariss. viro, & omni virtute, doctrina, elo-  
quentiaque ornatiss. D. N. N.

Sed tui amore longius iam rapior, quàm  
institueram: vereorque ne Isagogen pollici-  
tus, eam ipsam in librum producam: Quam-  
obremque reliqua sunt, petantur ex libris illis  
quatuor de Conscribendis Epistolis, qui, si per  
valetudinem licebit, & doctorum iudiciis pro-  
bari intellexero, propediem fortassis in lucem  
emittentur. Interim his rectè, ut utaris pre-  
cor, ad Dei omnipotentis honorem & glori-  
am, & perpetuam animarum salutem. Nunc  
igitur Vale, & nobis pro labore nostro bene  
subinde preceris oro. 1574. mense April.

Regi seculorum immortalis & inuisibi-  
li, soli DEO honor & gloria  
in secula seculorum,

Amen.

**F I N I S.**


Stor

M. 1574

**Hæ Ioannis Lodouici Viuis Epistolæ do-  
ctæ sunt & vtilis, & meo iudicio dignæ vt im-  
primantur.**

**Attestor D. HENRICVS Dunghen,  
S.T.D. & Cathed. Eccles. Antuer.  
CANONICVS,  
Pœnitentiarius.**

**DILINGE, EXCVDEBAT  
Sebaldus Mayer.**





THE UNIVERSITY OF CHICAGO  
LIBRARY

1000  
1000  
1000  
1000  
1000

1000  
1000  
1000  
1000  
1000

1000  
1000  
1000  
1000  
1000



14

[illegible]

